



PASSIO DOMINI NOSTRI  
**JESU CHRISTI**

Actu Oratorio,

*In Schola Senatoria Stetinensi*

*à XIV. Adolescentibus*

ANNO CLC. IDC. XXXV.

XVI. Kal. April.

**IN AUDITORIO MAJORE**

*Moderatore & Rectore,*

**M. JOH. MICRÆLIO**

*expressa,*

*& in*

**Qui inter alios perorantibus**

**aures faciles præbuerunt,**

*Illustri & Generoso Domino,*  
**Dn. Carolo Christophoro**  
**Sedlitzky, à Coltitz,**

*Virisq; admodum Reverendis, Amplissimis,*  
*Excellentissimis, Consultissimis & Clarissimis*

**Dn.** D. JAC. FABRICIO, Pom. Orient. Superin-  
denti & Pastori aulico,  
**Dn.** PAUL. FRIDEBORNIO, Reipubl. Stet. Conf.  
& Consiliario Regio,  
**Dn.** D. CHRISTOPH. SCHULTETO, Past. Jacob.  
**Dn.** D. LAUR. EICHSTADIO, Physico & Mathemat.  
**Dn.** DAN. VVASSERFHURERO,  
**Dn.** JAC. VVINNEMARO, Diaconis Jacobæis,  
**Dn.** BALTH. COLERO, ad D. Johannis Pastori,  
**Dn.** GOTHOF. JONÆ, Patricio Uratisl, Commis-  
sario quondam regio,  
**Dn.** MICH. NEUMANNO, Camerario,  
**Dn.** CHRISTIANO LANGIO, Senatori & Dica-  
steriorum Advocato,  
CL. etiam Scholæ nostratis Præceptoribus,  
M. DAN. LANGIO, designato Pastori Petrino,  
M. MATTH. GEIGERO, Pastori quondam Colonien-  
sis Ecclesiæ Lutheranae, nunc exuli,  
M. SEB. VVOLFGANG. HOPPENERO, &  
**Dn.** CHRISTOPH. HOFMANNO, J. U. Candidato,  
Sacrata atq; dicata.

Non

Bj Briem. F. IV. 2(13)



**N**on erat animus, oculis legentium subijcere, quæ superiori septimana Discipuli mei de Passione Servatoris nostri Auditorum animis insinuaverunt: Auribus enim sæpe scio placere, quod oculi accuratius intuentes sensu fastidiunt teneriori. Quum tamen Ephoro Scholæ nostræ primario, Ampl. Dn. PAULO FRIEDEBORNIO, Consuli hujus Reip. cui alioquin non nisi exquisita robustorum oratorum eloquentia arridere solet, propter materiæ, credo, sanctitatem, ita meorum filiorum (sic discipulos censeo) conatus sint probati, ut sibi dictorum copiam fieri vellet, non calamis ductu inæqualiori sæpe oculos fugientia verba exarantibus, sed mundo & fecundo æneorum charactere typorum describere omnem actum Oratorium curavi. In quo quanquā nihil ferè meū est, nisi breviuscula Thematum dispositio & aliqualis crassiorum, quæ Juventuti rudiori familiaria sunt, erratorum castigatio, meis tamen auspiciis patiar hæc Rhetorica meorum pericula lucem videre publicam: in quibus neminem offendat velim, aut styli inæqualitas, aut neglectior in multis cura, aut abjectum dicendi genus. Plures sunt, qui loquuntur, nec eiusdem vel ætatis vel profectus. Novistis id, qui loquentes audiistis, Audiistis autem, quantumvis nonnunquam

hæsitantes, tantâ cum patientiâ, tamq; tacitâ divi-  
norum myſteriorum ſub perorantium verbis lari-  
tantium meditatione, ut nemo veſtrum continuis  
quatuor horis, non ſine profunda animi hujus mei  
oblectatione, vel loco ſe moverit, vel verbum non  
perceptum tranſmiſerit. Placeant igitur jam vobis,  
VIRI, ſcripta, quæ placuerunt nuper perorata. Et  
ne diſpliceant, facturos vos ſcio, qui inter reliquos  
prodire vidiftis addicendum filios, SEDLNITZ-  
KIUM Baronem, eruditione non vulgari eximium  
quendam ſplendorem generoſæ ſuæ familiæ, utut  
iniquis fatiſ preſſæ, additurum, & non exiguæ ſpei  
adoleſcentulum VVASSERFHURERUM. De  
veſtro quoq; ſecurus ſum calculo, Venerande Dn.  
SVPEKINTENDENS, Sororie peramande, &  
Conſultiſſime LANGI, quorum alter ſuum ex uxo-  
riſ ſorore, meû ex eadem ſorore nepotem PLASTE-  
RVM; alter uxorſ fratrem KIESELBACHIVM,  
Juvenes laudatiſſimos, vidiftis, audiiftis, probaviſtis.  
Reliqui omnes, veſtrâ incitati virtute, id ultro agetis,  
ne benevolentia radiis ſubtractiſ, Juventuti in cur-  
riculo aſpero deſudanti obijciatur impedimen-  
tum. Sed quid vos, VIRI, detineo, quos hac vice  
non virum, ſed ſucceſcentem adoleſcentum facun-  
diam audire delectat? Verbum ſanè non addo.  
Ipi ſe non tam hiſce, quas jam habuerunt, oratiun-  
culis,



culis, quam laboribus sacratissimis, in quibus æ-  
tatem decreverunt consumere, probabunt

*Dn. ALBERTVS SEDLNITZKY, Liber  
Baro in Colitz, Moravus, qui representavit  
Pont. Pilatum Judææ Presidem:*

*JOH. KIESELBACH, Stetin. qui Petrum:*

*CHRISTIAN. LISCOVIUS Primisl. March,  
qui Johannem:*

*JOH. PRILVITZ, Demm. Pom. qui Judam.*

*GEORG. BEUTELIUS, Grausf. March, qui Caiph.*

*VVENC. BULLINGER, Cament. Lus. qui Hannā.*

*JAC. KIRSTENIUS, Stet. qui primum Phariseū.*

*JOH. RUCKEFORT, Pyr. Pom. qui alterum.*

*DAN. BRUNSVIGIUS, Stet. qui tertium:*

*SAM. PLASTERUS, Cosl. Pom. qui Romanum  
militem, sodalium & Judæorum truculentiam  
aversatum:*

*ALEX. MARTINI, Stetin. qui virginem Martior  
Mariam:*

*BALTH. RUCKEFORT, Pyr. Pom. qui Centurio-  
nem, ad miracula passionis Domini conversum.*

*ANT. NEOMARCUS, Stet. qui Prologum.*

*DAN. VVASSERFUHRER, Stet. qui Epilogum.*

**J. MICR.**



PROLOGUS.

**N**on sine mente, Illustris & generose Domine,  
 Viri Reverendi, Consultissimi, Excellentissimi, Clarissi-  
 mi, nobilitate generis, doctrina, & multi a laude orna-  
 tissimi, vosq; eruditione & virtute Favene insignes,  
 non inepti, nec sine mente, sed experientia diuturna eductus non-  
 nemo dicit: Quemadmodum nauta eò directus navim gubernant,  
 quo eam tenent certius, & cursum interius brevi convertunt orbe:  
 Sic mens nostra quoties precibus devotis Deum querit, deq; Christi  
 passione ardentius cogitat, non modo felicitus fluctus vitæ hujus mi-  
 serrima frangit, sed & tandem ex his miseriarum tempestatibus avo-  
 randus certiores portum invenit. Cum vero circa hæc tempora  
 passio Salvatoris nostri acerbissima, de qua in Symbolo nostro Aposto-  
 lico credimus & confitemur, quod Iesus Christus Maria filius sit  
 sub Pontio Pilato passus crucifixus mortuus & sepultus, publicè in  
 Ecclesia pre Pastorum explicetur, inq; auditorum pectora revoce-  
 tur, quis nobis vertet vitio, aut quo nos Mors damnet crimine,  
 si Christi vulnera, si commata nequissima, si durissima flagra, quæ  
 pro crimine mundi sustinuit, actu Oratorio publicè describamus.  
 Si n. Romani vinalia celebrarunt, ut referunt Historici, quibus fla-  
 men Dialis vindemiam auspicatus, maturus jam uvæ, vinum lege-  
 re iussit, ita quidem, ut lœvi in his agnus immolaretur, quidni &  
 æquissimum erit, si Christiani passionem Christi, quæ doctrina Chri-  
 stianis perfectissima, & scientia scientiarum est, præterq; quam &  
 Paulus se nihil scire dicit, consideremus. Et si enim quotidie medi-  
 tatio de passione Domini nostri Christi Iesu passim in sacris præcipi-  
 tur, & ipse Christus sacramentum Novi Testamenti instituit, quo  
 nos Corpus suum comedere, & sanguinem suum bibere, omniq; in  
 sui commemorationem facere iussit, hoc tamen tempore imprimis  
 cum Ecclesia omnia passionis & mortis Christi mysteria accura-  
 tius rimari & ardentiori devotione salutis nostræ fundamentum  
 scrutari, pia nobis injunxit antiquitas. Quod si n. in cælo non est  
 studium



studium aliquod majus, quam humillimæ, & miranda passionis Domini nostri Iesu Christi contemplatio, & immensæ hujus beneficii erga genus humanum prædicatio, multò magis in Ecclesiis & Scholis, quæ præcipuè sunt imago agminum celestium, eadem tractanda sunt, cum beneficium ad nos verius, quam ad Angelos pertineat.

Et quid pretiosius unquam aut dignius homini Christiano videri potest, quam sublimem illam personam Θεοῦ υἱόν, Deum & Hominem, pro salute generis humani crucifixam & mortuam intueri. Hujus meritum tam salutare & infinitum est, ut unicum passionis hujus momentum, unica sanguinis profusi guttula, & sufficiens & efficax sit, ad salutem totius generis humani procurandam & ἀναλόγησιν omnium peccatorum tum commissorum, tum committendorum præstandum. Hæc Christi mors, hæc vulnera, hæc passio omnis felicitatis arx est firmissima. Si enim attendamus, quis passus sit, quis ve diram acerbissimæ mortis plagam sustinuerit, deprehendimus, non fuisse Iulium Cæsarem, potentissimum Imperatorem Romanum, qui Romæ, quam variis victoriis amplias verat, in Caria viginti tribus vulneribus confossus, vitam effudit; Nec Divum Laurentium, quem Tyrannus Decius candenti craticule impositum assari jussit; Nec alium ex communi martyrum grege hominem; Nec Monachum Franciscum, cui Papisæ fingunt aliquando Christum illam informam apparuisse, qua in Passione sua vulneribus fuerat percussus, & stigmata suorum quinq; vulnerum, lateri, manibus, pedibusq; eius impressisse; Sed pastorem summum, Virum Deo proximum Filium Dei unigenitum, Dominam gloriæ, Autorem vite, & quid multis? Ipsum Deum, qui Ecclesiam suo sanguine redimit. Hic tantæ fœnæ; hic tanta ludibria; hic tot casus & discrimina rerum, totq; in sancto suo corpore sustinuit vulnera, & tandem fata subivit tristia. Ille in hunc mundum venit, non ad perdendum genus humanum, sed illud ab æterna damnatione liberandum: Ille pro nostris peccatis, mortuus atq; sepultus est; pro nobis languores, dolores, & vulnera sensit, pro nobis

his opprobria & flagra & quævis acerba sustinuit. Omnia nostri  
causa fecit. Quis jam hominum non rejiciet omnem à se superbiam?  
Quis non agnoscat sua peccata, & suam deplorabit miseriam? O  
miseros nos & perditos, quidem homines propter quos filium DEI  
mori oportuit! Sed & ô terq; quaterq; beatos, quos jam novimus  
sanguine Christi redemptos. Quæ omnia si semper considerabimus,  
atq; pia animi devotione pervolvemus, non poterit non fieri, quin  
protinus agnoscamus & infinitum divinæ iustitiæ in peccatores ri-  
gorem, & immensam divinæ clementiæ, erga lapsos homines bene-  
ficentiam. O Domine Christe! O spes vita! O vera anima per-  
ditiæ sustentatio! quales tibi rependamus grates! quas canamus  
laudes! Sed nemo satis te laudare, nemo ineffabilem tuam miseri-  
cordiam satis enarrare potest. Omnes servi sumus inutiles, no-  
strisq; laboribus nihil gratiæ celestis rependere possumus. Nec ta-  
men interim, Auditores optimi, linguam prorsus comprimemus.  
Loquatur illa DEI magnalia: Edisserat, quantum potest, si non  
quantum debet. Et eam ob causam Schola hæc quoq; nostra rudi-  
quidem, sed pio eloquio historiam passionis & mortis Christi expri-  
mat. Prodebunt, ut sciatis, præcipuæ persona, quæ passioni Chri-  
sti interfuerunt: Sed cum Christi persona sublimior sit, quam ut  
eam aliquis sustinere queat, & facta, dicta, affectuq; eiusdem o-  
mnes diviniore sint, quam ut vel ab exercitatissimo oratore ex-  
primi possint, imitabimur Apellem, Pictorem, qui cum immolatio-  
nem Iphigeniæ pingeret, astantium vultus omnes pinxit longè  
tristissimos; Patris verò maestissimi vultum cum exprimere diffide-  
ret, velamine apposito faciem eius obtexit; Sic Christi, persona hoc  
in actu Oratorio non prodibit. Prodibit primus tamen IUDAS  
ex concilio Sacerdotum, & Christum jam proditum esse indicabit,  
eiusq; obscuros natales extenuabit, paupertatem exaggerabit, do-  
ctrinam, quæ leges Mosaicæ videtur abrogare, detestabitur, quamq;  
sibi cum reliqua Christi facta, tum unguenti nuper in adibus Si-  
monis leprosi profuso displicuerit, enarrabit. Subsequetur PE-



**TRVS** cum **IOHANNÉ**: & ille quidem admirandus concio-  
nes factaq; Christi proxima breviter repetet, quod Lazarum resu-  
scitarit, quod Asello insedens, urbem introierit, ficui maledixerit,  
agnum paschalem in diversorio sibi preparari curaverit, eun-  
dem comederit; multa de morte sua prædixerit; Hic vero Christi  
amorem jam longè videri ardentiorē demonstrabit quam antea,  
historiamq; Canæ Dominica instituta latius exaggerabit. Postea  
**HANNAS** de antiquitate, dignitate, præstantia Politicæ Mosai-  
cæ, quam **DEVS** ipse tot miraculis confirmavis. perq; tot secula con-  
servavit, dicet, pœnasq; describet eorum, qui contra leges à Moysè  
præscriptas deliquerunt; Explicabit, quod **DEVS** Iudæis Messi-  
am promiserit, qui Iudæis regnum super omnes populos regiâ Ma-  
jestate sit procuraturus; Indolebit, quod Iesus Nazarenus hunc  
sibi honorem rapuerit. Illi mox **IUDAS** triumphabundus Je-  
sum esse captum annuntiabit, & recenset, quod eum tur-  
ba ablegatorum & militum aggressus sit, quod is verbo omnes pro-  
straverit, quomodo viribus resumptis ipse osculo prodiderit Domi-  
num, quomodo diffugientibus discipulis solus Iesus captus sit quo-  
modo Petrus Malcho auriculam amputaverit, quid Iesus dixerit,  
egerit. Paulò post **IOHANNES** tremebundus anxietatem &  
luctam Christi in horto, sudorem ipsius sanguineum, discipulorum  
profundum somnum, Angelicam consolationem, preditionem Iudæ,  
vincula Iesu, Petri animositatem describet, & in Christi omni-  
scientiam, Potentiam, Amoremq; erga discipulos & Patientiam de-  
scribendam longius progredietur, **PETRVM**q; plorantem excipiet,  
& confirmabit: qui ex Caiphæ adibus progressus lapsum, conver-  
sionem, pœnitentiam suam graphicè edifferet. **CALPHAS** deinde  
coram **PILATO** Præside Romano Christū atrociter criminatione ac-  
cusabit, quod seditiosus sit, quod vetet tributum dari Cafari,  
quodq; se Regem Iudæorum nominet. **HANNAS** cum aliis tribus  
Pharisæis testimonium contra Christum dicet, & ea exaggerabit,  
quæ de templo destruendo à Iesu dicta sint, quaq; ratione Iesus Moysi

contradixcrit, blasphemumque eum esse demonstrabit. Interim dum **PILATVS** alteram etiam partem esse audiendam respondet, & ut convenienter secum in pratorium, Iesumque sistant jubet, **IVDAS** desperabundus conscientiae suae morbum contestabitur, Christo dabit testimonium innocentiae, & triginta argenteos se redditurum & suspendio vitam abrupturum dicet. Postea **PILATVS** coram Caipha, & reliquis se innocentem deprehendisse Christum, significabit, quia Regem se profiteatur, sed non mundanum, quia Caesari tributum dari velit, quia tandem seditiosus non sit, cum armis non utatur, nec viribus humanis innitatur, decernetque, ut aut ipse Christum secundum legem condemnent, aut patientur, ut dimittatur tanquam insons secundum leges Romanas. Summa. Universum accusati & damnati Christi negotium magnam utrinque animorum contentione agitabitur. Et postquam **PILATVS** improbi clamoribus defatigatus Christum condemnavit, **IOHANNES** verbis querulis recensetis omnem actum deductionis, crucifixionis, verborumque Christi; **PETRVS** consummatam esse mortem Salvatoris dicet, & cum Iohanne alicubi latiturus abit. Hinc **MARIA** virgo, mater Domini, querulam orationem de tanto filio sibi erepto, tamque iniquis modis execrato insituer, & **CENTVRIO** Miraculis, quae in passione Christi facta vidit, enumeratis, sese ad fidem Christi convertet.

Hae brevis totius nostri actus est dispositio. Restat, ut a vobis omnibus & singulis obnixè petam, ut aurium vestrarum operam nobis dare, & quae prolaturi sumus, in meliorem partem interpretari ne dedignemini. Si iudicii vestri gravitatem quis asstimare voluerit, fateor nihil nisi sublime exquisitè eruditum huc afferri oportere. Etenim tamen humanitate vestra, animos obdurare constituimus, & si unquam faventiam vestram aliis benevolè accommodastis, obnixè rogamus, ut sermonem nostrum rudem, & ineruditum facilibus auribus & placidis animis excipiatis.



## JUDAS.



**D**ixi tandem, quæ superioribus diebus clanculum meo sub animo sunt agitata: jacta jam est alea, qualemcūq; etiam res sortiatur catastrophem, prodidi nunc illum, imo eo quo volui redegium, quem diu prodere decreveram Nazarenum; Non infeliciter res cecidit; Quam primum enim ad Sacerdotum Collegiū accessi, & præconceptū proditionis consiliū detexi, omnes adventum mihi gratulabantur, salutationibus humanissimis venientem excipiebant, loco non infimo me inter se collocabāt, imo immēsis honoribus cumulatō, gratias agebāt maximas, quod præ cæteris secum animum intenderem, ne Mosaicæ Synagogæ felicitati obstacula iniicerentur, quod Hæreses nimis infeliciter propullulantes singulari prudentia & medio tollendas esse autumarem, ne technæ male feriatorum malis artibus conciliatæ latius serperent, simplicium animos dementarent, & sic eos à vera beatitatis semita deturbarent. Id igitur ut nunc quam possum celerrimè conficiam, sedulo allaborandum esse censeo. Nam si recte novi istum nostrum, ceu vocamus, Magistrum, si mores ipsius satis mihi sunt perspecti, non tam facilè cassibus nostris se implicari patietur: *μυερονχιτης* enim est, & mille novit modos, quibus se quibuscunq; etiam insidiis expediat. Scipius hæc retia ipsi tetenderunt alij, in contexendis fraudibus satis callide edocti: evasit tamen, & nexibus se explicavit; Idem igitur ne iterum jam tentet, operam industriam navabo: Nec est quod me à proposito deterreat fama illa, quæ spargitur, quod videlicet sit ille, quem anxiiis hætenus suspiriis desideravimus, Messias. Non enim persuasum mihi habui, nec habeo, Salvatorē istum

coelitus mittendum ē tam vili & exili familia, carnis humanæ, ut ita dicam, velamina assumere. Magnis magna, juxta vetus proverbium, conveniunt, & veluti Poëta loquitur, Fortes creantur, fortibus & bonis: nec imbellem progenerant aquilæ columbam; Magna omnino de ipso cælestia veritatis oracula prædixerunt. Anne igitur horum veritatem vano istiusmodi mendacio concidere oportebit? In sacrarum literarum pandeclis stella ex laboritura indigitatur. Bone Deus! quæ hæc est stella? quis eius splendor? quo eius radii se subduxerunt? Scilicet hæc stella appellanda est, quæ omni caret fulgore & nitore; Dominatoris titulo venturus ille Dominus in sacro codice insignitur: ubi gentium quæso hujusdominii & potentia se exserit? ne domum quidem propriam, ut cætera silentio involvam, ullibi locorum possidet. Immo ipse suo comprobavit testimonio, Vulpeculas suas sibi speluncas vendicare, sibi vero ne inclinamentum capitis restare. Regem Regnantium magnificentissimum nasciturum hunc Messiam sacra pagina prædixit. Quid quæso in hoc regis dignitatis? Parætes eius si aspicio, eorumq; conditionem accuratiori mentis trutinâ ponderandâ mihi propono, nihil certè invenio, quod aliquam celebritatem aut felicitatem redoleat. Parens eius architectonicam exercet, suamq; operâ manuariam quotidie in quæstum confert, ne fame turpiter consumatur. Matrem itidem nullius celebrioris famæ radius irradiavit: obscura sub fece quasi latitat mulierum. Quamvis enim ex regia stirpe suam numeret genealogiam, nihil tamen eo ad claritatem ascendere videtur! Nam

*Stemmata quid faciunt, quid prodest sanguine longo:*

*Censeri & pictos Majorum ostendere vultus?*

Quid patrum mihi expedit autoritas, nisi meâ ipsius virtute, in clarescam.

Et



*Et Genus, & Proavos, & quæ non fecimus ipsi,  
Vix ea nostra voco - -*

Licet autem hic homo, peculiari Spiritu inflatus, generis sui iactitet antiquitatem, ne arbitretur tamen sibi inde aliquid decoris posse accedere, cum omnes suos maiores extrema pauperie quodammodo de honestet. Nihil igitur me abstrahit, quin quam exorsus sum prodicionis telam, feliciter pertexam, & Nazarenum in ea, quæ meditatatus sum, pericula præcipitem. Ad quod mihi magis magisque stimulos suffigit novum istud & innumeris absurditatibus refertissimum doctrinæ genus, quod universam ferè Iudæam inundavit. Nam quæ (malum!) est audacia, aut affectata potius dementia, eas leges velle obliterare & resignare, imo ad Gades & Sanromatas usque ultimo transmittere, quas sanctissimus legum conditor sanctissimè sancivit per Moysen fidelissimum suum administratorem, & postea per eiusdem successores & prophetas nobis quasi in manus tradidit? Severissimum Jehovah in propatulo est mandatum, quod hæc statuta in æternum ad mûdi usque *παιδοθεσίας* perpetuo servari, intimis sensuū penetrabilibus reponi, & ad posteritatē devolvi ferè jubetur. Hic nescio quibus technis expressissimas Dei præceptiones evertere non erubescit. Anne summa est impudentia & temeritas, Deo è diametro se opponere, ei que in facie contradicere? Sed nimis metuo, ne malo omine inceptū illud facinus pertextere laboret. Notum est in fabulis, quàm malis olim successibus usi fuerint Gigantes in Theomachia, quam adversus Jovem moliebantur. Cum enim Deum è sede suâ deturbaturi cæleste imperium affectarent, & ideo, ceu loquitur Vates

— *Servarent ad sidera montes,*

*Tum pater omnipotens misso perfregit olympum*

*Fulmine & excussit subiectum Pelion Ossa,*

atq; ita scelestam hanc progeniem extinxit, ne tale quid posteritas auderet. Idem, nisi animus me fallit, & huic eventurum esse censeo, qui ruptis divini mandati repagulis nova & antid' hac inaudita dogmata imperitis instillare sedulo annuitur. Nam novas religiones excogitare, hæreseos semina in Ecclesiæ agro disseminare, veras de vero Dei cultu opiniones evellere, & pravas hominum mentibus inferere, quid quæso aliud est, quam *ἡγομαχία*. Adde quod & omnium invidiam & odium novitate ista in se cumulatissime derivaverit: Omnes enim illi adversantur, & populus, & Sacerdotum & Phariseorum concio laudatissima, & quicquid uspiam est hominū: Et quamvis nonnulli clandestinæ suæ benevolentiae stricturas in eum emittant, cum metu tamen & tremore illud faciunt: Nam si de ullo vel ad Politicum vel Ecclesiasticum Magistratum querela devolveretur, ne obulo quidam vitam illius emerem, cō quod ipse à sacratissimā & purissimā doctrinæ cælestis veritate deficiēs, novisq; istis præstigiis animum advertens, nec quid æquum, quid iniquum esset discernens, sed cæco tantum impetu quodvis *ἡγευράφημα* pro intemerato & cælitus prolato Dei sermone apprehendens supplicium mereretur ultimum. At quid animos eorum, qui seducti sunt, moveat, id facillimā assequor conjectura: Viderunt eius miracula cum stupore & admiratione, viderunt, inquam, quomodo in surdis auditus claustra removerit, vincula linguarum silentio ligatarum dissolverit, incurvatos claudicantium articulos rectificaverit, contagiosam morborū spurcitiem à multis depulerit, squamas cæcitatis nonnullorum oculis ademerit, & mortuos in vitam revocaverit. Hinc nullū sub sole vitæ innocentiam & sanctimoniam operumq; magnificentia ad Deum propius accedere posse autumant. Præterea omnium nutui se applicat, nullius humiliū pariter & sublimium conversationem averfatur, affectus hominū



simplicium suis blanditiis expugnat, & animoseorum sibi quacunq; potest calliditate & vafricie conciliat. Idcirco apud eos, quibus suis opinionibus animū fascinauit, gratiam & benevolentiam meretur, omnes talem eū esse arbitrantur, qualem in dictis & factis se gerit. At falluntur vanis istiusmodi persuasionibus : Ego qui jam ultra triennium præter propter singulis eius actionibus interfui, qui quo animo & scopo quælibet direxerit, diu veluti è speculâ prospexi, multo aliter eos edoceram, ne oculis illorum amplius glaucomata obtruderentur, quibus sibi ad æternam perniciem fenestram & januam aperiunt. Nomen Schemhamphorach homo callidissimus sacerdotibus è Sancto Tēplo surripuit, & hujus beneficio omnia perpetrat miracula. Et quāquam paupertatis Magistrū se profitetur, longe tamen aliud sub intimo cordis recessu tacitè secum volvit. Id quod sole clarius elucescit ex illo, quod in convivio Bethaniensi in ædibus Simonis leprosi factum hoc ipso die vidi. Hic enim postquam Lazarum, qui ante dies aliquot animam efflaverat, in lucem è tenebrarum latebris vi nominis, quod dixi, Schemhamphorach reduxit, lauto & omni deliciarū genere abundanti convivio excipimur. Sed quid rerum geritur? Dum accūbitur, ipse interea egregio, imò regio honore se mactari patitur, pedūq; lotionē & pretiosissimi unguenti effusione molliter se curat. Maria enim rediviui soror Lazari alabastrum gerens nitidissimū, Nardo pretiosissima caput ejus perfudit, ut odoris fragrantia in omnes domus angulosegrederetur. Ego cum reliquis discipulis hoc videns, non immeritò ex arroganti hujusmodi profusione & prodigalitate flammæ alimenta concipio; cū aliis super hoc ocioso & planè nihili fastu non parum mustito; in hæc verba deniq; erūpor: quid est, quod tātæ pecuniæ magno forsitan labore & sudore corrasæ, tam inconsultò & leviter fiat dispendiū, cur *μὲν γὰρ*, ceu dicitur, *ἀπὸ μὲν γὰρ* hæc

profunduntur; Video vos hic nondū didicisse jura & leges boni Patris familias. Hujusmodi enim prodigalitas quid aliud arguit, quam vestram in rei domesticæ administratione imperitiam; Nonne consultius esset factū, si in honorē resuscitati fratris aliquid expendere voluissetis, ut hujus beneficentiæ rivuli ad pauperes emanarent; quorum inopiæ si subveniretis, meliorem fortassis gratiā à Deo iniretis. Verū ille ubi me præ cæteris indignabundū conspicit, hisce verbis satis duriter me increpat: Quid murmura? Quid mullitatio? Quid me & præstius matronæ facinus cōvitiis proscinditis? Annō larga vobis seges pauperum quotidie ubi vis est obvia? Credite mihi: ad me non ita semper vobis aditus patebit. Missa isthæ facite, nec tantis perturbationibus me & mulierem obruite; non male enim hanc suā operā locavit: quod nobilissimū hoc *ἀλαμπία* meo capiti impendit, eo meā sepulturā vivis quasi coloribus depinxit. Tela igitur sollicitudinis, ne in eā conicite. Quid inde aliud conicio, quàm quod nimis arroganter de seipso sentiat, &, ut Græci loquuntur, inter alios semper *ὡς ἡ Φαῖς* esse velit. Stamen igitur & subtegmenē prodicionis nō abrūpam, sed, uti cum Sacerdotibus & populi Senioribus decrevi, sedulo anitar, ut id quod promissū est, ea qua primum potero occasione perficiā: Ad quod me magis excitāt largissimæ illæ promissiones, quibus me ad superiores honorū gradus invitarunt. Ita enim pollicebātur, si mihi & sibi pro animi sentētia facinus hoc succederet, se nō divitiis tantum, sed magnis etiā honoribus me aucturos esse. Quid quod & ipse non ita pridē suovaticinio comprobavit, fore, ut post biduum filius hominis capiatur, & morte crucis deniq; mulctetur? Quid igitur cesso? quid prolixiori deliberatione tēpus infumo? quin abiēs potius eā, quā potero, industriā curabo, ut animi expleā libidinem, mihiq; ipsi bolum hunc gratissimū & faucibus non eripiam.

PETRVS



PETRUS.

**O** Res merè stupendas! O res ab hominum mentibus & cogitationibus longè abconditas! Sic enim verissimè exclamare licet, Johannes Frater dilecte, si facta Domini ac Magistri nostri æquâ rationis crutinâ aliquantisper mecum perpendo. Omnia enim quæcunq; miraculosè præstitit, aut ab æternâ mente producta, dignitatem quandam infinitam ostendant, aut naturæ secretâ vi formata, excellentiam rerum omnium superant. Divinum certè illum esse oportet, quem non natura, sed mors ipsa divinâ quâdam virtute potentem agnoscit, cum Hierosolymis multi, plures alibi, ut ipse perspectum habes, vitâ functi, sanctissimæ ejus manus quasi quodam cœlesti plectro percussi, ad vitam communemq; lucem redierunt. Porro, simplicis vocis jussu aperire aures surdorum, exturbare ab oculis cæcitates, orationem dare mutis, articulorû vincula relaxare, ambulatum dare contractis, ejicere demonia atq; intercutes morbos, omniaq; alia valèrdinum genera, quæ humana corpora unquam sustinere queunt, sine ullis rerum adminiculis sanare, cujus tandem sunt opera, quam solius DEI? Præprimis in admirationem & stuporem conjicior ob nuperrimum illud, quod Bethaniæ contigit miraculum. Lazarus enim vir pietate admodum conspicuus, & ad fidem Domini nostri jamdudum conversus, morbo lethali decumbens, è corporis vinculis evolverat, ac morti naturæ debitum reddiderat, jamq; quatuor amplius dies in sepulchro cõditi cadaver factorem quẽdam reddebat, ut ad pristinam lucis usuram nunquam rediturum videretur. Hunc Lazarum in terram ac cineres redactum ipse vi numinis sui divini è mortuis resuscitavit, & imperio divino usus, Lazare, inquit, prodi. Qui audi-

audita divinâ voce statim solutis mortis vinculis resurgit,  
& è momēto redivivus prodit. O sanctissimum hominem,  
cui paruisse lætatur dira mortis atrocitas ! O divinum coele-  
stemq; virum, cujus mandatum libenter accipit mortis sæ-  
vitia, imò exsequi non recusat ! O immortalem virum, cui  
mors, quod abripuit, vi coacta restituit ! Cum itaq; Laza-  
rum demortuum in vitam revocasset, biduum Bethaniæ  
moratus, rectà deinde urbem Hierosolymitanam, ne mi-  
nimi quidem Judæorum ac Phariseorum minas æstimans,  
intrare decrevit. Utq; divinam suam omniscientiam & om-  
nipræsentiam miraculo quodam manifestaret, duos  
ex nobis in castellum quoddam ablegavit, ut ad-  
duceremus duo jumenta, quibus vectus urbem intraret.  
Diu in his locis Dominus versatus non fuerat, imò ab ipso  
castello longius aberat ; Interim tamen perfectissimè no-  
vit, quod in castello ad horam & momentum inventuri  
essemus duo jumenta, asinam cum pullo subjugalē. Novit,  
quod inventuri essemus alligatam ; Novit, quod viros esse-  
mus nonnullos offensuri, quibusq; verbis in compellan-  
dis nobis essent usuri : ac eventum prædixit, quem res ipsa  
comprobavit. Tanta profecto notitia incognitarum re-  
rum in neminem cadere potest, nisi in eum, qui aut DEVS  
est, aut qui divinæ omniscientiæ & omnipræsentiae parti-  
ceps est. Reges non possunt res alibi constitutas, nisi per  
plurimos internuncios & post satis magna temporum in-  
tervalla cognoscere : Interdum vix sua præsentissima peri-  
cula, & sibi structas & jam jam imminentes insidias olfaciūt,  
ut sibi quocunq; pacto cavere possint. Sed hic noster Do-  
minus non indiget, ut sibi quicquam annuncietur ab aliis :  
Ipse omnium animas introspectit, & voluntates hominum  
non novit saltem, sed & dirigit. Ideoq; viri, ad quos nos ab-  
legaverat, cum audirent, quod Dominus indigeret jumen-  
tis, lu-



ris, lubentissime nobis ea concesserunt. Illis Magister se superimpofuit, magna; populi turba, quæ ipsum fequebatur & antecedebat, comitatus, urbem Hierofolymitanam, fpreto vectus afello, introiit, tantâ profectò pompâ, tantâ hominum plaudentium alacritate, ut omnium ferè animi fumâ perfufi lætitiâ exultarent. Magnum hoc cenfeo miraculum, quod corda hominum, alioquin difficilia, unico verbulo moverit, ut Pafchali feriâ inftante, cum ex omni loco fub fole concurrebatur, fibi jumenta concederent. Majus eft, quod in tantâ urbe omnium fuorum hoftium animas ac manus, qui jam antea lapidibus ipsum interficere ac obruere conatierant, continuerit, ut ne capillum capitis ipfi evellere aufi fuerint. Maximum omnium eft, quod ad præfentiam ejus tota commota fuerit civitas Hierofolymitana, & Ofianna filio Davidis accinerit. Sed porro aliud confidera gravius. Ingreffus Iefus templum, omnia diligenter circumfpexit, & zelo divino vendentes & ementes ejecit, menfa; numulariorum, & cathedras vendentium columbas pervertit, nec permifit, ut quifquam templum coinquinaret, fed illud altâ voce domum efle orationis, conteftatus eft, quod jam factum fit fpelunca & receptaculum latronum. Inde cæcos, claudos, alios, fânavit. Et quanquam Pharifæi cum impiis afceclis indignabantur, nemo tamen vel digitulo eum tangere, vel manus inimicas in ipsum injicere aufus fuit: quin potius ipfe relictis ijs falvus & incolumis, tutus & fecurus exiit extra urbem in Bethaniam, nemine eum, quanquam omnium oculis expofitus erat, perfequente. Quin & altero die in urbem & in templum rediit, & acerrimè increpatis Pharifæis & Sacerdotibus, graviffimas adverfus eos inftituit difputationes, & nihilominus citra periculum recessit. Multum fuit, Lazarum è mortuis refufcitare, cæco ab utero vifum, furdis aurium

rium ulum restituere: sed inter omnia quæ fecit, hoc videtur esse maximè admirandum, quod vir unus, & quidem contemptus Scribis & Phariseis contra se sævientibus & lucra sua minui indignantibus, potuerit ad unius flagelli verbera tantam ejicere multitudinem, mensasq; subvertere, & cathedras confringere, & alia facere, quæ in numerus non fecisset exercitus. Igneum certè quiddam atq; sidereum radiabat ex oculis ejus, & divinitatis Majestas lucebat in facie, cum hæc edebat miracula. Sed ut cætera alia, quæ præstitit, præteream, vel ex hoc divina ejus elucet majestas & potestas, quod ad Bethaniam his nostris vidimus oculis fieri. Quem enim per DEVM immortalena esse judicas, cujus imperio arbores, si unicum tantummodo emittat verbum, marcescunt, exarescunt, ac nullum amplius fructum ferunt? Ex divina profectò, non humana, potestate hæc esse profecta quilibet æquus rerum æstimator primâ fronte judicabit. Summa sane, Frater dilecte, hæc sunt omnia, nec in ullius hominis potestate posita, divinam quandam requirunt prudentiam. Interim in admirationem magnam abripior, imò præadmiratione stupeo, si mecum perpendo illa omnia, quæ nuperrimè, cum agnum paschalem sibi præparari curaret, eundemq; cum cæteris fratribus comederet, de passione & morte sua enarravit, qua nempe ratione tradendus esset Judæis, multis & variis conviciis, opprobriis, scommatibus notandus, flagellis, ferro, manibus cadendus, cruei affigendus & occidendus, ut tertio vicissim die majori gloria resurgeret. Ego sanè, qui Messia munere functus tanta miracula præstare potest, æternum fore, animum inducebam. Nunc quid dicam nescio? Res sanè mira videtur, & ab hominum mentibus & cogitationibus longè abscondita, quod, qui æternus DEI filius est, cruci sit affigendus & acerba mortis spicula subiturus. Quid dicam?



dicam? Quid statuat? In æternum ipsum victurum putavi. Sed longè aliter, ut jam comperio, res sese habet. Præterea nulla ratione assequi possum, quò fieri possit, ut qui tanto amore Dominum prosequor, antequam gallus bis caneret, ceu ipse prædixit, ter ipsum abnegem. Non sanè hæc unquam à me perpetrabuntur. Et si mihi etiam unà cum ipso vita cum morte est commutanda, ipsius fidem nunquam abjurabo. Non abnegabo ipsum, quam diu spiritus hos in eos regit artus, & lucis hujus usura dabitur: Sed gladio potius hoc omnes, qui Domino nostro adversabuntur, feriam, percutiam. Tu interea, Frater dilecte, quid de Domino nostro sentias, mihi quoq; declares velim,

### JOHANNES.

**V**era sunt, Petre, frater dilecte, quæ de Magistro nostro narras: Magna enim animi titillatione præterlapsos annos, salutare ejus audiui conciones, multotiesq; stupeantibus quasi oculis mirabilia ipsius vidi facta. Vidi, quod Lazarum qui ultra triduum in terræ visceribus hæsit, & fermè in pulverem redigi cœpit, verbis satis efficacibus resuscitavit. Vidi, quanto applausu, quantâ pompa, quantisq; apprecationibus, à pueris Hierosolymitanis, licet vili asello insidens, urbem introierit, exceptus sit. Quin & insignem animi stuporem mihi incussit, cum Dominus & Magister noster ficui illi, quam sine fructibus esuriens deprehendebat, malediceret, quod eo ipso oculi momento folia ejus marcescere, succusq; exarescere cœperit. Vidi, quod agnum paschalem in diversorio sibi divinâ providentiâ præparari curaverit, eodemq; comesto, multa de morte sua dixerit. Consideranti certè mihi Domini nostri ardentem erga genus humanum amorem & favorem

ineffabilem, longè is jam ardentior, quam antea deprehenditur. Cum enim homo, nobilissima illa creatura, principio ab æterno suo parente creatus esset, & Paradiso horto illo amœnissimo impositus, contra divinum mandatum, (turpe dictu) arboris vetitæ fructum decerperet, quid hoc facinore promeruerit, nolo ego commemorare, cum quilibet nostrum magno id cum damno sit expertus. Hoc tantum dico, quod in suo consilio Deus pater decreverit, humanum genus ex orbe delere, & extirpare, imò ad profundissimas miseriæ abyssos præcipitare, nisi intuitu venturi Messia, quem Jesum Nazarenum, Dominum & Magistrum nostrum, filium illi Dei unigenitum, confitemur, rigorem justitiæ clementia & gratia nova sedavisset. Propter hunc solum justissimæ indignationis impetus stitit. Et considerans Deus, se propter solos homines cælum, terram, maria, & omnia, quæ in iis continentur, creasse, eosq; heredes æternæ vitæ constituisset, mutavit sententiam, & quos morti æternæ destinaverat, in gratiam recepit. Sed tot dira dictui & cogitatu aspera Domino nostro, quem Messiam confitemur, subeunda esse, nunquam credidissem. Instare sibi mortem dicit, sed heroico pectore nequaquam fugam molitur; se onus redemptionis in se suscepisse, contestatur; se ad patrem abire ait, ut nos eò deducat, & Paracletum cœlitus mittat. Utq; firmum aliquod haberent homines solatium, cœnam Dominicam N. T. instituit, in qua ejus corpus & sanguis, in pane & vino omnibus manducantibus ac bibentibus verè distribuitur, promissioq; gratiæ singulis credentibus applicatur & obsignatur. Majora hæc sunt omnia, quam quæ capere mens mea potest. Hoc unicum intelligo, quod nos longe ardentius diligit, quam antea. Quantum enim, frater dilecte, putas? & quo numero referendum esse censes? Corpus suum pro inimicis in  
mortem



mortem tradere? Quantum quæso hoc innuit amorem? incredibilem certe imò ineffabilem. Sanguinem suum pro aliorum flagitiis profundere, quanti favoris est? immensi certe. Admirantur nonnulli, nescio quem pro amico in causa capitis vadem se dare veritum non esse: Ast quanto est admirabilius, quod Dei filius, imo Deus ipse, non dicam amicos, sed hostes æternis eripuit suppliciis. Hæc sane licet sint gravissima, & omnem rationis nostræ caprum excedant, longe tamen gravissimum est, quod corpus & sanguinem suum, hominibus ad mortem condemnatis, manducandum ac bibendum, certissimo amoris sui sigillo & confirmatione tradiderit. Quid hîc loquar? quid non eloquar, Petre? Hoc, dixit, est corpus meum; & porrexit panem consecratum: Hic, addidit, est sanguis N. T. in meo sanguine, & vinum in calice porrexit bibendum. Assedit mensæ, & corpus dedit edendum; sanguinem, quem venis adhuc continet, porrexit in calice bibendum. Nisi divinam Magistri sapientiam, potentiam & veritatem cœlestem jamdudum cognovissem, sensibus meis magis, quam verbis Magistri crederem. Sed jam occludo oculos rationis quæ his in mysteriis cæca est, rebelles cordis increduli instantias simplici fidei assensu dissolvo, id certo statuens, Dominum nostrum, quod velit, posse, & quod dicit, certò præstare. Corpus suum nobis porrexit comedendum: comedimus, Sanguinem suum dedit bibendum, bibimus. Dixit, factum est. Modum quo factum est, libenter ignoramus. Id miror, qui fieri possit, ut sanguis ejus profundatur, qui mundi Servator est, Filius Dei unigenitus. Sed instare carissimo Magistro aliquam, sive persecutionem, sive calamitatem, omnibus ex rebus prævideo: Dixit sæpius de sua prodicione, passione, morte, & quæ dixit, profundo animi affectu attestatus est, Cæcus sum: nil video: Messias est, & mori vult. Mori  
non

non posse Dominum vitæ scio, & tamen, qui ejus vitæ infidiatur, quotidie intueor. Ipse Judas nescio quid machine-  
tur. Sacerdotes & Pharisei tumultuantur. Et Dominus no-  
ster ultro mori desiderat. Bone Deus, quid dicam, quid nō  
dicam? Humilitatem suam erga discipulos quam mitissi-  
mus declaravit. Nunc nunc didici, quid sit, quod nuper  
dixit: Discite à me, non mundum fabricare, visibilia & in-  
visibilia creare, non in ipso mundo miracula facere, non  
mortuos suscitare, sed quoniam mitis sum & humilis cor-  
de. Quam supplex se erga discipulos gesserit, in promptu  
est. Rex Regum, cujus nutu & arbitrio, cœlum, terra, ma-  
riaq; reguntur, inservit discipulis. Dominus Dominan-  
tium, sub cujus pedes omnia projecta sunt, fit minister.  
Cum enim inter nos oriretur dissensio, quinam maximus  
ē nobis censendus esset, servus, dixit, non major est suo Do-  
mino. Reges & Principes dominantur: Vos autem non sic:  
Discordiae & litis sitis impatientissimi, non superbi, non fa-  
stuosi, Ipse Potentissimus, factus est mitissimus & mansue-  
tissimus, & linteo succinctus ipsos discipulorum suorum  
pedes foetentes abluir. O stupendam tanti Magistri humi-  
litatem! O admirabilem Domini erga servos mansuetudi-  
nem! O insignem Triumphatoris exinanitionem! Quid di-  
cam amplius, quid eloquar, quid acie mentis porro dispi-  
ciam, non invenio. Redeundum est ad Magistrum, Petre,  
qui jam surrexit, ut in montem Olivarum ex diversorio  
progrediatur.

ANNA S.

**S**I quid est in me ingenij, quod quantum in me sit, satis  
superq; sentio: aut si qua dicendi exercitatio, in quā  
me non inficior mediocriter esse versatum: aut si hu-  
jusce rei ratio aliqua à creberrimè auditis, & lectis ya-  
riarum



iarum gentium laudibus ad me profecta, à quarum enumeratione nullum vitæ tempus aures meæ abhorruerunt: earum rerum omnium vel in primis Politia Mosaica fructum à me repetere suo jure debet. Nam quoad longissimè mens mea potest respicere spacium antiqui temporis, & majorum nostrorum laudatissimorum annales lectione evolvere, inde usq; repetès, optimam ejus constitutionem reliquas omnes maximè superasse, multisq; ad suspiciendam & ingrediendam sanctioris vitæ rationem expedisse video. Cæteroquin quod acroama, aut cujus rei commemorationem quis audiat libentius, quàm quæ conjuncta est cum laudibus Patriæ, quæ nascentem excepit, in quâ infantia vagiit, pueritia luser, Hinc ille non sine ratione dixisse videtur:

*Nescio, quâ Natale solum dulcedine cantos*

*Ducit, & immemores non sinit esse sui.*

Hinc etiam non pauci vel proprio consilio à patriis sedibus longè remoti, vel infortunio aliquo ex eis exclusi, licet eas præsentibus oculis intueri non possent: attamen, æquâ mentis trutinâ perpendentes, laudibus ad coelum usq; Patriam sustulerunt: nec quicquam linguâ ex stylo magis expresserunt, quod in Patriæ dignitatem vengeret. Atq; mihi quidem de Patriâ etiam nostrâ, & Republica Judaicâ cogitanti, nulla illi omnino Respublica, nulla Politia, nullum Regnum prævalere videtur. Creavit præpotens Jehova è nullo semine Coelum, Terrâq; machinam, medicullio aëris inhaerentem, suoq; pondere librata; Hominem deniq; ex globo terræ produxit, ejusq; menti, ut omnia fiant *τοῦς τάξις καὶ εὐσχημοσύνην* Legem inculpsit, inculptamq; per Moysen denuò confirmavit, secundum quam vitæ actiones tanquam ad Cynosuram dirigamus. Atq; hoc est fœdus Dei nobiscum: hæc verba, quæ posuit in ore nostro,

D

& hic

& hic Spiritus ejus qui est in nobis, nec recedet ab ore nostro, & seminis nostri à modo & usque in seculum. Quod si igitur Venerem Apellis, Junonem Phidiæ, Rhodiam Tabulam Protogenis ob venustam gratiam miramur; quo nos animo affectos esse oportet erga hanc Politiā, quæ non ab Apolline ex Tripode, sed ex summi cœlis, terræq; Monarchæ ore profluxit à primo statim conditi mundi primordio. Adhæc si animum ulterius ad Megalandrum & Theandrum Mosen paulò altiùs attendo, mirabiliter singularibus & singulariter mirabilibus (Deo tamen omnia dirigeate) nostram Rempubl. cœpisse modis non inficias ire possum. Quis enim in sacrarum literarum pandectis adeò peregrinus & hospes, qui non legerit, aut auditione aliquā perceperit illa ἀξιόλογα καὶ αξιομνημόνευτα de Mose? En enim in hanc lucem editus, vimineā & papyraceā cistā, bitumine illitā inclusus, proximæ Nili alluvioni exponitur; à Thermucide Regis filiā extrahitur, adoptatur, inq; dictis & factis potens evadit. Deinde mirè educatus, mirè quoq; Dux populi Israëlitiçi evocatus est. Etenim oves ad montem Horeb pascens, prodigio rubi innoxia flammā ardentis Jehovah adeste intellexit, & miraculis virgæ in serpenterem versæ, manus leprā obductæ, aquæ sanguinis naturam induentis inauguratus à Deo ipso populum Israëliticum educere jussus est, & innumeris miraculis inclaruit. Et vix est rerum & creaturarum quicquam, quibus Deus ad suam majestatem miraculosè declarandā in hāc nostrā Politiā non sit usus. Angeli miris sæpè modis se πνεύματι λειτουργοῦν exhibuerunt: cœli systēma ad preces Josuæ constitit: ignis holocausta sacrificantium mirando modo devoravit: aër tenebris, peste, grandine, tonitru in hostes desæviit: aqua semel in mari rubro, ter in Jordane recessit, & tum

*Curvata in montis faciem circumfexit unda,*

Ut uno



Ut uno verbo dicam; Judæorum per tot secula conservatio  
 & protectio fuit semper miraculosa cum in piis protegen-  
 dis, cum in hostibus repellendis & puniendis. Ecce enim  
 admirabiles hostium nostrorum interitus! Pharo infantes  
 vix natos suffocans, ipse aquis maris rubri suffocatur. Jela-  
 bel sanguine Prophetarum madens, sanguine suo potat ca-  
 nes, quorum cibus facta fuerat; Coren, Darhanum, & Abi-  
 ram terra devorat: Ranæ, pediculi, muscæ, bruchi Ægy-  
 ptios divexant; Mors ipsos majores nostros Dei præceptis  
 refragantes in deserto perimit, & ut ex aliorum numero  
 in numero unum adhuc proferam: Antiochus, rabie fre-  
 mens, verminoso ventre & squalidis fætoribus conflictatus  
 expiravit. Quis itaq; tam inhumanus, qui jam dignitatem  
 Politicæ nostræ non intelligat, & plenis laudum buccis &  
 buccinis decantandam non existimet? Porro sub Mose &  
 Josuâ ἐν τάχει facta sunt omnia, ijsq; defunctis LXX. Opti-  
 matibus Cura Reip. commissa est, qui, magnæ deliberatio-  
 nis controversia incidente, populum πρὸς τὰς εἰρήνης  
 & tanquam filium Ariadnes ex errorum labyrinthis edu-  
 xerunt. Nec defuerunt πῆγαι καλῶν Scholæ, nec Prophetæ,  
 verbi Doctores & Interpretes, qui à Deo peculiariter exci-  
 tati, & edocti futura prævisa prædixerunt, aut τὰ παρὸν λα-  
 βόντες explicuerunt, prout à Deo, omnis ἐνταλίας auctore &  
 actore jussi sunt. Inter alia verò pleni sunt Mosis libri, plenæ  
 Prophetarum voces, plena vaticiniorum vetustas, quæ te-  
 stantur, Politiam in primis nostram non prius summum  
 gloriæ præ cæteris gradum ascensuram, quàm adveniat  
 Messias, à Prophetis prædictus, à nobis diu expectatus. Hic  
 erit, qui Remp. Judæorum regiâ majestate, super omnes  
 populos collocaturus est. Hoc sceptra regia tenente non  
 est quod timebimus hostes, quia Samsone erit fortior; non  
 fortunæ vicissitudines, quia Davide erit felicior; nō rerum

inextricabilitatem, quia Salomone erit sapientiôr. Hic erit  
nobis omnia in omnibus: maris fluctibus crudeliter sa-  
ventibus Ancora; periculis ingravescentibus, Asylum tu-  
tissimum, salusq; æterna.

Sed hæc breviter & in transcurso tantum. Namq; uti Sol  
altius incedens, & Meridianum nostrum Circulum attin-  
gens, minores jactat umbras; ubi verò devertit ad Hori-  
zontem, umbras spargit multò vastiores: Sic Politicæ Mo-  
saiicæ virtutes & dotes, quæ longè supra aliarum ratio-  
num verticem & veluti Zenith conspiciuntur, excelsæ,  
hoc minùs sese diffundunt: inani aliqua verborum osten-  
tatione.

Interim quod Iesus Nazareus Messia sibi honorem  
blasphemè rapere contendit, vehementer indoleo. Eam  
enim obtrudere nobis aggreditur fallaciam, quam Davus  
etiam facilimè deprehendat. Quod si enim complicatam  
animi mei notionem evolvere, eoq; ad Reges ævi superio-  
ris regredior: tantum hic ab iis distare videtur, quantum  
Coelum à terrâ, Ortus ab occasu abest. Quis enim tam in-  
humanus, quin sciat, Regem absq; aulâ regiâ nullum ef-  
fe? Sed si quem vides; diademate ornatum, pluribus sa-  
tellitibus stipatum videbis: si quem audis, multis præliis,  
victoriisque clarissimum, pluribusque subditis potenssi-  
mum audies. Propone tibi contemplandum Davidem, Re-  
gem illum felicissimum, quem primùm sola tribus Judaici-  
ta Regem inunxit: verum enim verò suâ in bellâdo & vin-  
cendo felicitate omnes tribus in sese inclinare fecit, & li-  
bertatis suorum studiosissimus binis cladibus strepitu fô-  
liorum præternaturali confirmatus, Palaestinos repressit, &  
Arcem Solymorum, quam in illum usq; diem tenuerant,  
eripuit: inq; illum locum nobilem regiam sedem transtulit,  
domoq; regali exstructâ ornata regio conspicuus incessit.



Progrederet altiori mentis indagine ad Salomonem,  
quo nihil potentius Judæorum theatra, nihil sapiētius cœ-  
li sidera aspexerunt; ad cuius sapientiam cognoscendam i-  
psa Sabæ Regina è remotis regionibus præstò fuit. Vis ibi  
palatia regia? Hierosolyma egregiis ædificiis extructis illa  
laudabiliter non tantum conservavit, sed vehementer  
quoque adauxit. Vis divitias? multitudine infinitas, copiâ  
ingentes ibidem invenes: atque hæc est anima illa homi-  
num, dixerim Reginam, cui obœdiunt omnia, Iudice &  
Indice nostro Ecclesiaste. Quo dicto quid verius sit, non  
video. Etenim Divitias, quæ genus & formam donare  
possunt, Reginam fecere cani & sani prisci: huic palmam  
tribuimus, omnes, huic omnia accepta, huic omnia ferun-  
tur expensa, & in ratione mortalium sola utramque pagi-  
nam facit. Hinc versiculus omnium ore tritus: In ter-  
râ summus Rex est hoc tempore numus. Cui & ipse assen-  
tior: *ἡ γὰρ ψυχὴ πάλαι δαλῶσι βασιλεῖ.*

Indagas in regendo Sapientiam? Sapientie fons quasi  
Salomon, qui solus omnibus in rebus *σοφία* egisse vi-  
detur. Idq; est, quod Philosophus tūc demum beatum ter-  
rarum orbē futurum dixit, cū aut sapientes regnare, aut re-  
ges sapere cœpissent. Etenim feliciter omnia succedunt in  
regno, quod Rex Philosophiæ præceptis gubernat: hæc est  
vitæ Dux, sine quâ hominum vita nihil esse potest; illa pe-  
perit urbēs, illa dissipatos homines in societate vitæ collo-  
cat, illa eos inter se primò domiciliis, deinde conjugis, tūc  
literarum, tūc vocum communione junxit, illa inven-  
trix legum, illa morum & disciplina magistra. Vis deniq;  
Potentiam? Eūdem subditorum, administratorumq; multi-  
tudine stipatum fuisse accipies. Hinc pleni sunt omnium  
historicorum libri, qui testantur, solo potentie lumine

Nomen Salomonis è tenebris ereptum; & ad cœlum usq; fuisse evectum. Nam quicquid eximium, quicquid venustum, quicquid splendidum, quicquid deniq; gloriosum Regi competit, à solius potentiae amplitudine vel maxime proficiscitur. Hic paulò subsisto, mihiq; iterum novum propono Regem, JESVM scilicet Nazarenum, qui Regnum Judæorum super omnes populos ad summum honoris vestigium delaturus est. Quàm longo age intervallo hosce, quos antea diximus, antecellit! quantâ opum, divitiarumq; multitudine (si Diis placet) clarus præ reliquis existit! O audaciam detestandam! O ambitionem minimè ferendam! Ambit sceptra regia, qui pro regiâ sede incolit stabulū & præsepe, quem pro satellitio Brutum, Bos, Asinusq; comitantur: brevibus, qui in iis, in quibus alios debebat superare, ipse humilimus, pauperimusq; superatur, adeò ut qui eum blasphemè Regem jactitare non affirmet, inter vivos ipsemet non sit ferendus. Quem in finem primoribus in Concilium convocato consilium inimus de illo capiendi: ubi quidem commoda illud exequendi via statim inveniri non poterat; Tandem tamen omnium opinionibus & sententiis collatis egregium nobis oblatum est organon, JVDAS nimirum nomine dictus, cui ratio & conditio ejus satis, superq; perspecta, quiq; coram Concilio publico eum se traditurum promisit.

Sed eccum triumphabundum progredientem, in quo cardo rei versatur: res nostras decretas in portu navigare, animus, ingentem læticiæ significationem præ se ferens, indicio est. Sed propius ad me tendentem, & aliquid prosperæ fortunæ (ut conjicio) asportantem hic operibor, ex eoq; quid acciderit, quidq; fieri curet, intelligam. Adventus tuus, Juda felicissime, mihi gratus accidit: sed gratior, si quid, quod libenter nunciatum velim, de præsentī instituto nuncies.

IVDAS



## JUDAS.

**S**alve Hanna, Vir omnium Reverendissime, Salve, inquam, mihiq; de prospero insidiarum nostrarum successu congratulare: Nam bonis, id, quod inceptum est, avibus ad finem perduximus; bonis auspiciis egressi sumus ad capiendum istum, quem anxie hætenus desideravimus, præstigiatores: nunc eum tenemus; nunc rem, quo volumus, redegimus; facta & transacta jam sunt omnia, quæ facere animus decreverat. Quid porro restat, nisi ut adamantinis vinculis constringatur, ne veluti anguilla lubricus evadat. Si enim rectè ejus ingenium perspexi, non fallor, ingenii acumen satis acriter intendet, ut cassibus, quibus hæret implicitus, quam primum se expediat. Ego personam meam in hoc proscenio, eâ, quâ par est, fidelitate sustinui: nihil in me defuit, quod in boni ducis munere requireretur. Vestrum nunc erit, in id, quod ajunt, velis remisq; comprehendere, ne vobis fucum aliquem obtrudat, & sic vestris manibus elabatur. Nam quanto labore & sudore mihi hoc cõstitit negotium, nemo nisi qui eidem interfuit, testabitur; Ut enim rem, in verba tantum conferam paucissima, haud gravatim audiat R. T. Sanctitas, quò modò & ratione tota hæc actio in effectum deducta sit. Strenuè quidem omni armorum suppellectile instructi cū accessimus, strenuè etiam adjuncta mihi virorum concio gladiis, lanceis, funibus, aliisq; ad rem perunètib; machinis opus hoc molita est, ne quid negligeretur, quod ad conatus nostros provehendos facere videretur: sed aures quæso arrige quid acciderit. Ubi locum, in quo cum suis complicibus latitabat, attigimus, nostramq; præsentiam ille subodoratus est, obviâ nobis processit, inquirens, cujus rei perficiendæ ergo pedem illuc poneremus, cumq; aliqui

aliqui ex nostratibus subjicerent, Jesum à se investigari Nazarenum, Ecce omni timore remoto, eum se esse omnibus detexit. Nos unico hoc verbulo prostrati, tremore & formidine debilitamur, tantoque metu inhorrescimus, ut vix locum, ubi consistere nobis liceat, invenire possimus: Cohors, quæ antea ingentes animos magno sub pectore verlabat, quæ vel Achilli pugnam deferre non recusaverat, metu concidit turpissimo. Quin ita omnes nos cæcitatibus obruit procella, ut ubi locorum hæserimus, ignoraremus: sed postquam, veluti Antæus, vires & animum resumimus, ego præ cæteris expeditior & alacrior pro filio, signum prodicionis hilariter exhibeo, & humanissimo osculo cum excipio; exceptum illi, uti jussi erant, statim aggrediuntur, manus injiciunt, comprehendunt, abducunt. Ipsius a seculæ ubi vident rem in acie novacula esse constitutam, unus ex iis educto gladio sæviciam suam evomiturus Malcho Maximi Pontificis ministro dextram abscindit auriculam: Ipse increpata hæc in Discipulo iracundiæ virulentia gladium vaginam jam nudatum jubet recondere, amputatamque; Servi auriculam suo loco sanam & integram restituit: Deinde ad nos conversus, talia effatus est; Vos qui ad mei captionem tam alacriter huc confluxistis, quo animo id factum sit, vestram mihi quæso exponite sententiam: Anne me latronem & scelerum conglutinatore esse existimatis? cur ita fustibus & ensibus mihi insidias intectatis? anne quotidie latis aperte vobiscum vixi in templo, aliasque sacras actiones exercui? neque digitum in me extendistis. Quæ ergo vos jam abripit dementia, ut nocte intempesta cum tanto apparatu me oppugnetis, cum alias commodior mei capiendi copia vobis fieri potuisset? Interea ejus discipuli, qui antea perpetuo ejus lareri adhæserant, nescio in quæ latibula se subduxerunt & fugam vitæ consuluerunt, ne iisdem cum ipso periculis



culis involverentur. Nunc eum, veluti jam dixi, captivum  
in Caiphæ summi Sacerdotis Generi tui, palatium abdu-  
cent. Tu proinde, Vir Reverendissime, decus sacri ordinis  
clarissimum, tuam præsentiam honoratissimo Sacerdo-  
tum concilio ne subtrahes, sed eâ, qua fieri potest, celeritate  
mox te illuc recipe, tuisq; adjuva reliquos suffragiis, ut in  
locum, quo dignus est, deductus merito, supplicio affi-  
ciatur.

### H A N N A S.

**P**roh Deum atq; hominum fidem, quid audio? quan-  
tus ex cognito rei felici successu mihi lætitiæ cumu-  
lus nascitur? quantusque gaudii æstus obrepit ani-  
mum? Sanè (ut vera loquar) pectoris mei sinus tantâ  
hilaritate implebatur, oculiq; tam gratâ voluptate perfun-  
debantur, ut venientem te omnibus deliciis affluens exci-  
perem. Nunc demum me felicem! sed lingua quò vadit?  
Nunc Judæorum Remp. felicissimam prædico: nunc ex-  
tra omnem dubitationis aleam Pharaos alter, nos insidiosè  
sensim sine sensu extinguere laborans, singulari quodam  
Divino nutu captus est. Nunc latentur, latentur, inquam,  
omnes, quibus Salus Judæorum curæ, cordiq; est! Miror  
autem, dilecte Amice, & ad stuporem quasi admiror, neq;  
*ἀλόγως*, quo spiritus stimulo pulsus, quâ Genij aurâ vectus,  
quâ opinionis dulcedine allectus & infectus *Ἰησοῦς Ναζαρε-*  
*νός*, quem nosti, blasphemis toties in nostram Synagogam  
eructatis, de minis nostris præmonitus, fugâ sibi non con-  
soluerit. Sed mitto hæc, quia tibi provincia illum tradendi  
est in juncta, omnes animi atq; ingenii vires in id intendi-  
to, ne spes, quam firmiter animo concepimus, decollet.  
Vulpem enim, ut dicitur, tenemus auribus: quem nisi for-  
titer & cum *ἀσπίδι* quâdam contineas, facile, ut sapius,  
nobis

nobis elabetur. In Caiphæ Genèri mei summi Sacerdotis  
ædes progrediar: tu tua quibuscunq̃ rebus poteris cura  
diligentissimè.

## JOHANNES.

**B**ONE DEVS, quàm cruentus est hicce dies! quàm sari-  
guinolentus! quam egenus cōsolationis! Vix ego abs-  
que lacrumarum profusione, quod vidi accidere, ef-  
fari valeo. Speraram Christum usq̃; ad finem seculi a-  
pud nos mansurum: sed quæ hodie meis oculis vidi, omnè  
illam ex animo spem ejicere videntur. Adest enim prohi-  
Deum immortalem! adest inquam ille dies, quo Magister  
noster ex nostro, & nos ex ipsius conspectu & conversatio-  
ne ægerrimè eripiemur. Hunc infortunatum casum & ego  
doleo, & imprimis sentit Dominus noster. Ideoq̃; quasi in  
medio mortis agone constitutus, non semel exclamavit:  
Tristis est anima mea usq̃; ad mortem. Sicut enim omni-  
bus natura insitum est, ut interitum suum effugiât, & quæ  
nocitura sibi videntur, acriter propellât; Ita ipse quoq̃; Do-  
minus, etsi ad omnes casus imperterritus, vel tribus vicibus  
mortem hanc ignominiosissimam deprecari voluit: Pa-  
ter, inquebat, si fieri potest, ut hunc mortis meæ calicem  
subterfugere possim, benignus concede; rem tamen non  
ex mea, sed ex tua benevola voluntate suspendo. Quo di-  
cto magis magisq̃; animo consternatus, ex nimia cordis tre-  
pidatione & crebra animi anxietate sanguineum sudorem,  
in terram usq̃; defluentem, emisit. In hac rerum angustia,  
ipsi discipuli, & quidem ij, quos fidelissimos putavit, in  
quorum numero & ego fui, nescio an ex corporis lassitu-  
dine; an ex animi moestitudine profundo sopiti jacuimus  
somno; Quin & vel tribus vicibus ab ipso Præceptore no-  
stro excitati, & ad vigilantiam, animiq̃; constantiam admo-  
niti,



moniti, succubimus. Hæc durissima vitæ & mortis certatio patrem cœlestem adeò comovet, ut dolores filii miseratus, angelum ex cœlo demitteret, qui animum ejus perterritum vivis consolationibus erigeret. Verum dolorem Christi magis adauxit scelus Judæ, qui in nostrum numerum jamdudum adscitus, omnia quæ mellifluo Christi ore de salute hominum dicta sunt, nobiscum audivit, nunc vero nefaria audacia Præceptorem Sacerdotibus non auro saltem vendidit, neq̃ saltem prodidit, verum etiam osculo simulatæ amicitiae in manus hostium tradidit: & sic qui antea servus & nuncius Domini sui fuit effectus, jam Mammonæ, Satanae, impiæque cohortis extitit famulus. Tum furibunda & vesana, imo rabidiosa militum caterva, nō solum cruentis suis manibus corpus Sanctissimi attrectare, verum & vinculis tanquam hominem facinorosum aut parricidā constringere ausa fuit. O nefandum, atq; inauditum sceleris genus! O facinus immanissimum & crudelissimum! In hoc tristi rerum statu Petrus familiari sibi instinctu animose & intrepide, ne hanc insignem injuriam mitteret inultam, stricto gladio in lictores prorupit, & nonneminem ex illis (Malchum credo nominant) vulneravit, ejusq; auriculam amputavit. Sed frustraneus erat omnis conatus, omnisque animositas inanis: ipseq; Magister, etsi tam enormiter læsus, & sceleratè vinctus, amputatam Malcho auriculam restituit novo & divino miraculo integram. Quæ dum mecum considero, prorsus obstupesco. Oberrat enim animo meo vincti Domini nostri omniscientia, cui longè ante perspectum fuit, quod esset ad mortem rapiendus. Novit enim, imò confessus est sæpenumero, & in ultima etiam Coena, in qua Sacramentum corporis sui in pane sacramento comedendi, & sanguinis in vino bibendi instituit, se ejusmodi mortis supplicio mulctatum iri. Miror igitur cur

hanc cladem non effugerit. Novi præterea immensam ejus potentiam; quâ stupenda edidit miraculâ, ipsiſq; adeo imperavit Diabolis, & vel uno verbo liſtores adventantes tanquam fulmineo ictu in terram proſtravit. Miror igitur cur hac ſua potentia advêſus Sacerdotes uti noluerit. Nec me fugit amor ejus in ſuos diſcipulos fervidiſſimus, quod tanquam verum illum, ceu loqui ſolitus eſt, Paſtorē ſe ſemper erga ſuos præſtitit. Miror igitur cur gregē ſuum hac vice non defenderit; cur diſpergi paſſus ſit. Verum quid verbis opus eſt? Noluit effugere; ſciens prudensq; ſupplicium adiit. Noluit exſerere vires ſuas. Adeſt enim tempus, quo juxta Prophetarum vaticinia ipſe paſtor gregis percuſſus, gregemq; ſuum linquere coactus fuit. Verum animum non ſpondebo: ſperabo potius, nos aliquando magna cum gloria illum denuò eſſe viſuros. Sed ecce Petrum plorantem! faciem humectantem! crebrisq; ictibus præcordia vulnerantem. Novi quippiam oportet accidiſſe, quod ejus animum ita lancinet. Et niſi me fallit conjectura, in ædibus Caiphæ commiſit, quod Magiſter commiſſurum prædixerat: & jam poenitentia ductus, ita in lacrimas ſolvitur.

### PETRUS.

**V**Æ mihi miſero! Quid primum loquar? Quid cōquerar? Immerſa eſt anima mea cruciatibus inferni; circumſtant hoſtes innumeri, & prædam de me exſpectant avidè. Tundit & pungit me mea conſcientia. Video accuſatorem meum, video tribunal tuum, video te, ô juſte Judex, ſedentem ad juſtè judicandum. Ecce! parata ſunt tormenta, & vocati torrores; quonam fugiā? Quid ſuſpiciam? culpam diffiteri nolo, nec ſi vellem, valerē; Mei n. cordis amaritudo loqui me cogit; diſſimulare nequeo, quæ



quæ perpetravi. Hei mihi! quam grave & ingens; Hei mihi!  
quam ingens & grave est, quod commisi scelus. A pânâ  
pedis usq; ad verticem nihil est in me sanitatis. O inferne,  
quam distendis fauces ad devorandum me; O Diabole,  
quam paratus es ad cruciandum me! O mors, ut sagittas  
exacuis ad enecandum me! Siccine ergò misero mihi per-  
eundum in æternum? Siccine ô anima, jugis pœna tibi  
subeunda? Itane nec amicum, nec Advocatum ullum ha-  
beo? An ergò non est Resina in Gilead? An non est Medi-  
cus ibi? Verum ex tuo, Domine, aspectu iterum refocilla-  
tus spem remissionis peccatorum concipio. O Domine  
clementissime, quam tuus me conspectus longè dulcissi-  
mus nunc exhilarat! quàm confortat! Accedo ad tuam  
elementiam, sed loqui vix audeo. Grandis enim peccato-  
rum sacrinia me deprimit, & majestatis tuæ fulgor me ter-  
refacit. Ah! quid suscipiam, ne condemnet? Tu sedes  
ad judicandum, & Diabolus adstar ad accusandum. Væ  
mihi! quid promerui miser? Ah quid aliud, quam tuam  
Deus iram & inferni flammam? Illa morder; Hæc cruciat;  
Utraque æternum durat. Promerui miser, ut æterno igni  
mancipatus ex tuo regno, Domine, ejicerer. Ergone ma-  
ledictus, abjectus & damnatus ero in perpetuum. Ergo  
ne æternis & morsibus & cruciatibus, Domine, ne objicies?  
Ita quidem postulat rigor Justitiæ tuæ, sed appello ad mise-  
ricordiam. Ah parce, iterum precor, parce mihi reo, &  
condona culpam! Num plasma, num filium, num famu-  
lum tuum prorsus abjicies? Alienum à te opus est. Alic-  
num ergò & nunc sit, semperq; maneat. Tuum operare o-  
pus, & ignosce misericorditer.

Nunc recordor vocis tuæ: quid recordor? Imò nunc  
video te extensis manibus clamantem: Venite ad me

omnes, qui laboratis & onerati estis, & ego reficiam vos. Venio, Domine, ad te, quia laboro nimis; Venio, quia oneratus sum nimis. Refice igitur, ô Domine clementissime & misericors, laborantem servum & oneratum famulum. Magnum est opus peccatorum, quod me premit, & numerari nequit: Leva me igitur hoc onere: Leva me onere, & veniam scelerum clementer impertire, Scio te mitem esse, & interitu hominum nequaquam delectari: Emenda igitur errata, marisq; profundo immerge. Ne quæso adsperneris, Domine, gemitus servi tui, sed eos patienter exaudi: Doleo enim ex animo, quod Dominum, Magistrum, Deum meum abnegavi. Pœnitentiâ ducor seriâ, lacrymisq; multis scelus meum coram te deploro. Hunc autem dolorem, & has lacrymas num castas abire patieris? At quia pœnitentium fletus in conspectum Dei cadunt, cadant & hi mei fletus coram te, ô Deus meus, & in iudicium mecum intrare noli. Magnum equidem, Johannes, Frater dilecte, commisi peccatum: imò tanta sunt mea delicta, vix ut mihi condonari possint; omniq; ut in gratia indignus sim. Linguam dedit mihi Dominus, ut se celebraret, & nomen suum apertè confiteretur, & ecce! abnegavit. Animam dedit mihi, ut se diligeret, & nominis sui laudem ubiq; propagaret, & ecce! imminuit. In animo prævaluit malignitas, in dictis impuritas, in factis iniquitas. Hinc iræ ejus tonitrua me terrent, & legis anathemata me conturbant. Templum Dei in me destruxi, fidem abjuravi, ex cœlo extorrem me feci, & contra æternis moribus & cruciatibus animam meam mancipavi. Abnegavi Dominum meum, quid agam? Quo me convertam? Ne jurâti quidem Magistro fidem habebam, cum prædiceret, quod ter à me esset abnegandus. Tanta mentem meam præoccupaverat præsumptio & propriarum virium confidentia. Nimum viribus

viribus  
seque  
nunq  
imò n  
ab eo  
se con  
Solun  
binan  
Domi  
danda  
hanc  
cator  
valde  
bûera  
ætern  
gratia  
tuis m  
conde  
manci  
fident  
dalen  
lieta p  
quian  
parte  
plurin  
cro ba  
mei ca  
annur  
veniâ  
coram  
mius,  
xus es.



viribus meis confusus, aiebam, si vel reliqui omnes deficiât,  
seque ab illo sejungi patiantur, me tamen commissurum  
nunquam, ut â me deferatur Dominus, nedum abjuretur;  
imò me una cum eo mori malle, quàm vel latum unguem  
ab eo recedere. Sed jam, proh dolor! vera Magistrum dixis-  
se compertus sum. O me miserum! ô me hominum, quos  
Sol unquam aspexit, infelicissimum! Quonam fugiam? U-  
binam receptaculum quæram? Sed recreat me vicissim  
Domini immensa & linguis humanis nunquam satis lau-  
danda clementia & misericordia, Ad hanc confugiam. Ad  
hanc provoco & appello. Novî enim innumeros olim pec-  
catores divina clementiâ esse erectos. Protoplastos, qui  
valdè graviter in te peccaverant, mandatum tuum postha-  
buerant ac contempserant, ac idcirco unâ cum posteris  
æternum exitium promeruerant, cum ad se redibant, in  
gratiam recepisti: Lothum, Davidem & Manassem, legibus  
tuis minus obsequiosos erexisti. Solusne ego in æternum  
condemnor? Solusne ego cruciatibus infernalibus sum  
mancipandus? Condonavit Deus Idololatriam Aaroni, dif-  
fidentiam Moyse, adulterium Davidi, fornicationem Mag-  
dalenæ, rapinas & cædes latronibus multis: num mea de-  
licta patietur esse irremissibilia? Non faciet hoc Deus meus,  
quia non facturum promisit. Pro me quidem & ex meâ  
parte nihil allegare possum. Sed ex ejus possum quamplu-  
rissima, Annon cum per circumcisionis foedus, tum lava-  
cro baptismatis me abluit, & in filium adoptavit? Annon  
mei causâ filius *μενοεινός* descendit de cœlo? Annon & mihi  
annunciatur læta vox Evangelii de gratuitâ peccatorum  
veniâ? Meus igitur, ô Domine, utut negate, sis Advocatus  
coram Patre tuo cœlesti. Moveat te, quæso, amor iste exi-  
mius, quo me servum tuum toto vitæ tuæ tempore ample-  
xus es. Moveant te promissiones & dicta, quibus ad te o-  
mnes pec-

omnes peccatores & delinquentes venire iussisti. His ego confirmatus videre jam videor placatum Patrem & pacatam eius iram: accusatorem Dæmona abactum: me iustum pronunciatum. Infunde, ô Deus, menti meæ gratiam divinam, ut posthac totum me tibi mancipem & addicam. Fac ut laborem fructuosè, ut vivam piè, ut mori tranquillè, Satis & plus quàm satis habebo, ista si impetravero: Hæc mea est, & erit opulencia, Deum habere propitium. Innova in me Spiritum rectum, qui in omnem me ducat virtutem. Hæc enim est sola mea voluptas, tibi soli adhærere, & laudes tuas annunciare populis. Adjuva me, ô Deus meus, in hoc sancto proposito, & si caro repugnat, compece illam, & exaltetur nomen tuum. Ita eveniat, bone Domine, ita eveniat. Interea Iohannes Frater dilecte, non possum non lacrymis ora meâ rigare nunquam desiquis, si mecum considero, quam crudeliter in Caiphæ ædibus Dominum nostrum exceperint. Principes namque Sacerdotum, qui cæteris debebant esse autores ad colendam iustitiam, per summam iniustitiam falsaque testimonia cupiebant oppressum Dominum nostrum: suâ tamen spe excidebant, quod conductorum testium dicta minimè congruerent: Nam aut non cohærebant, aut se mutuò refellebant, aut erant de rebus frivolis & nullius momenti. Imprimis autem prodibant duo nebulones, qui asseruerunt Dominum nostrum fuisse gloriatum, quod possit templum hoc destruere, & triduo reedificare spacio. Surgens autem in concilio Princeps Sacerdotum Caiphas quærebat, nihilne responderet ad objectum testimonium? Ipse verò tacebat exploratum habens, si ve dilueret objectum crimē, si ve taceret, nihil profici apud eos, qui jam secum constituerant, nullâ ratione dimittere liberum. Itaque Caiphas adjuro, inquebat, te per Deum viventem, ut dicas nobis,  
an sis



an sis Christus filius DEI. Ad hanc attestationem Pontificis abrumpebat Magister silentium, & tu, inquiebat, dixisti. Veruntamen, quanquam nunc ne adjurato quidem creditis, aderit tamen aliquando tempus, quo videbis filium hominis sedentem à dextrâ virtutis, & venientem in nubibus cæli gloriosum judicem vivorum & mortuorum, ut vestram hanc enormem impietatem æternis ulciscatur suppliciis. Ad hanc vocem Domini, Caiphas impius & sanguinarius hypocrita, discindebat vestimenta sua, Dominiq; sermonem ut intolerabilem blasphemiam execrabatur. Loquitur, inquiebat, blasphemiam: quid insuper egemus testibus? Ecce! omnes audivistis blasphemiam eius, quid vobis videtur? Et quia in blasphemos lex est constituta, ut, qui adversus legem Mosaicam vel hiscere ausi fuerint, lapidentur, ideò reum mortis pontificali autoritate decernebat ac pronunciabat. In quam sententiam reliqui omnes unanimiter concedebant *ὁμοθυμαδὸν* clamantes, Reus est mortis. Itaq; mox expuebant in faciem eius, & colaphis miserum cadebant. Alij sceleratas manus in faciem eius mittentes jubebant, ut, si Christus esset, vaticinaretur, quis ipsum percusserit. Tanta, Frater dilecte, hominum horum in Dominum nostrum est petulantia! Hæc verò omnia Dominus patientissimo ferebat animo, cum tamen possit, si velit, nebulones istos fulmine cælesti delere, aut dehiscente terrâ, rectâ mittere in Tartara. Interim, ô Frater, lapsui meo condole, & qui sceleratè Dominum in ædibus Caiphæ abjuravi, ipsoq; retrospectantis augustissimo vultu quodammodo erectus sum, ex eo exemplum cape & miseriæ humanæ & divinæ in Iesu nostro clementiæ.

F. JOHAN-

## JOHANNES.

**I**N miserrimo, Petre, versamur omnes statu. Omnes defecimus: Omnes Magistrum, deseruimus. Quem tu abnegavisti, hunc reliqui partim prodidimus, partim destituimus. Ipse intus percutitur, luditur, ad necem damnatur. Nos tanquam oves balantes dispersi aberramus. Quid faciemus, Petre? Deus misereatur & filij sui, quem hactenus tot miraculis confirmatum, Mundo destinavit Messiam, & nostri, qui nihil habemus, unde consternatum animum solari queamus. Abeamus hinc, alicubi latituri, & eventum rerum turbatissimarum expectaturi.

## CALPHAS.

**Q**uanquam, amplissime Praeses, Vir Inclite, Pontifilate, quanquam, inquam, notum compertumq; habeo, me in quorundam hominum reprehensionem incursum, quod te virum autoritate gravem, in arduis tuis tam forensibus, quam domesticis negotiis, quibus occupatus districtusq; teneris, interpellare audeam: Tamen cum salus publica atq; adeo officij ratio, qua labascenti rei publ. succurrere jubeor, id efflagitet, neminem fore, qui hoc mihi vitio vertat, arbitror. Ea enim jam politicæ populi Judaici facies est, ut, nisi brevi subventum fuerit, actum videatur de eadem planissimè. Tot namq; indies gliscunt Hæreses, tot oriuntur schismata & dissensiones, tot prodeunt Hæretici, qui populum Judaicum à vero veri Dei cultu copantur abducere, abominandos cultus & ritus introducunt, verum legis usum tollunt, & nescio quam blasphemam doctrinam legi è diametro contrariam, quam Evangelium ex  
finis

sinu cælestis Patris nobis revelatum; si Diis placet, appellitare non verentur, populo imperito obtrudunt. Prodiit nuper homo quidem fanaticus, ut leni verbo utar, qui se hujus hominis, cujus causâ te jam adire coactus sum, prodromum esse profitebatur. Bone Deus! quanta hujus hominis fuit audacia, quanta impietas, quanta levitas, quanta deniq; in moribus & vitæ genere turpitudine & deformitas! Cæpit hic publicè in maritimis locis, trans-jordanem, spurcissimæ suæ doctrinæ virus spargere & disseminare; imò non incepit solum, sed id ipsum etiam perfecit. Ignobile enim vulgus & plebejam turbam vasserimis suis verbis eò perduxit, ut pleriq; ipsi fidem adhibuerint, & novum ipsius domus, quasi è cælo delapsum, avido animo arripuerint, atq; tam tenacissimè ipsi adhæserint, ut etiam se sacrò baptismatis fonte, si sacrum & non magis profanum appellandum venit, initiari permiserint. Sceleratissimis quibusq; imò illis, qui non ex tribu aliquâ populi judæici oriundi, quos solum promissio Messîæ, patribus nostris facta, concernit, remissionem peccatorum annunciavit, parum cogitans, futurum Messiam, non ad Gentiles, sed ad populum Israeliticum ex augustissima cæli fastigio descensurum esse. Cum itaq; Sanhedrin nostrum hujus hominis perniciosum dogma sensim pededentimq; latius serpere, omnes illas civitates, in quibus antehac integra salvaq; legis mansit norma, verus ille Israelitarum Dei, hujus universi effectoris, cultus peractus est, quin & Sanctam hanc civitatem Deo in habitaculum electam, invadere animadvertere, legatos ad hominem ablegavit, ut interrogarent eum, cujus auctoritate baptizaret, novumq; ac antea inauditum dogma profeminaret, an esset Propheta, an Elias, an Messias venturus. Proh Deum immortalem atq; hominum fidem!



quanta hic ex illo effulsi levitas & inconstantia, quantâ in respondendo circuitione usus est, siquidem nunquam directe & categoricè quis esset, quidve animo haberet, cloquivoluit. Dixit enim se non Prophetam, non Eliam, non Messiam esse, sed vocem clamantis in deserto. Hunc autem populi seductorem potentissimus ille Tetrarcha Herodes, ne major ex ipso perniciës in populum hunc promanare posset, è medio sustulit. Ast en novum seductorem, qui multis parasangis, quod dicitur, præcurso-rem suum vincit! In quæ nos, sancte Deus, reservasti tempora! Itane Ecclesiam tuam sponsam tibi dilectissimam, hætenus illæsam & illibatam corrumpi sines? sed quo rapior? Porrumpit homo hisce ad quodvis facinus paratissimus, prorumpit, inquam, novum religionis ritum invehere allaborans, quem ego: Sed reprimam me: præstat causam hanc coram iudice competenti dicere. Hunc itaq; officio admonitus, tanquam hominem sedi- tiosum, angustissimæ Cæsaris majestati, & politiæ Judæ- æ insensissimum hostem, blasphemum Dei contempto-rem ad te defero, atq; hic coram tribunali tuo, Præses In- clite, illum sisti volo, ut firmissimis rationibus à nobis in- structus, sententiam ex Juris & legum examine feras, il- lumq; morti crucis quæ nefandorum hominum sceleribus debetur, addicas. Antequam verò ad hujus hominis flagitia enarranda accedam, à te, Præses Inclite, quâ par est, animi submissione, rogo, ut benignè placideq; mea exoipiatur oratio.

Cognovisti in vestibulo orationis meæ, Præses incli- te, quò pacto præcur sor hujus hominis Johannes Bapti- sta, ut illum vocitant, basin ac fundamentum eius cor- ruptæ doctrinæ jecerit, & quomodo, cum ex imper scru- tabili Dei providentiâ mature sublatu sit, perfectû dog-  
matum

matum suorum Systema coordinare non potuerit, Hic  
 itaq; longè peior illo, id jam effectum dare conatur, atq;  
 eò impudentiæ conscendit, ut publicam pacem, quæ vin-  
 culum amoris, consortium charitatis merito existime-  
 tur, seditiosorum hominum more, qualem illum etiam  
 nunc publicè proclamo, interturbare non erubescat.  
 Atq; ut de hac re, eò certiore te, Inclite Præses, reddam,  
 originē eius, ut illā ab aliis accepi, præter auditum enim  
 nihil habeo, repetere constitui. Cum jam divi Augusti  
 Imperatoris potentissima manus totum ferè orbem im-  
 perio suo subiecisset, & jam ubivis locorum alma pax flo-  
 reret atq; vigeret, census omnibus, qui sub præsidio im-  
 perij Romani delitescunt, exactus est. Eo ipsò tem-  
 poris articulo communis hujus lucis usuram homo  
 hicce adeptus est. Patre Josepho natus est, Architecto  
 seu fabro lignario. Ast, quid dico? Josephum patrem  
 non habuit, sed Maria eum conceperat, antequam Jose-  
 pho elocaretur. Tu præses optime, pro tuâ prudentia  
 quæ tanta est, ut reliquos omnes, qui hòc officio perfun-  
 cti sunt, antecellat, facile judicare poteris, legitimusne  
 an illegitimus filius sit dicendus. Sed venio ad rem ipsam:  
 Homo itaq; hic ante aliquot annos, cum diutius latere  
 non potuit, in lucem prosluit, doctrinæq; suæ pestiferæ  
 elementa, ita hominibus inculcavit; ut maxima pars se  
 ipsi adjunxerit, nonnulli præstigiariū, quæ miracula esse  
 putarunt, spectatores extiterint. Non enim solùm in  
 publicis viis, locis desertis, vicatim compitatumq; doctri-  
 nam suam decantavit; verum etiam Synedria nostra per-  
 reptavit, templum ipsum ingressus est, in eo conciones  
 suas ad populum habuit, ac undiq; magnos tumultus ex-  
 citavit. Dixit namq; seductor hisce, adimpletum jam es-  
 se tempus illud, quo Messias, qui jugum servitutis a nobis

depulsurus esset, venire debuerat, atq; adeò, se illum esse, utpote qui à Patre suo Cælesti, ô blasphemiam! ex æthereo illo domicilio demissus sit, tanquam cornu salutis, & illuminatio multorum; proindeq; legem jam cessare debere; omnes ceremonias leviticæ abrogatus esse. O impietatem, ô scelus, ô flagitium! Imo nos summos Pontifices, Pharisæos, scribas & omnes illos, qui in servitiis Dei nostri præstandis occupati sunt, variis calumniis proscidit, mendaciis ac dictis traduxit, hypocrisæos insimilavit, & ut majus nostri odium apud populum concitaret, parabolis ac fabulis suis, quibus ad capiendum vulgus utitur, adeò invisos nos reddidit, ut homines nostri nos tanquam fanaticos ac spiritu vertiginis obsessos summopere abhorreant. Modò enim nos viperarum progeniem esse dixit, modò nos sepulcris dealbatis & incrustatis assimilavit, & nescio quid convitiij ad violandam nostram existimationem non congescit. Quamquam verò, ut omnes, qui in hac civitate contra religionem se commoverint, in ea senserunt, esse egregios magistratus, esse summos pontifices, esse arma, esse carcerem, quem vindicem nefariorum ac manifestorum scelerum majores nostri esse voluerunt; sic & hic sua impietatis & audaciæ persecutores sensit acerrimos, qui ex templo cum exturbaverunt & lapidibus, nisi cessisset, obruere voluerunt, Tamen tentæ est impudentiæ, ut repudiatus redeat, oculos sæpe ad templum hujus civitatis, quid jam & faucibus suis ereptum esse luget, retorqueat. Quantum facinus ad te delatum sit vides: Cui si paucos affines esse putas vehementer erras; Latius opinione disseminatum est hoc malum; manavit non solum per Judæam, verum etiam fines Galilææ attigit: quid dico, attigit? tota ferè Judæa pestilentissimi hujus dogmatis baratro



ratro absorpta est, quod obscurè serpens multas jam provincias occupavit. Id opprimi differendo non potest. Quacumq; itaq; ratione placet, celeriter tibi vindicandum est, ne pravi hujus dogmatis sonus in universum exeat mundum, tantasq; inter populos potentissimos cieat turbas, ut in sua viscera savientes, bello quodam Cadmaeo se invicem perant. Non est iam lenitati locus; se-  
Veritatem res ipsa efflagitat; Crucifigatur, crucifigatur, ne pristinam lenitatem speret perpetuam futuram. O fortunatam politiam Judaicam, si hanc sententiam hujus urbis ejecerit! Uno, me Hercule, Jesu exhausto, relevata mihi & recreata videtur res publ. Quid enim malì aut sceleris fingi & excogitari potest, quod non ille conceperit? Quis tota Judæa Idololatra, quis peccator, quis publicamus, quis sicarius, quis latro, quæ mulier infamis, quis legis corruptor, quis corruptus & perditus inveniri potest, qui se cum Iesu non familiarissimè vixisse fateatur. Quàm subito non solum ex urbe hac sanctâ, verum etiam ex agris ingentem numerum perditorum hominum collegit? nemo namq; non modò Hierosolymis, sed nec ullo totius Iudææ angulo impurissimorum peccatorum dehonestamento inquinatus fuit, quem non ad hoc incredibile sceleris fœdus asceverit. O nos beatos! O rem publ. fortunatam, si flagitiosorum hoc & desperatorum hominum grege liberata fuerit! O præclaram laudem pontificatus mei, si meâ operâ in extremam perniciem illos protrusero! Et quo pacto diutius ferri ac tolerari possunt? Non enim jam sunt mediocres hominum libidines, non humanæ audaciæ tolerandæ, nil cogitant nisi dissidia nisi schismata, nisi dissensiones. Verùm quæ stultitia, inertes homines fortissimis viris insidiari, stultissimos prudentissimis, dormientes vigilan-  
tibus

tibus, fanatico quodam spiritu agitati, illis; qui limpidi-  
simâ legis doctrinâ tincti? Et quinam tandem sunt illi, qui  
Christo adhærent, qui in eius doctrina propaganda solli-  
citi sunt? quinam? Quinam alij, quàm, ut deniq; ex cœli-  
bus hominum generibus hæ copiarum comparentur expo-  
nam, quinam, inquam, alij, quàm perditissimi quidam  
homines intestinam aliquam perniciem quotidie rei-  
publ. minitantes, quorumq; omnis industria & vigilandi  
labor in politica Iudaica funditus evertenda expromitur?  
Est genus sane varium, mistum & turbulentum ex inge-  
ni fluctuantis plebis multitudine collectum. Atq; meri-  
tò hic summo jure primò sibi locum vindicat innumera-  
bilis illa insanientium messis, quæ illum, ut saltem præsti-  
gias eius cernat, concomitatur. Deinde illi, sub quorum  
tectis cibum capit, & à quibus cum suis affectis sustentat-  
ur. Hi sunt famosi peccatores, publicani, quorum ne-  
mo, cui honestatis meia inest, consortio gaudet. Cum  
his pecunias longis & iniquis exactiõibus acquisitas in-  
sumit ac dilapidat. Sed hosce homines minime pertime-  
scendos puto, quod aut deduci de sententia, aut si perma-  
nebunt, non magnum detrimentum nobis inferre pos-  
sint. Verum aliud adhuc est genus, non solùm de nu-  
mero, sed etiam de genere ipso & vita, quod proprium  
est Christi: imo vero de eius complexu ac sinu, quos ma-  
xime pertimescendos esse puto. Hi enim illi sunt, quos  
tanquã organa ex variis hominũ generibus, ut piscatori-  
bus & aliis lævissimorũ hominũ conditionibus, sibi elegit,  
quo, etiã si sibi vita eriperetur, tamen sterquiliniũ quod-  
dam relinqueretur ex quo sui similes renasci possent. Hi  
quotidiana eius conversatione usi sunt; hi tanta pollent  
astutia, ut, nisi pereant, etiam si Christus periret, in repub.  
tamen seminarium quoddam Christianum futurum sit.

Ast

Ast illis, aut fatum aliquod impendere, & poenas jam diu  
improbitati, nequitiae, sceleris, libidini, debitas aut instare  
jam, aut certe appropinquare omnino confido. Sed hos  
missos faciamus: ad Nazarenum, qui horum dux, tax &  
lux est, redeamus. Dicas sanè, Praeses Inclite, hæc non ad  
tollendam pacem publicam aliquid facere, cum tantum  
religionem nostram, quam Imperium Romanum nihil  
euret, spectet. Verum jam experieris, quorsum tendat hic  
homo omnium, quos Sol unquam aspexit audacissimus,  
quantumq; si hæc res felicem consequetur catastrophem,  
non solum politiam Judaicam, verum etiam Romani Im-  
perii constitutionem concernat. Tam enim prorupta est  
audacia; ut non vereatur edicto quasi quodam publico  
pronunciare Cæsari censum non esse dandum; de quo si  
dubitas, Herodis nunquam satis laudandi ministros no-  
strosque discipulos, qui hanc ob rem illum convenerunt,  
acceresi iubeto, qui iurejurando sanctè id confirmabunt.  
Cogita; tam quæso, quanti hic faciat Cæsarem: cogita quæ-  
tum exinde Cæsari damnum oriatur, si censu hoc amplif-  
simo privandus sit. Est census iste nervus quidam imperii  
Romani, quo inciso totum id diffluet, diutiusque florere,  
imo ne consistere quidem poterit. Census iste est id, quod  
in corpore humano anima. Tolle animam, quid reli-  
quum erit? nil nisi putridum cadaver. Jube quoq; censum  
Cæsari subtrahi, quid erit Romanum Imperium? nil nisi  
regnum exsanguè, famelicum & aridum, optimo thesau-  
ro, quo regna conservantur, cassum. Quid? non solum tri-  
butum Cæsari non competere affirmare ausus est; verum  
etiam se regem Judæorum audacissime proficitur; cū nos  
tamen nullum Regem nisi Cæsarem, sub cujus tutela tan-  
quam sub firmissimo quodam clypeo ab omnibus peri-  
culis tuti quiescere possumus, agnoscamus. Descende jam



in te ipsum, Pilate, ac exactius perpondera, quantum hoc  
Cæsaris Majestati deroget, & quantam Romano Imperio  
notam inurat, quod hic tam infamis homo non jure po-  
pulo illum præesse asserere audeat. Est sanè crimen læsæ  
majestatis, quod crucis poena dignum nemo inficiabitur.  
Tunc ut hicce se Regem nostrum esse gloriaretur, permit-  
teres? Tunc capitalem huncce Cæsaris hostem, quem jam  
pridem gravissimo supplicio affectum esse oportebat, non  
morte multares? Crucifigatur, crucifigatur, & nulla tunc  
perniciēs à monstro illo moenibus nostris incumbet.

Crucifigatur, crucifigatur: & delebitur non mo-  
dò hæc tam adulta Reipublicæ pestis, verum etiam stirps  
& semen malorum omnium: nullum periculum in Re-  
publ. residebit, nullum in visceribus inclusum remane-  
bit. At invidiam hujus sceleratissimi hominis times, inimi-  
citas eius suscipere abnuis? Præclaram verò Cæsari & po-  
pulo Romano refers gratiam, qui propter hominem in-  
cognitum, nullâ commendatione majorum innixum, sa-  
lutem Cæsaris ac civium Romanorum negligis. Quid me-  
tuis Pilate, invidiæ falsæ atque intempestatem subire, dum-  
modo à Cæsare, civibusq; Romanis adeoq; à nobis pericu-  
lum depellas? Quapropter cum jam, Inclyte Præses, quid  
tui officii sit, ex his, quæ à me dicta sunt, intelligas, homi-  
nem hunc nefarium opprime: omnes ejus motus conatus-  
que prohibe, eoq; avertere, ut sceleris sui poenam, sustineat.  
Hoc si facies, Cæsari, Populo Romano, ut & Judaico offi-  
cium præstabis gratissimum: & nos quoq; in beneficio hoc  
renumerando non erimus negligentes. Deus ter optimus  
maximus, in cuius manu sunt hæc omnia, ita illa dirigat, ut  
sanctissimæ & florentissimæ huius urbis, cuius status jam  
is est, ut verè dici de eo possit: Sicut lilium inter spinas, ita  
amica mea inter filias, salus unice promoveatur, & licet  
spinis.

spinis & vepribus hæreticorum undiq; circumsepta sit, nihil tamen earum aculeis offendatur ac de statu dimoveatur; sed quo semel est imbuta recens odore justissimæ legis, illum summa cum pietatis & constantiæ laude semper conservet ac tucatur.

### *PONT. PILATUS.*

**R**Em sanè stupendam ac inauditam, Caipha, vir sanctissime, profers. Neque enim satis admirari possum, subitam ac præter omnem opinionem rerum immutationem, Urbem hætenus pacatam, tranquillam, sub Romanorum Imperio hætenus quietè administratam, nulla diu seditione commotam, nunc res novas tentare, & nescio cuius hominis suasu defectionem à populo Romano moliri haud libenter audio. Dicis, Jesum Nazarenum Cæsari tributum negare, omnem ipsi adhærere populum; Ais porro, ipsos eum blasphemare superos, Regemq; sese vendicare; Hominem prorsus esse, in leges vestras impium, cui jamdudum bella intestina, ac discordiæ civiles gratæ fuerint, quiq; iis in rebus discipulos suos potissimum exercuerit. Mira certe sunt, quæ ex tuo intelligo sermone: Etenim undiq; optimis legibus ac statutis urbem præmunitam scio; unde itaq; tam repentina civium dissensio! sed cum Præsidis Romani sit, probe accurateq; prospicere, ne quicquam detrimenti sentiat Respublica, sagaciter perscrutanda, ac pervestiganda erunt omnia: cumq; nec judici liceat, sine causa aliquem citare, nedum damnare, veritas præprimis ipsi inquirenda est: Nec satis probatum videtur, ex unius relatu rem decidere, quia in ore duorum ac trium, ipsa vestra lege teste, omnis consistit veritas. Quodcirca legitimo hanc rem judicio committo;

utq; si quos habetis, adducatis testes, eâ, quâ polleo, auctoritate jubeo, ac strenuè mando: Ipsosq; adhortor testes fideliter, ut ante omnia non affectibus suis sed veritati confulant & ne impio, falsoq; testimonio conscientiam onerent ac pręgravent. Nihil enim tranquillitate conscientię excogitari potest beatius: animusq; sibi benè conscius, summum bonum est, summaque voluptas; nec patitur se infuscari, aut diminui. Contrā malę conscientię inquietudo, nec dies patitur, nec noctes securas. Ne arbitremini leviusculū esse, testimonio falso perdere infantes: Vtrumquemque sua fraus, & suus terror maximè vexat: suum quemque scelus agitat, amentiaq; afficit. Hę sunt impiis assiduę, domesticęq; furię, quę dies noctesq; parentum poenas à consecratisimis filiis repētunt. Quare vos denuò admonitos volo ut veritatem, (quam quemvis summopere amplecti decet) fateamini: Meum, quod superest, nunc erit aufcultare, ac Remp. expedire; vestrum testes, vera rerum testimonia proferre.

## H A N N A S.

**I**Xion, Pręses maxime, in Poętarum fabulis, nubem amplexus dicitur, cum sibi Junonem amplexari videretur: non aliter istę Ixionis stolidissimi Simię & Morionis mihi hactenus fecisse videntur, qui pto vero & prępotenti Dei Filio, Regeq; maximo ψιλόν ἀνθρώπων sunt amplexi. Ut autem

*Quicquid sub Sole est, in apricum proferet etas:*

Sic tandem hę fraudes diu latitantes sunt resectę. Nam plena testantium civitas, plenę approbantis vulgi voces, plena loquentium domus hęc, qui restantur ejus magnam in ædificando Templo impietatem, majorem in tacendo causę



causâ improbitatē; maximam in confitendo blasphemiam. Et quis tanto inhumanitatis callo obduruit, qui illum vitâ orbari nolit, quem omnes de statu mentis non dejecti extremum vitæ Spiritum agere etiam atque etiam gaudent? aliter certè qui sentit, is non minùs ineptit quàm Anaxagoras, qui nivem ajebat esse nigram, ut enim ille sensuum, sic hi experiētia bellum facit. Sed quid Soli lucem aspergo, qui ambiguis enarrandis tempus tero? Ad sunt testes ædes Caiphæ, quæ satis justam necandi causam suppeditant. Illic enim accusatus in puncto blasphemiae JESVS Nazareus tacebat, pudebatq; ipsum antefactorum; verum & serò & nequicquam, pudebat: audiebat verba per jugulum reditura; verum tolerabat, nec gry quidem proferebat: stabat cum Deus, omnium hominum auxiliator, ab omnibus derelictus hominibus, discipulisq; propriis, & quod magis est, ad respondendum incitatus, blasphemiam superiorem tueri non verebatur. Sanè quod si cujusquam fuit veritatis limites transgredi, dissidia populorum movere, vana & profana dogmata spargere, huius fuit: si cujusquam fuit legi, ordinationique publicæ refragari, ejusdem fuit. Jam quem fugit: Inobædientiam Magiā esse deteriorē, & Deo resistere; Hæresin esse, & Idololatriam, teste Scripturâ? Hinc Adamus felicissimus propter inobædientiam morte damnatus est æternâ: & propter eandem Abolon formosissimus morte periit deploranda. Utinam ergo! utinam animi mei agellus esset feracitatis, fertilitatis tanta, ut amœnissimum persuadendi protruderet florem! ah quàm uberrimi non solum ad te, Ponti Pilate, sed ad omnes & singulos fructus redundarent! Tandem verò verius est: *ἡ παράνομος ὁφ' ἐτέραν ὁρῶν ἰδεῖται, ὅτι παρ' αὐτοῖς μὴ μένει*: quod juris illâ axprimitur Regulâ: *Quod tibi non vis fieri, alteri ne feceris*; quod si verò hujus calumniis non resistamus, dum

mus, dum possumus, ipsi juberemus; id quod sibi fieri nullus sanæ mētis optabit, ut scilicet eiusmodi blanditiis nullo monente seducatur. Ne itaq; legum constitutio violetur, prorsus è medio tollendus est JESVS Nazarenus, ut intelligant addicta cohors ejus non immortalitatem, sed mortalitatem, non famæ munitionem, sed minutionem; non regiae majestatis munus, sed funus, seque in errorum Abyssis hæsisse affirmant.

## PHARISÆUS

*Testis primus.*

**C**UM adhibito testimonio, illud, quod ambiguum est, veritate confirmata reddatur elucidius, & quod incertum confirmetur, quod finem non invenit, credatur, Inclite Præses Ponti Pilate, coram te ego torquendo ore, & sincero corde confiteor & obtestor, me Jesum Nazarenum, quem tibi vinctum tradiderunt, ut ad supplicium meritum rapiatur, audivisse, quod quæ arrogantia, audacia & animi impudentia nescio jactarit, se templum nostrum Hierosolymitanum longè splendidissimum, à Salomone Rege omnium sapientissimo extructum, à Zorobabele Duce & Josua Sacerdote, reparatum, ab Herode Rege potentissimo ad hanc angustam formam deductum, subito destructurum, atq; aliud intra triduum iterum ædificaturum. Quantum hinc damni & incommodi sit universo Orienti accessurum, non dico. Est enim templum nostrum totius mundi miraculum, inter omnia miracula, quæ sub Sole existunt, augustissimum: in quo exstruendo tam longa secula, omnesq; thesauri sacri consumpti sunt. Hominem censeo prorsus sui, Deiq; oblitum, qui tam sacram ædem, quod non Judæorum saltem, sed &

omnium

omnium populorum Oratorium est, inq; calamitatibus  
asylum, & pro peccatis remedium divinum & coeleste præ-  
bet, destruere audebit: Eum verò quem dicam, qui ejusmo-  
di structuram brevi temporis spacio se dicit posse restituere,  
& funditus dirutam denuò reparare. Illud Præses Pilate  
est improbum; hoc mendacium, & anre hoc tempus in-  
auditum. Templum illud splendidissimum intra tres dies  
dicit esse restaurandum. Sed cum hoc confitetur, hoc com-  
misisse videtur, quod ne mendacio quidem tegere possit.  
Non quid fecerit considera, Præses, sed quid velit, si possit.  
Tum domum sanctam, inque honorem & cultum Divini  
Numinis adornatam tam nefario ausu velle diruere? Quæ  
hæc amentia? quod hoc consilium tam cupidum, tam au-  
dax, tam temerarium? quid hæminæ? Solus, nullius auxi-  
lio adjutus, hoc tam arduum & difficillimum opus est ag-  
gressurus, cum Salomon Rex; noster quondam sapientis-  
simus, ad structuram tantam perficiendam multa homi-  
num millia indies aleret, qui lapides comportarent, qui li-  
gna caderent, qui aurum, qui argentum, qui ferrum, qui a-  
lia præpararent? Quid igitur hic nēmine adjuvante est ef-  
fecturus? Considerate quæso ipsum ædificium: excutite  
vestram intelligentiam: singula diligenter in animum ve-  
strum penitus demittite: & reperieris, hæc omnia ab in-  
considerato homine prolata nequissimam *admonitionem* sapere.  
Lustrate oculis speciem templi venustam, & formam, ca-  
pacitatemq; augustissimam varia, contiguatione distinctā,  
admiranda arte intus & extus exornatam: Aspiciate tabulas  
cedrinas cælaturis variegatas, laminisq; aureis opertas, Pa-  
vimentum auro fulgentissimum, & judicabitis illius ini-  
quitatem, qui templum istud splendidissimum & angu-  
stissimum destruere voluit, & inanem verborum iactan-  
tiam, qua se dixit illud posse restaurare atq; in pristinam re-  
digere



digere maiestatem. A maioribus nostris percepimus, Regem Salomonem in hoc templo Dei ædificando, septem annos consumpsisse: Ligna enim, lapides, aurum, gemmæ & aliæ res pretiosissimæ tam diuturno tempore erat comparandæ, quæ in hunc usum conferrentur. Et si oculis nostris contemplamur, & ad rectam rationis trutinam revocamus miracula ejus magnificentissima, admirabimur potius, quam imitabimur tantum opus, quod vix intra XLVI. annos Herodes rex absolvere potuit: Multum est, quod totam stricturam, ex lapidibus politissimis, ad unguem inter se quadrantibus, & commissuris oculos fallentibus fecerit, ut intuentibus nullum usquam mallei, aut cujuslibet fræbrilis instrumenti vestigium, sed connata potius, quam arte congesta appareant. Multum etiam est, quod triplices porticus, quæ columnis binos & videnos cubitus altis sustententur, è marmore candido & laquearibus cedrinis porrexerit. Multum est, quod totum sub dio spacium omnium generum lapidibus stratum & variatum fecerit. Hæc non solum magna & splendida, sed & divina artificum ingenia ostendunt, & omnium hominum captum excedunt. Quid dicam, quod fores, earumque postes & limina puro argento obduxerit? Quid de amplissimis exedris? Quid de cælaturis, alibi leonis effigie, alibi tauri, alibi lauri, alibi Cherubim alibi Seraphim, alibi aquilæ effigie distinctis? Quid de columnellis admiranda arte ornatis, ac puro auro obductis? Parietes cedrinis tabulis auro incrustati sunt: omnia auro re-  
nident: nihilque non auro purissimo resplendet, & intrantium oculos folgor undique occurrens perstringit. Quid si interiora huius templi cōtemplabimur? Ibi candelabrum, ibi thuribulum, ibi ara, ibi mensæ, phialæ, pateræ, & lances, omnia aurca & argentea; ibi crateres, magni precii, & quid non argenteum, gemmatum, aureum? De acerris aureis,  
quibus

quibus odoramenta in templum inferuntur, de batillis, de Sacerdotalibus vestibus in usum Pontificum factis, de talaribus & epidomidibus, de logio cum suis gemmis, de tapetibus & peristromatibus auro & unionibus distinctis, de corona, in qua Dei nomen inscriptum extat, de stolis è bysso factis, verbum non addo: Superant enim omnem calculum, & in supputationem, ob nimium pretium, quo constant, redigi nequeunt. Hoc, Dignissime Præses Pilate, tam splendidum & exornatum templum hic homo demoliri conatur, in quod tam multi Reges potentissimi suas divitias & thesauros expenderunt. O quantum damnum! O quanta ruina! O quanta clades, si tam sanctum, & divinum ædificium destruat & funditus evertatur! Quid est Deo contraniti atq; adversus ipsum cornua erigere, si hoc non est? Domicilium, in quo ipse Deus habitat, evertere, quanta quæso audacia est, quantum scelus! quam inconsiderata cupiditas! Profitetur se esse Dei Omnipotentis coeli, mundi; creatoris Sapientissimi Filium, & tamen Deo honorem, quem in hoc templo ei exhibemus, invidet. Rex David, vir ad nutum & placitum Dei, ut templum hoc exstrueretur, materiam, lignum, cæmentum, & reliqua, quæ ad hanc structuram requirebantur, comparavit: Sed præliis perpetuis ab hoste laceratus, filio Salomoni opus absolvendum demandavit. Quæ te igitur furia in fœnales, qui te lemures, quæ insania exstimulant, qui cæco cæcæ pravitatis impetu, hunc splendorem in cinerem conaris redigere, atq; intra tam brevissimum spacium, tanta *πρόσφορα*, & tanta animi impudentia aliud audes extruere? O factum inauditum! O mendacium impudentissimum! O tetram! O horribilem! O infestâ reipub: Pestem, quæ perniciam magnam cum clade conjunctam parit, ac templum Divini Numi-

nis ad exilium & vastationem vocat! Quo usq; tandem se effrenata tua jactabit audacia? quam diu furor tuus nos eludet? Siccine omnia magna, omnia pretiosissima, omnia diruere machinaris? Vnde tibi tam magni Sūptus & thesauri refertissimi suppetunt, ex quibus tam splendidū & augustissimum templum possis restituere? An tibi tam magna æraria auro & argento repletissima, ex quibus hujus auri & argenti permagnā vim, gemmarumq; maximi pretij ab mirabilem multitudinem promere possis, ut hunc ornatum restaures? Homo es omnium mortalium pauperrimus, qui nec tantum habes pecuniæ, ut tibi vel vestimentum compares, quo tuam nuditatem detegas, vel restimemas, qua pereas. Sed tu Præses Dignissime Ponti Pilate, cū cernas causam damnationis & mortis manifestissimam, hujus hominis nefarios conatus & tanti facinoris immanitatem comprime; fac quod ad communē Salutem est utilius, atq; de hac pernitiōsa sentina poenā sumito gravissimam. Dato eum eō, quo jam pridem sua ipsum cupiditas effrenata ac furiosa rapuit: suspendatur à cruce, ad quam ipsum natura peperit, voluntas exercuit, fortuna reservabit. Ductum ad mortem rapi, atq; supplicio mactari ultimo jubeto.

## PHARISÆUS

### *Secundus.*

**N**E quaeso, Præses inclitè, agrè ferto, si pauculis veritati dederō testimonium, adversus eum, qui omnem veritatem planè vult eversam. Etenim quoad longissimè potest mea mens respicere, spatium præteriti temporis, & memoriam antiquissimorum temporum ex certis historicorum monumentis recordari ultimam, inde usq; repetens, antiquos homines & virtu-



virtutibus & viribus longè eminentiores extitisse deprehendo. Ex magno autem numero unum Moysen nominabo, quem si nostri quis fuerit, facile deinde judicabis, quis sit Nazæenus, qui Mosi ausus est contradicere. Moses in Ægypto honoratissimo illo, & amplissimo bonarum artium & disciplinarum amphitheatro natus & educatus, Parentes habuit religiosissimos juxta & piissimos, Amramem & Jocabedem, ex celeberrima inter nos tribu Levi oriundos. Hic quam primum lucem adspexit, in Nili ripâ expositus, & mirificè à Deo opt. max. conservatus, non in caula, sed in aula Pharaonis, qui tunc regno Ægypti præerat, educatus est. Postquam enim parentes hunc filiolum suum per tres menses clam domi nutriverunt, veriti tandem, ne re deprehensa & se & puerum perderent, quia omnes pueros Hebræos crudeli edicto rex morti destinaverat, in arculam è Papyro contextam, ne aqua penetraret, eum indiderunt, atq; ita in flumen projecti salutem divinæ providentiæ commiserunt. Quid sit? agnosce quæso divinam pro suis curam! Thermutis filia regis unica, dum ludit ad ripas Nili, conspicata vas fluitans, missis natatoribus jubet lectulum ad se in ripam extrahi, qui (ut jussum erat) allatus, mirè placuit regię virgini, quod esset & magnus & pulcer, eumq; in filium adoptatum regio more educari curavit. Fuit itaq; Moses sub disciplina sapientissimorum virorum, quos Ægyptus habet, omniq; sapientia, non leviter solum tinctus, sed ita imbutus, ut præ omnibus excelleret; Moribus ac gestibus ita sçavis ac amabilis, ut obvios quosq; in se converteret, utq; relictis omnibus rebus plæriq; præcellenti eius forma oculos pascere mallent, invitq; ab hoc spectaculo discederent. Hunc jam à teneris pietatis ac sinceræ religionis ardor totum pervasit, tamq; adver-

iatus est superstitiones Ægyptiacas, ut & regium diadema,  
quod rex ejus capiti, ad testandā ultimam de successione  
voluntatē imposuerat, pueriliter detractū, prolapsūq;  
pedibus conculcaverit, hoc evidenti præfagio & exēplo  
demonstrans, quod nihili faciat omnem hujus mundi glo-  
riam, præ ea quā apud Deum habebat gratiā. Tanta itaq;  
in eo cum eluceret indoles, fieri non potuit, quin postea  
res gereret prorsus stupendas: Non dicam de bello quod  
gessit contra Æthiopes; Non quæ reliqua in florentibus  
patravit annis. Id dico, quod eum alloquio divino sapi-  
ens dignum habitum Deus, ducē Israelitorū tandem con-  
stituit. Ille celso & infracto animo in Ægyptum reversus,  
ex qua profugerat ad Midianitas, Pharaonē plurimis mi-  
raculis ac prodigiis terruit, tandemq; potenti Dei manu  
defensus omnem Israëlīs populū ex acerbissima servitute,  
per loca deserta & invia, invitis Pharaonis magnatibus,  
invitis & in mari suffocatis multis armatorum millibus  
in loco tuto constituit, constitutos mirabili prudentia re-  
xit, legibusq; & statutis divinitus acceptis informavit &  
firmavit, & firmatos nūc pane cœli demisso, nunc cotur-  
nicibus divino jussu aliunde ad volantibus, nunc aqua ex  
durissimis saxis & scopulis miraculoso baculo evocata  
cibavit, potavit, & contra varios hostes fortiter propu-  
gnavit, ac defendit. Sacra sacrorumq; ritus instituit, ta-  
bernaculum mirabili & plane divina arte extruxit, popu-  
lum in certas tribus & classes distribuit, Judices ipsis præ-  
fecit, malis pœnas, bonis præmia destinavit, illos repressit;  
hos partim suis precibus, partim heroica manu defendit;  
cumq; sæpenumero cum Deo colloquia haberet secretis-  
sima, in monte Sinai ex ejus ore legem divinam excepit,  
eamq; in V. libros digessit, in quibus tanta latet sapien-  
tia, tantaq; scatent mysteria, quæ ab omni sensu remota,  
omni

omni seculo ignota fuere. Atque ita, inclite præses, summam hujus viri laudem audivisti, qui sua sapientiâ, sua auctoritate, suis denique miraculis id perfecit, ut meritò inter divos annumeretur. Habes Mosis sanctitatem: Nunc collige tecum Nazarenî impietatem, qui tanto Dei viro se præferre, legibusq; cœlitus rogatis se opponere, eamq; politiam, quæ auctoritate ipsius æterni Dei constituta est, convellere audeat. Quod Moses jussit, hic abrogat: quod prohibuit, jubet. Sabbatum, diem inter nos sanctissimum, prophanat; Sacris operantes non semel flagris & fustibus è tēplo furibundo ausu ejecit; Novis & absurdis legibus discipulos suos circumscribit; antiquos ritus & ceremonias sacras posthabet. Multa, ut una verbo omnia complectar, & in Deum & in homines impiè nefarieque commisit, atque adhuc committit. O scelus! O portentum in ultimæ terras exportandum! Tu ergo, Præses inclite, hunc Nazarenū, qui Rempub: conflato seditioforū tumultu disturbat, disturba; & vi, studio virtute, auctoritate incumbe in publicâ tranquillitatem conservandam: Pernitiosam atque intolerandam pestem primo quoquo tempore extingue atq; opprime, omnibusq; inspectantibus in crucem damnatum tollito, meritisque mactato supplicis.

### PHARISÆUS

*Tertius.*

**N**eminem, Præses inclite, scelestiorem, pejorem, & ab omni pietate magis alienū esse puto, quam qui varias blasphemias eructans, vel ipsum Deum cum impiis Gigantibus cœlo exturbare conatur. Quid enim per Deum immortalem turpius, aut ad famam indignius aut ad utilitatem perniciosius, quam blasphemias



in Cœli terræq; Creatorem sanctissimum evomere? Facinus, Præses, Facinus inquam horrendum & stupendum existimo linguæ virulentia in eum invehi, qui καὶ ἰσχυρῶς intimos hominum recessus, qui cogitationes, intentiones, consilia haud solum prospicit, & aspicit, sed & accuratissime perspicit. Si enim paulò accuratiori mentis indagine consideremus, unde omnia peccata, qui hominẽ in exitium dant præcipitem, originem traxerint, sanè abominandam Diaboli, humani generis infensissimi hostis, blasphemiam iis causam dedisse reperiemus. Hujus enim veneno conceperunt homines virus, quod non dum concoxerunt, deq; salutis tramite deiecti, exules sunt à vera felicitate. Id vel inde licet colligere, quod hodie num Deus nulla magis re ad iram accendatur, quam si nomini suo impios homines videt gloriam debitam negare. Hos enim tanquam vita & spiritu, quem trahunt, indignos, indignis solet accipere modis & acerbissimo poenarum genere persequi. Ne verò ex meo quæ dico, fingere cerebro videar, si plures vationes earumq; momenta firmissima, Præses inclite, desideras, nostrarum legum, in quibus æquitatis norma perfectissima, continetur tibi producam auctoritatem, ipsaq; librorum divinorum oracula eadem de re tibi exponam, quæ testantur quod is, qui in Deũ blasphemus est non deprecandis debeat mactari suppliciis. Qui blasphemaverit nomen Domini, morte moriatur: lapidibus opprimet eum omnis multitudo, sive ille civis sive peregrinus fuerit. Quo effato quid præclarius, quid dilucidus in hanc meã sententiam, à quoquam dici possit non reperio. Blasphemos jubet Deus enecari; jubet, ne iis præpostera clementia parcamus. Ne autem in hujuscemodi sententiis recensendis prolixus sim, & in iis tota nostra consumatur oratio,

oratio, aliò me convertam, & exemplis, quod proposui, evincere conabor, & iis quidem non levioribus nulliusve momenti, sed gravioribus, & ad institutum nostrum maximè facientibus. Testis enim est Pharaonis Ægyptiorum Regis historia, qui cum impia hæc in Deum verba profudisset: Quis est Dominus, ut audiam vocem eius, ignoro Deum Israelis, nec Israelitas dimittam; variis plagis, pœnisq; intolerabilibus exceptus, tandem in mari rubro periit. Testis est Israelita ille, qui, ut Moysis scripta testantur, in Deum diras execrationes evomens, extra castra jussu divino eductus miserabili morte fuit extinctus. Testis est Holofernes, Nabuchodonosoris imperatoris quondam maximi Dux bellicosissimus, qui, cum nullum Deum præter Nabuchodonosorem inveniri diceret, nostrumq; Jehovaham nec teruntij æstimaret, imbelli unius mulierculæ Judithæ, manu periit; Quid dicam de Rege illo Assyriorum potentissimo Sennacheribo, qui Zedekia ætate in Deum minas & contumelias spargens, à suis ipsius filiis internecioni traditus est. Quid de Nabuchodonosore ipso, qui cum cœlo se stolidus prætulisset, rationis usu amisso, in beluam penè transformatus & ex hominum societate ejectus gramine in morem jumentum pastus est? Has historias Gentis nostræ Judaicæ, Ponti Pilate Præses, alto repete pectore, & quocum tibi jam sit negotium, accuratè considera. Deus ille est, qui injusta punit, & justè facta præmiis afficit: Hunc scias contemptores sui numinis graviter puniturum, mortiq; quin & inferno, ubi perpetua impiis erit lamentatio & ignominia, hostes suos traditurum. Quovis enim Rege sublimior est, & acerbius persequitur eos, quam ullus Regum poterit, quos suæ voluntati, suisq; legibus habet refractarios. Si enim quis peccaverit in homines, pla-

cati

cari ei potest Deus: Sin in Deum; quis orabit pro eo?  
Non igitur negligere Nazarenum, quem constat in coelum,  
in Deum, inq; omnes Dei leges verba blasphemia evomu-  
isse? Exscinde piaculum; exime ex numero viventium  
pestem communem, ne quam iram Deum audisti exe-  
ruisse adversus Pharaonem, Holofernem, Sennacheri-  
bum & Nabuchodonosorem, eandem cum magno tuo  
malo incurras. Quid enim indignius humana mente  
excogitari, quid injustius ab ullo homine suscipi potest,  
quam blasphemum ac impium Dei teroptimi hostem  
acerrimo iudicio atq; severioribus suppliciis dignum non  
censeri, non judicari, non damnari? Audimus saepenu-  
mero, quam contumeliosissime Nazarenus Deo male-  
dixerit; audimus quam petulanter, & procaciter in eum  
invaserit, & ipsum Dei nomen illusionibus variis irrise-  
rit: nec sine horrore, & maxima execratione conciones  
eius impias & prophanas ulterius audire volumus. Præ-  
terea quod omnium maximè horrendum & nefarium  
est, hic Nazarenus leges Moysis, qui vir fuit moribus mi-  
tissimis, in ordinanda & administranda republ. nunquam  
satis laudatus, Deo hominibusq; carus, culpae audent,  
seq; Deum profitetur audacissime! O coelum! O terra!  
O maria! Quid audio, Pilate? unus est Deus, qui coelum  
creavit, terram fundavit, maria produxit, homines for-  
mavit: & hic impostor sibi gloriam æterni ac omnipo-  
tentis adscribere audent. Tollatur, crucifigatur, pereat.  
Tune es Messias, qui nos ab hostium iugo liberabis? qui  
nec habes, ubi caput reclines? Tune es ille Monarcha,  
qui totum terrarum orbem sit iudicaturus? Tune es Rex  
Regum omnium & Dominus Dominantium, quem jam  
vincula coercerent, & mortis fauces absorberent? Blas-  
phemator es, non Deus, non Messias, non Rex: nec dubito,  
quin



quin ipse Deus ad inferos usq; te sit detrulurus, quam primum hujus sententiâ hic vivere desisti: Quo enim ore, quâ fronte blasphemias horrendas in Deû effudisti? quo animo te Deo æqualem constituisti? O mentem! O peccatus! O labem omnium morum, & temporum! quæ te furia excitavit? quæ te clementia cepit, ut Deum æternum ignominia afficere coneris? Eone perversitatis ac malitiæ te venisse, ut tantum in Majestatem divinam crimen committere non erubueris? ut te fore judicem vivorum ac mortuorum dixeris? Exaudi, Ponti Pilate, exaudi voces Judaici populi, pro gloria Dei, contra hominem audacissimum depugnantis: hinc honestas, illinc turpitudine; hinc fides, illinc blasphemia; hinc deniq; æquitas, temperantia, fortitudo, Prudentia virtutesq; omnes, illinc iniquitas, blasphemia temeritas, & vitia omnia certare videntur: quibus nisi maturè occurrere volueris, ex hujus hominis doctrina, tanquam omnium malorum matre, non modio aut trimodio sed toto horreo omnia mala in totum terrarum orbem & imprimis in Imperium Romanum promanabunt.

### *PONT. PILATUS.*

**P**ercepimus vestram, viri optimi, sententiam, hisq; testimoniis (vera si sunt) satis hominem convictum deprehendimus. Ast judicis est, ut antequam condemnet accusatum, de calumnia ei statuatur diem, ad probandam, si potest, innocentiam. Neq; etiam quisquam potest vel causam benè, vel homines probè judicare, nisi prius utrumq; litigatorem audiverit: Collatis enim rationibus & causis facilius est judicare, ut ipsi facillè intelligere poteritis. Ne itaq; in audiendo impatiens videar, neve & mihi id, quod olim Philippo Macedoni

accidisse fertur, eveniat, cui, postquam ad disceptandas  
lites sibi non vacare vetulæ alicui respondisset, ab eadem  
objiciebatur: Noli itaq; regnare. Ne inquam & mihi  
jam iudicium contra hominem favorabilem, ut audio,  
administranti idem eveniat, neve iniquè videar senten-  
tiam tulisse, ut Reum ac Accusatum Jesum Nazarenum  
in prætorium adducatis volo, ut ipsius quoq; audiamus,  
si quam habet, defensionem.

### JUDAS.

**H**Eu me miserum! nunc occidi! nunc perij! quis  
mihi opem afferet miserrimo! Neq; salus ipsa, si  
velit me respicere, salutare mihi dexteram ad-  
movebit! Ah quanta animum lacerat ægritudo!  
quantus malæ conscientiæ stimulus me pungit! vix cre-  
do Pentheum à Bacchis tam miserè fuisse dilaceratum,  
neq; Hyppolitum à Phocis Nerei, neq; à Medeâ Absyr-  
tum, neq; à conjugè Helena Deiphobum, quàm meus  
animus pessimè sibi conscius me excipit. O me omni-  
um infeliciissimum! Satiùs fuisset, nunquã nascier, quàm  
tot misérias, tot mala, tot in vita ærumnas perpeti! Nam  
quid mihi vita prodest, quando sic vivendum, ut omni-  
bus penè momentis supremus dies mihi sit optandus,  
optatus non impetrandus. Jam canis ille dormiens in  
occulto pectoris evigilat; jam me vellicat, monens quid  
rei gesserim. Prodidì Dominum: Prodidì Salvatorem  
meum, in quo salutis meæ cardo vertitur. Certissimè  
hic inter probissimos erat primus; animi semper erat pu-  
ri, simplicis; rerum ad fraudem pertinentium erat igna-  
rus; vitam degebat nulli vitio ob noxiã; rectitudinis tra-  
mitem insistebat, pietatem animo inclusam gerebat, & cla-  
rè eam verbis & operibus testabatur. Nulla eum impro-  
bitatis

bitatis macula commaculabat, imo integritas vitæ, nullis unquam sceleribus violata, ab omni reprehensionis notâ eum vindicabat. Ah quò me maledicta divitiarum abripuit cupido! Non putabam fore, ut in tantos angustiarum labyrinthos adigeretur meus Dominus. Arbitrabar eum vel verbis suam causam satis tuiturum, vel omnia si defuerint subsidia, miraculo perrupturum atq; ita elapsurum esse. Serio quidem sed nimis serò mihi facti hujus subit poenitentia. Ah utinam hic locus esset, unde me darem præcipitem! Utinam hiatus terræ esset, cujus voragini me traderem! Utinam aqua esset, cui me immergerem! vel si horum aliquid fieri nequit, Utinam esset, qui poenam hujus à me sumat maleficij! Vitæ enim tædium me cepit: spiritum lubet emitte vitalem, & è molestissimo corporis hujus ergastulo liberari. Sed quid multis querimoniis & lamentationibus me lacero? Satis est, ut XXX. argenteos, pretium illud iniquitatis, Sacerdotibus restituam, meamq; ipsius vitam laqueo infringam.

### PONT. PILATUS.

**I**Ta, Caipha vir sanctissime, vosq; cæteri viri ornatissimi, Ita inquâ in more hominû esse positum deprehendo, ut vel turpissimâ ac iniquissimâ rem honesta præscriptione tegere studeant: Et nemo hominum adeò stupidus ac stolidus reperitur, qui non rei perperam factæ, rectam aliquam possit ascribere speciem. Ast cum diu non lateant scelera, mox disquisitione accurata adhibita, erumpunt ac emergunt. Econtra sæpius usu venit, ut viri innoxij in judicium vocentur, & atrocissimorum scelerum rei peragantur: in quorum tamen vitam, mores, facta si penitus introspexerimus, longè eos meliores



fuis accusatoribus invenimus. Hæc quam verissima sint; non tam probant à majoribus observata exempla, quam quotidiana adhuc evincit experientia. Et hoc ipso momento idem mihi evenire sentio: Hominem enim, quem ut seditiosum, blasphemum, ac proinde mortis reum proclamastis, post inquisitionem sedulam ac diligentem, nihil eiusmodi patrasse cognosco. Nihil etiam culpæ in eo inveni, quæ mortis supplicio digna videatur. Vana & fictitia omnium fuere testimonia. Seditiosum eum non esse in propatulo est, cum nullis armis aut viribus humanis nitatur. Magnas semper factiosi homines, aut civilium discordiarum autores, tanquam stipatorum cattervas, ad nutum armatas copias secum ducunt, exemplo Catilinæ, qui flagitiosorum hominum multitudine undique circumdatus incedebat. Hic vero neminem, qui aut eius defendat causam, aut innocentiam existat testis, habet. Non metum pœnæ; non flagitiorum conscius, novos Reipublicæ quarit motus. Vitam degit pacatam, ac quietissimam. Nec leges, neque nostras ab Imperatore & Senatu sancitas; neque vestras à vestro vobis Moyse præscriptas evertere studet. Quibus itaque factiosum hunc esse convincitis testimoniis? Fulcienda & corroboranda firmissimis argumentis vestra est sententia. Audivistis omne seditionis crimen ipsi intentatum à se eum depulisse: Mihi certe omni culpa vacare videtur. Ast dicitis, vetuisse tributum dare Cæsari. Ne hoc quidem crimine eum unquam contaminatum ac infectum esse certo constat. Testatur enim, publicè in Synagogis vestris se docuisse, danda esse portoria, vectigalia, tributa. Ipsi vobis querentibus respondit: Si moneta, qua utimini in Regione vestra, Cæsaris imagine & inscriptione insignita, & ab eodem procusa est, legem naturæ postulare, ut suum cuique tribua-

tribuatür; Cæsari, quæ sunt Cæsaris; & Deo, quod est Dei. His insuper addit, seipsum cum discipulis suis censum non semel persolvissse. Quid vos ad hæc? Seditio- sum istum Jesum Nazarenum haud esse censeo. Dicitis Regem se nominasse. Imo audio: Quem verò, agite? Qui Imperio ac vitæ Imperatori nostri Tiberij, insidias struit? Id vero pernegat. Sic enim mihi de nomine eius Regio interroganti respondebat. Non est, ò Pilate Præ- fes, ut vel tibi, vel tuo Imperatori, mea causa metuas. Non enim Regnum meum est mundanum, quod terre- nâ colligatur ac stabilitur potentiâ, aut quod externis vi- ribus ac adminiculis administratur, id quod ex re ipsâ po- tes colligere. Etenim si Regnum meum se haberet ad modum Imperiorû hujusmodi, facilè potes conjicere, quod meos habiturus essem milites ac ministros, qui me vi bellica, & armata manu ex Judæorum manibus libera- sent. Jam verò contrarium accidit: Cernis enim adesse neminem, qui meas tueatur partes, aut à Judæorum vio- lentia me conscriptis copiis protegat. Nec præsto est, cujus fidei aut tutelæ me committam; Nullum ex militi- bus mihi unquam adjunxi, nunquam Regiam mihi arro- gavi dignitatem, sed à populo Judaico mihi oblatum Sceptrum vel fugâ recusavi. Innocens itaq; & ab omni culpa vacuus à Judæis accusor. Hæc eius fuere verba, quæ egregiam ipsi integritatis laudem ac testimonium pepe- rerunt. Et ab omnibus facinoribus ei intentatis maxi- mè abhorret, ac litem contra vos meâ sententiâ obtinuit. Faterur se Regem, & in hoc se natum esse confirmat, ut nimirû veritate Doctrinæ Evangelicæ tanquam sceptro Regio Regnum suum stabiliat, eâq; subditos sibi colligat eos, qui ex veritate sint. Stolidè igitur agitis, quod pro- pter veritatem tam acerbum odium in virum istum alio-

quin piū ac iustum confitearis. Agite igitur, & si ita libet, ducite ac iudicate illum, si mortis reum cum noſtis. A me cū inſons deprehenſus ſit, quem damnare & ius naturæ, & noſtræ ſimul leges ſtrenuè prohibent, liber dimittetur. Aliud ſi ſtatuere, facinus ingens ac deteſtandum, ipſi latrocinio ſimillimum, committerem. Ne itaq; tam abominando flagitio commaculer, præſertim cū in noſtris legibus utilius æſtimetur, abſolvere nocentem, quam innocentem condemnare, hunc virum innocentiffimum ac juſtiſſimum abſolvi lubet. Eſto itaq; dimiſſus,

### CALPHAS.

**Q**uouſq; tandem, Præſes Digniſſime, impietatem nefarij huius hominis ſuſtinebis? quādiu furor iſtius noſ illudet? quem ad finē effrenata ipſius ſeſe jactitabit audacia? Nihilne te, Pilate, auguſtiſſima Cæſaris periclitantis dignitas, quā, ſi hic viveret privabitur, commovet? nihilne ſumma Herodis familiaritas, cujus jam, ſi Jeſum cruci addices, particeps fieri poteſ, loci apud te habet? nihilne populi Judaici ſalus, quæ, niſi hic crucifigetur, elanguet, apud te valet? Tota enim politia Judaica jam periclitatur, ſeniorum autoritas labefactatur, pontificum conſilium repudiat, plebs non patitur ſe jure ac legibus regi. O tempora! O mores! Pilate tu hoc intelligis, tu hoc vides: hic tamen vivit; vivit? imo etiam tanquam innocens abſolvitur, quò unumquemq; noſtrum ad eandem designare poſſit. Tu autem Pilate Populo Judaico ſatisfacere videris, ſi iſtius furore oppreſſo prudenter invidiā effugias. Ad mortem te Jeſum ex voluntate Herodis jam pridem ducere oportebat: in illum conferre peſtem illam, quam in  
nos



nos diu machinatur. Herodes Tetrarcha ille ut potentissimus ita iustissimus Johannem mediocriter politiam Iudaicam labefactantem interfecit: Iesum vero totum imperij Romani orbem vastare cupientem tu persers? Nam illa nimis antiqua prater eo, quod homines privati vel propter quasdam seditionum suspensiones homines nonnullos interemerunt, ne Resp. aliquid detrimenti exinde caperet. Fuit ista quondam in Repub. virtus, ut viri fortes acrioribus suppliciis civem perniciosum tanquam acerbissimum hostem coercerent. Ast nunc patimur hebescere aciem horum autoritatis, & Iesus hicce vivit non ad deponendam, sed ad confirmandam audaciam. Et quid prohibet, ne Christus crucifigatur? Habes Herodem vehementem & gravem Iesus persecutorem, non desunt milites, non arma, non patibula, non autoritas hujus nostri ordinis. Tu Pilate, ut apertè dicam solus dees; tu id suspendis, imo non solum suspendis, sed intermittere plane cogitas, quod avidè expectat Herodes, qui illum jam dudum ad mortem quæsit; tu id facere recusas, quod Pharisei & scribæ, qui, ut jam dudum in malam rem abiisset, votis conceptis expetierunt. Non patiaris Pilate operam tuam hic illis, qui ad summum honoris gradum te evehere possunt, deficere, non defugias eorum autoritatem. Nemo sanè tam improbus tam perditus tam Iesu similis inveniri poterit, qui hoc non jure factum esse fateatur. At sunt etiam qui dicant, à nobis illum falso ad te delatum esse: Quod ego si verbo assequi possem: ipsi, ut tibi in manum traderentur & morte punirentur, curarem. Crucifigatur itaq; Iesus crucifigatur, quo populo huic adstanti satisfiat, imperium Romanum sartum tectumq; conservetur, Herodis familiaritas obtineatur, & deniq; à nobis tibi gratia, qualiscunq; ea etiam esse possit, referatur.

PONT.

## PONT. PILATUS

**P**ersentisco ex hac tua oratione, Caipha, te accusationem tuam certioribus argumentis, ac exquisitioribus rationibus confirmare ac stabilire: Commovet populum, ais, turbatq; pacem communem, docens per universam Iudæam: Herodes ipse hanc potissimum ob causam eū ad necē quæsiit, trucidato Iohanne Baptista, eius præcurfore. Non certè Herodes tanta est dementatus imprudentia, ut quid agat ignoret, nec tanta efferatus sævitia, aut crudelitate, ut condemnet insontem. Ego nihil harum rerum inveni, quarum eum rem agitis. Si autem Herodes cum scelere astrictum, ac facinorosum noverit, agite, vestres viri, sumite ac ducite illum ad Herodem Tetrarcham: commissus eius esto potestati; agat cum ipso, utcunq; velit. Mihi certè justitiam colenti; boni & æqui rationem profitenti; æquum ab iniquo separanti, licitumq; ab illicito discernenti, haud concessum ac licitum est, insontem ad suplicium rapere. Repugnat hoc institutis nostris; Iustitia etiam, vivendi illa ars ac disciplina, huic rei strenuè contradicit: Id enim honeste est vivere, si in eadē ac ex eadē continua vivo, inq; flagitiis execrandis ac abominandis libidinem exerceo? Id neminem lædere, cum innocentem communi luce privo, ac ex viventium tollo numero? Id unicuiq; suum tribuere, cum non tantum alicujus absorbeo bona, verum & vitam ipsam rapio? Id solium ac tribunal justitiæ decorare, cum omnibus justitiæ legibus posthabitis, ad arbitrium iniquum, controversias iniquè revoco? Res est prorsus ardua ac difficilis, qua nihil omnino existit periculosius, de sanguine hominum judicare. Nihil gravius, ac molestius, quam administrare Iustitiam: Ubi ante omnia in id unitè incūbendum videtur, ut vim atq; inju-

injuriam propulsemus, neque aliter judicemus, quam aut legibus aut constitutionibus aut moribus prodictum est; ne nobismet ipsis animæ ac conscientię stimulum, chalybe ac ferro duriores, aut aspidum morfu nocentiores injiciamus. Caterum ut efferus ac dirus habetur, qui justitię leges ferox conculcat, ita pavi ratione, si jus ex hominum tolleretur societate,

*Vinceret immanes barbara vita feras.*

Quare nostrum est, cum propter nos ipsos, tum propter reliqua nostrę civitatis præclara facinora, operam dare, ut ostendamus ac contestemur omnibus hominibus, nos & antea, & nunc, imo semper fuisse, ac esse, Juris & æqui studiosos. Recte semper judicare par est & *Ευροπικῶν* illam æquitatis amantissimam plurimi facere, quæ omnes & urbes, & Regiones conservat, simulq; inexorabilem venerandamq; justitiā colere, quam Orpheus is, qui sacratissimas ceremonias nobis tradidit, juxta Jovis summi DEI solium assidere, & omnium hominum facta cernere dixit. Non parum autem me jam stimulat dolor, quod festum hoc vestrum Paschale, viri Judæi, tanta statim obtruatur difficultate, ac publica vestrarum omnium læticia tristiori funestetur materia, vosq; ipsi hominis innocentissimi necem adeo pertinaciter expectetis ac postuletis. At novi ingenij vestrę pertinaciam quavis cote duriores: Novi animi vestri inconstantiam. Non enim cælum magis varium, non fretum vel Euripus magis incertus, non ventus instabilior unquam vobis extitit: Semper enim animus vester novis studet rebus; Quem paulò antè ut Regem salutastis, (quam tamen dignitatem haud voluit recipere) nunc mihi victum & crucifigendum traditis. O hominum perversitas, ô mortaliū iniquitas;

*Vieta jacet pietas, & virgo cade madentes*

*Ultima caelestium terras Astræa reliquit.*

K

Desisti-



Desistite igitur, viri Israelitæ, ab ejusmodi flagitiis: Desistite, inquam, ab omni injuria, ac mementote sæpius in inferentem eam redandare.

*Circumvertit enim vis atq; injuria quemq;*

*Atq; unde exorta est, ad eum plerumq; revertit.*

Expectandum vobis semper est, si quid malè feceritis, vos quoq; malum aliquod passuros esse. Sæpe enim in magistrum scelera redierunt sua. Rejicite itaq; atrocia consilia, vobismetipsis nocentissima: fugite motus, qui in imperium Romanum, nisi cavetis, redundabunt. Id agite ut redux Justitia, virtutum omnium mater ac Regina, in hisce vestris provincijs sanctiori colatur devotione. Virum itaq; piissimum Jesum Nazarenum dimittite, ac veræ æquitatis vos esse studiosos declarate: Nolite hujus sanguine jam ante turbatam gravare conscientiam.

### PHARISÆUS

*Primus.*

**R**ex Serenissimus & Potentissimus HERODES, te, Inclite Præses Pilate, suo nomine plurimū salvere jubet, ac tibi omnia fausta & læta precatur: Jesum verò sibi transmissum ad te remittit, ac simul annunciat, magna voluptate & gaudio animum suum fuisse perfusū, ac incredibili quodā lætitiæ æstro pectus suum percitum, quod hunc hominem, cujus videndi diuturna cupiditate hætenus fuisset detentus, quiq; suis præstigijs, mortuos resuscitando, cæcis visū restituendo, surdis aures recludendo per omnes terræ plagas inclaruisset, cernendi sibi copia data fuisset. In simul annunciat, Jesum, omnia Pythagorico silentio involvisse, & ad illa, quæ ei obiecisset, nullum omnino verbum respondiisse. Tuæ igitur voluntati, Spectatissime Præses, omnia voluit committere, ut secundum le-

*gum*

gum vigorem & tenorē rem dirigas, & vel infontem judicio absolvas, vel nocentem supplicio afficias digno. Tu ergo, Dignissime Præses Pilate, cum jam non sit lenitati locus, sed severitatem res ipsa flagitet, huic homini, qui non solum contemtor legū nostrarum est, sed & cum maximo & publico scandalo conjunctam vitam agit, poenam infligito debitam. Age, præbe te virum, & secundum Justitiæ regulas, & præscriptum jus, quod nec in flecti gratiâ, neq; infringi potentiâ, neq; adulterari pecuniâ debet, atrocissimum & nefandum scelus punito. Nisi enim hoc malum exstinxeris, ac Jesum hunc, pestem nobis nefariè molientem, templumque nostrum splendidissimum destructurum ad ultimum suppliciū rapueris, jam perniciēs à monstro illo ac prodigio moenibus ipsis intra moenia parabitur: Nisi inquam acriter in illum animadverteris, sed mitiores poenas in tantum Legum nostrarum constitueris, exitiolam cladem nobis ipse inferes,

## PHARISÆUS

*Tertius.*

**V**erba desunt, Præses Inclite, nec se animus explicare potest, ingenti horrore circumfusus ac debilitatus, quod tanta scelera in Deum commissa sint impune, & Justitia omnium Domina & Regina virtutum posthabeatur. Nonne detestandum, quin & deplorandum, quod virtutum mater funditus ex confessibus perit publicis? Hæc enim ōnis felicitatis fons est & origo, à qua in ōne hominum Genus leges & jura manarunt, quæ benefactis honores & præmia, malefactis ignominias & supplicia proponit, studia honorum excitat, malorum improbitatē coercet; qua sublata non domus ulla, non civitas, nō ipsa deniq; universitas stare ac tueri se punctum temporis potest.

test. Tolle ex urbe ignem & maxima oriuntur mala; sic  
tolle iustitiam, ac omnia perdit esse deprehendes, omnia  
mala, omnia dāna videbis: introducta, multos in omnem  
perniciem præcipitatos cernes. Iustitiam ergo ad cælum  
usq; evehendam esse & ut omnes virtutes in se continet,  
ita salutem, incolumitatem, bona deniq; omnia in se com-  
plecti, omnes uno ore mecum affirmabitis, tu imprimis,  
Ponti Pilate, à quo jam sum opere petimus, quoniam spes  
opesq; nostræ omnes in te sitæ sunt, ut cum Herodes, suū  
officium propter silentiū Jesu non fecerit, tu tuū ne inter-  
mittas. Missus enim es à Romanis, ut iudicium exerceas, ut  
delicta punias & blasphemis sceleratisq; mortis supplici-  
um inferas. Cur ergo renues, capitali animadversione pu-  
nire, quem omnes poena dignum existimamus? Cur non  
vi in Jesum, quem falso nominant Messiam, invadis? Pro-  
**pera.** Quid cessas? Omnia consilia in imperiis ac iudicijs  
constituta debent, ut, quoad fieri possit, honestas nullibi  
negligatur, virtus excolatur, infamia & labe omnis repel-  
latur, blasphemii eliminentur. Quod si curatur, Respubl:  
optimo rerum successu fruitur; Prudentiæ leges, quæ do-  
cent eautē omnia declinare mala, observabuntur; Iustitiæ  
coletur, quæ vera seligere, falsa devitare, bona gratis exhi-  
bere, malos supplicijs meritis afficere jubet; Omnes deni-  
que virtutes, qui vitiosi animi desideria castigant, apud  
nos in maximo erunt pretio, turpes cogitationes remove-  
buntur, totaq; mens ab omni semper tempestate vitiorum  
defendetur. Christus ergo meritis ut afficiatur poenis  
iustum iudico: Huic enim parcendum esse ne tibi persua-  
deas, Præses. Officio tuo strenue fungere; nulla enim mi-  
sericordia; nulla condolentiā esse dignum arbitror, qui  
facinore stupendo & ab omni humanitate remoto, Deum  
se ausus est nuncupare. Hunc enim si extremo supplicio  
subtra-



subtraheres, vel ipsa iustitia & æquitas clarissima hac voce  
te inclamaret? Iudex, quid agis? quid cogitas? quid sentis?  
quid dicis? quid pronuncias? lancem meam itane dirigis?  
itane normam meam flectis? Itane æquitatis amissim in-  
telligis? hoc tibi leges? hoc tibi decreta? hoc tibi sententiæ  
meæ, loquuntur? hoc sentiunt? hoc innuunt? ut hominē  
tam blasphemum, tam contumacem nullis poenis afficias;  
Nec ulterius miracula, quæ fecisse dicitur, respice. Hæc enim  
non ex se sed ab alio, nescio quo, cacodæmone, certè à Be-  
elzebub eum edoctum scias. Quare perge, præses iustissi-  
me, perge inquam & hunc virum pessimum è vita, omni  
procul misericordia remota, tolle. Nam quid quæso le-  
gibus magis consentaneum, quàm ejusmodi homines ma-  
leficos & leves poenis atrocibus afficere, eosq; supplicijs  
exquisitissimis mactare? Dubitas adhuc, eum pacis con-  
turbatorem esse? dubitas abhuc eum, ut morte puniatur  
dignum esse? dubitas abhuc, an justè interficiatur? Nemi-  
nem sane ego rerum judico tam ignarum, tam rudem,  
tamq; insipientem, qui mecum nō statuat, quod qui Deo,  
qui majoribus, qui legibus, qui ipsi Cælo nuncium misit,  
indignus etiam sit, qui hac interra vitā inter homines colat.  
Hæc enim est non scripta, sed nata lex, quam non didici-  
mus, accepimus, legimus, verum ex naturā ipsā arripuim⁹,  
hausimus, expressimus; ad quam non docti, sed facti, non  
instituti, sed imbuti sumus, ut in Deum, & naturam contu-  
meliosi à medio tollantur. Nec enim justius quiequam  
est, & rationi nostræ magis consonum, quam tollere eum,  
qui verbis, & operibus negat æternum Deum. Sed quid  
ego plura de illius in Deum maledictis, aut de aliis scelera-  
tè factis, cujus manifestè cognita est improbitas? Qua-  
propter, tolle Jesum, Pōti Pilate; tolle & crucifige Naza-  
renum, si vis Deo gratum præstare officium, Exemplum.

statue in homine lucis usura indigno, ut alij hinc emenda-  
ti, leges firmitus observent, & Deum ardentius venerentur:  
Quod si feceris, summis laudibus ad Cœlum usq; evehe-  
ris, & alij poena deterriti à simili maleficio deterrebuntur,

*PONT. PILATUS.*

**M**Agnum certè, viri Israelitæ, & abominandum  
est vitium injuria, cujus modus est nullus. Nun-  
quam requiescit: semper in præceps progredi-  
tur, nec nisi exitio suo desinit: tantum porro  
malum est, ut injuriâ affici præstet, quam inferre illam.  
Hoc namq; animo; illud detrimentum pecuniis parit, &  
si ulterius progreditur, bonæ famæ. Et si autem durum  
& Sardois herbis acerbius est, perferre injuriam ac tole-  
rare, ut scitè ac prudenter Chilo interrogatus interro-  
ganti, quid difficile maximè sit, responderit: Arcana re-  
ticere; otium rectè dispensare; injuriasq; tolerare posse:  
magni tamen animi est, ad injurias aliorum immoto per-  
stare animo. Quod quidem fecisse Jesum Nazarenum  
præprimis deprehendo. Omnes enim vestras accusatio-  
nes, ut ut iniquos æquo animo perferebat, in memoriam  
fortè illud tritum sibi revocans; Regium est, cum bene-  
facias, malè audire. Vobis quidem adhuc restare vide-  
batur Herodis nomen: quo quasi in portum rejecti, à  
cæteris suspicionibus confugere possetis. Sed apud il-  
lum eiusmodi scopulum offendistis, ut non modo ab isto  
crimen resilire videatis, verum omnem etiam injustitiæ  
suspicionem in vosmet ipsos recidere. Detulistis enim  
mihi hunc hominem, quasi avertentem populum: & ec-  
ce nullam mortis causam invenio in isto: sed neq; Hero-  
des, quem vestræ iniquitatis promotorem ac defenso-  
rem credebatis, sub cujus ditione natus & conversatus  
est,

est, & cui plus juris est in hunc virum quam mihi, nihil morte dignum in ipso deprehendit. Quare insontem dimittam. Cum verò legi vestræ, divinitus (ut dicitis) traditæ, contradicere, vestramq; doctrinam aliquo modo sugillare ausus fuerit; fustigationibus plectetur, & ita emendatus dimittetur. Porro cum in more positum sit, ut festo Paschatos captivus dimittatur, utrum dimittam cupitis? Barrabamne liberari vultis, latronem crudelissimum, pacis publicæ turbatorem, hominē undiq; gladiis & sagittis cinctum, vultu necem spirantem, minas voce frendentem, paratum & expeditum ad vim ipso momento vel inferendam, vel depellendam; virum Perillis tauro, Busiridis ara, ac Diomedis equis dignissimū, cui deniq; Vulcanus, Sol, Luna, Dies, Dij quatuor, scelestiorem nullum illuxere alterum? an verò Jesum Nazarenum, virum placidissimū, qui cæcis oculos aperuit, mutis usum linguæ reddidit; surdos audire iussit; mortuos ex inferis vocavit, vobisq; omnibus salutem, peccatorum remissionem & perennem vitam pollicetur?

#### CHORUS.

Barrabam: Barrabam: Barrabam.

#### HANNAS.

**C**ogitationes istæ de Jesu, in puncto Calumniæ accusato, dānando animis populi ita in federunt, ut nec Herculis clavā eijs; ita inhæserunt, ut nec Aesculapij pharmaco evelli, ita deniq; confirmarunt eos, ut nec Moly, herbā illā, quā Ulyssis socij è porcis in homines sunt conversi, expelli possint. Hic verò illud nobis accedit in commodi, quod Romani, imperio nostro omni sibi vindicato, potestatem capitalis supplicij inferendi nobis ademerint. Ne tamen varijs hominum corruptelis no-



lis nostra hæc Politia labefactetur, & turpissimum Hæretici & Calamniatoris hujus venenum in venas vulgi rapiat: agedum, Præses inclite, secundum legem nostram per te, cui nobis adempta potestas commendata est, damnetur & judicetur Jesus ille, cujus pectus tanto impudentiæ callo obduruit, quem quæ tanta superbiæ prurigo palpat, ut blasphemus & durissimo ore se Filium Dei dicere non erubuerit. Non tantum injuriosus fuit inhumana, sed & divina præcepta & instituta. Ergone pateremur hunc virum suum ubi vis gentium amplius spargere, quem Divina cruciandum serio præcipit vox & voluntas? Hoc non esset hæreses novas contemnere, sed in delicijs habere; non extirpare, sed instaurare; non abolendas, sed propagandas putare. O absit absit (inquam) hoc signum ætatis certissimum, indicium levitatis evidentissimum, argumentum inconstantiae uberrimum! Ad extremos Garamantas & Indos ablegetur isthæc legum violatio. Damnetur lege, quæ etiamnum nobis suppetit, blasphemus iste Homunculus. Verbo dicam, præses potentissime, tuâ testor conscientiam, ne quid hæc in re exequendâ gratiæ ergo intermittas, neve fasciatus & dementatus à Reo videaris.

### PONT. PILATUS.

**N**on certè satis demirari queo animum vestrum Judæi, excetra pertinaciorem: Turpe autem est, & me Romanisq; viris indignum, ordinem æquitatis vestri causâ deferere, quem majores nobis tradiderunt. Vos deplorandam impietatem omni integumento remoto in apricum protulistis, & Barrabam hominem sceleratissimum, homicidam, seditiosum, & famosum suis criminibus, quiq; in seditione Hyerosolimis coorta, eadem non unam patravit, hunc inquam vi-  
rum

rum sceleris nefandis coopertum, pessimisq; flagitiis notatissimum, ac insignem maleficum liberari vultis; Jesum verò innoxium damnari. Quid autem faciam cum viro justissimo, ac intra tranquillitatis limites sese continenti.

CHORUS.

Crucifige; Crucifige;

PONT. PILATUS.

**C**Um igitur improbis clamoribus me ita defatigaveritis, damnatus esto: Traditus sit vestræ libidini: crucifigitor: Ducitote illum: Ego verò innocens sum à sanguine hujus justi. **DECRETUM EST.** Sed pro Deum atq; hominum fidem! Agnosco viri damnati innocentiam & eius statum, vitam, mores, miracula, accuratori rationis lance pervolvens ac ruminans, innoxium deprehendo: Omnia enim Phariseorum ac Scribarum testimonia, non tam ipsius innocentiae detrahebant, quam eam insuper cumulabant: quoq; magis accusando instabant, eo minus contristabatur: me etiam ipsum, quare se non defenderet, quærentem, nec verbo dignatus est, sed diuturno suo silentio magis magisque contestabatur innocentiam, & silendo tanquam manifestissimo indicio, sese excusabat: juxta illud Poëtæ:

*Loquitur taciturnus satis animus innocentis;*

*Excusatio maxima fit pudor silentis;*

Haud certe satis mirari possum tantam in viro animi magnitudinem: Adeo enim constanter suæ adhæsit sententiæ, ut mori mallet, quam ab eadem dimoveri. Ab omni criminis culpa vacuū fuisse, in propatulo est: Neq; enim ego, neq; Herodes ipse quicquam morte dignum deprehendimus. Huc etiam accedit conjugis meæ som-

nitum, expressum eius innocentiae testimonium, nec omnino à sapiente rejiciendum, juxta illud:

*Nec tu sperne piii venientia somnia portis:*

*Quum pia venerunt somnia, pondus habent.*

Cum autem hæc Jesum Nazarenum meo jussu flagellari, contumeliis affici, & tandem cruci addici, intelligeret, misso ad me ministro, missum facere Jesum justissimum virum jussit, cujus causa anxiam & inquietam noctem habuisset. Obstupui, steteruntq; comæ, vox faucibus hæsit. Sed ô execranda ac detestanda Judæorum malitia! O terstra illa monstra, quorum vitam indignissimam, factumq; deplorandum orbis fere universus execratur ac damnat! O scelus inauditum! O facinus atrocissimum! In aliis commiseratio erga insontes magnam vim habet, magnam necessitatem sibi vendicat, magnam religionem possidet: in hoc vero monstro, (populo inquam Judæico) nulla est humanitatis scintillula, nulla dilectionis & amoris flammula, nullum naturæ incendium: nihil illi sanguinis valet communio, quæ ipsorum pectora ad misericordiam flectere posset. Etenim hominem, istum ex Davidis ipsorum Regis olim diviniissimi stemmate oriundum, vel innocentem morte acerbissima excruciant. Væ autem mihi, & iterum væ mihi misero, qui in hanc ipsorum malitiam consensi, ipsumq; eorum commisi potestati. O utinam uxoris monita secutus fuisset, quæ tunc pro commento muliebri habui. Nunc quò me vertam nescio, aut cujus potissimum auxilium implorem. Mortaliumne, & vana illa sunt, nec inquietam meam possunt sedare ac sanare conscientiam. Quò me itaq; conferam? ad Deosne? Minimè: irati enim infestiq; & illi sunt. Perij ego hercle. O Jupiter, ô Apollo subvenite quæso mihi atq; me adjuvate! ingens scelus & flagitium à me patratum



tum atq; commissum est. Malum etenim est injustè agere : Sed injustam ferre sententiam longè adhuc deterius est: Illud enim spes auxilij relinquit ab eius misericordia, qui injuria est affectus: Hoc vero hanc ipsam spes aufert, injustumq; facto corroborat. Quare semper mihi magnum erit metuendum malum : & vereor, ne quid grave ac asperum in me statuunt Dij, qui iniquam in divinum hominem tuli sententiam. Iterum iterumq; vix mihi ! Alios ut injuriam fugiant monui ; ipse autem intuli. Sed quid excrucior ? Nihil proprio nisu à me patratum est ; & quicquid egi, coactus ac necessitate impulsus feci. Metuenda enim mihi semper fuit populi seditio, Caesarisq; odium. Absit autem à me, ut ipse seditiosus sim, qui turbatores populi coercere debeo. Neq; etiam leve quid, Imperatoris amittere gratiam : Hinc sedulo ea omnia mihi præcavenda erant, ne universæ Romanæ Reip. salus periclitaretur, & defectionem molirentur Judæi. Quicquid rei sit, ego commisi consentiendo, quod nunquam eluet vel continua animi hujus poenitudo.

### MILES,

**I**Rascor me hercule, doleo, miseror Iesum, omnis humanitatis plenum tam crudeliter intus ad ludibrium expositum ignominiosum, flagellis scissum, coccineâ chlamyde circumdatum, spinis aculeatissimis coronatum, arundine ludicrâ donatum, facinorosissime adoratum, sputorum sorditie devenustatum, quem tamen non actæ turpitudine vitæ, non depravatæ ætatis malitia, sed invidia, sed furor malevolorum opprimere conatur. Quæ omnia si considero, non possum non facere, etsi nos milites ad lacrymas haut sumus proni, quin ipse lacrymas fundam, atq; condolentiæ ergo questus ponam. Prætorium

inductus Jesus accusationibus læcessitur falsis. Ligatis pedibus manibusq; flagris corpus innocuum vulneratur: Tunduntur terga ejus crebris ictibus: Flagris incedens tardius castigatur: Loris jam debilitatus, viribus ac sanguine exhaustus impellitur, laceratur, ac subinde cespitans atq; deficiens conculcatur. O crudelitatem in flagellando! ô scelerum furorem in castigando! Quis credisset Regis istius, uti se vocat, spiritualis, qui tot miraculis tam stupendis tam divinis paulo ante eminuit, corpus plus quàm cruentè scindi? Quis putasset crura ejus innecti laqueo, nodoq; astringi plantas atq; rudenti ligari? Nonne nefandum vobis videtur facinus, quod corpus illud pulcherrimum cœno, sordibus, doloribus, vulneribus ac cruciatibus obijciatur? Hoccine est regium dominium, si furiosi hostes membra carpunt? Videte jam Thaumaturgum hominem flagris concisum: Conspicite sæva plagarum feritate dilaniatum. In dirâ hac laceratione non flere belluium esset: In tantâ tamq; ingenti ac contumeliosâ flagellorû atrocitate lacrymas, sistere, à rupibus, non ab homine sperari posset: Horret meminisse animus, & dicere formidat Oratio, qua ratione Prætor, cum taceret JESUS ad accusationem Judæorum, fervore iræ correptus in hæc prorupit verba: si tanta, inquit, callum pectoris prædurat obstinatio, nec me dignaris verbo, jam plagas mille geres, morti ipse tradendus, & si minus volueris, per ônes artus lacerandus ruptam minutis punctis auferas cutem. Ad hæc cum miser responsum dedisset, seq; Dei filium vocasset, licetor corpori inhians pio, viscera mox dilacerat sobria. Innoxium omnes adstantes percutiunt, quibus ille innocens prosternit corpus, nec faciem ab increpantibus se divertit. Verum truculentissimi Judæi ne hoc quidē contenti supplicio sunt, omnino abolitam volunt ejus

memo-

memoriam, qui innocens est, & nihil in se habet neq;  
criminofum neq; iniquum, nisi ad verfariorum odio invidi-  
diq; confictum. Grande fanè mundo fpectaculū, quod à  
fervis Princeps ac vindex, uti fatetur, libertatis fervilibus  
modis concidatur; Judex eum flagris adjudicavit, fed  
innocentem; cum alioquin Judæos tantā invidiā in Chri-  
ftū debachantes nullā Eloquentiā, nullis blanditiis cohi-  
bere poffet. Proinde ut majus periculum evitaret, pro-  
nuntiavit Chriftum flagellis effe cādendum, fi forte hoc  
fupplicio exfatiati mentis fuæ furorem remitterent. In  
ipfā flagellatione denudatur corpus Jefu tenerrimum;  
poftea alligatur ad columnā, laceraturq; undiq;. Omnia  
ille patienter tulit, & ne verbo quidem patientiæ leges  
transiit. Cum in ipfo à plantā pedis usq; ad verticem ca-  
pitis non effet fanitas, taciturnitate omnia fuppreffit. O  
infignem hominis patientiam! Inftar viliffimæ aquæ fan-  
guis effunditur eius, & tam prodige fufus mihi perpetuo  
verfatur ante oculos. O tolerantiam! Vulnere eum te-  
nent ab hoftili manu & ferro data, & nihil præter livores  
videntur, & fragmina verius, quam cutis. O constantiam!  
Tot repetitis vicibus iterati furores, crimina crimini-  
bus, flagella flagellis innectunt. O fufinentiā! Magnum  
quidem constantiæ ac patientiæ exemplum mihi nuper  
Judæus narravit in Jobo, quem Cacodæmon frustra ten-  
taverat, cum nec damnis, nec ullius ruinæ amiffionibus,  
nec corporis confiftationibus fuccideret, & immun-  
dam ulcerum redundantiam magnā æquitate diftinge-  
ret, foleo fterquilinio fuo dives, omnium tentationum ja-  
culis loricā elypeoq; patientiæ retulis. Poft quæ tamen  
& corporis à Deo integritatem recuperavit, & quæ ami-  
fit, reduplicata poffedit. Eodem modo victus Jefus, mul-  
tisq; concifus modis patienter omnia tulit. Ad finem  
jam



jam perductis flagellationibus, vix homini similis visus  
est Iesus. Chlamyde coccinea & arundine oppugnatus  
eius innocentia, illudatur eius simplicitas amictu versi-  
colori, mendacijs & fraudibus opprimitur veritas. Ca-  
lones ac servi innocenti insultant. A lictoribus ac fa-  
ce nebulonum vir divinus exagitur, cuius quis sa-  
tis exprimet dolorem? Vide spectaculum à seculo  
non visum, nec auditum. Nisi ipse vidissem, cui cre-  
derem? Miserabili & contempto habitu producit in-  
nocens Iesus: Quis non condoleat? Spoliat eum mili-  
tum cohors nefanda, ut contemptus abjectusq; à cœtu  
iridentium habeatur, probrisq; & salibus exponatur.  
Quis non moveatur? Mimi instar attrita toga circumda-  
tur, nec flagellorū acerbitas nec vinculorum duritas suf-  
ficit, sed contemptui etiam traditur eorum. Non pos-  
sum jam mihi hoc loco temperare, quin ludæorum re-  
prehendam levitatem. Qui iis antea tot beneficia exhi-  
buerat, eum jam despiciunt, contemnunt, rident. Ah  
inauditam ingratitudinem! Qui se protectorem salutis  
omnium dicit, is à se amatis contemnitur. Non sal-  
tem undiq; adstant crudelitatis administri, qui ferreis pi-  
stillis eum contundunt, carnem lacerant, corpus univer-  
sum frangunt. Sed & sarcasticè jocando contumelias  
in Christum effundunt. Attamen eum nec periculi tem-  
pestas, nec facetiarū aura, nec contemptus, nec metus po-  
tuit frangere. Et quicquid est, unde desperatio nasci pos-  
sit, id in eius animo nihil habet loci. Coronā spineā in-  
datur, non ex aureis filis sericoq; fulgente, nō varijs flo-  
ribus, non multicolore, non bysso tenui prætexta, non  
croceo flore lutea, non roseo rubore flammida, sed acule-  
ata spinis. Hac quia se publicè regē vocasset, publicè or-  
natus est. Regni huius mundani coronæ partim sunt fer-  
rea

rea, partim argentea, partim aurea, quibus significatur  
regnum hoc constare splendore ac nobilitate: Sertum vero  
Christi spinis & afflictionibus constat. Coronam non ornatus  
aurea incedit, verum spinea. Ex capite eructat unde quaque  
stigmata undam ferventis sanguinis, inque terga fundit va-  
porum cruentorum flumen atque late afluant. Quae cautes hoc  
perpeti spectaculum? Quis ferre possit, quoties capiti coro-  
na aculeata impacta est ac impressa? Non fulmine tactos,  
qui Dominum suum tam spinose coronarunt, mirum est. O  
amore! O ardorem! Quid dicam? Vae male feriatum populum  
& cordibus oblitis beneficiorum! Haecine ei gratia repen-  
ditur, cuius omnes curae, cogitationes, vigiliae in utilitate  
vestrae defixa erant, ut eum hoc coronam donetis? Huncine  
Regium verticem ita coronatis, ut spinas intexere audeatis  
capiti? Quae haec est species hominis? Caput quaro, & ni-  
hil praeter horridas spinas reperio, & stantis jam ac emor-  
tui sanguinis digitales grumas. Ubi coma capitis? Cada-  
veroso sanguine implexas video. Edifferetis mihi, quaso,  
& dicatis velim, quid rei, quid causae sit, quod tam gravibus  
insectemini eum bellis? Vel quas eius continetis offensas,  
ut ad eius nominis mentionem rabidorum pectorum efferve-  
scatis ardoribus? Nunquid regiam sibi vendicans potestatem  
terrarum orbem legionibus infestissimis occupavit, & natio-  
nes sibi quasdam cervicibus subiecit subjugatis? Nunquid  
ardoribus avaritiae flagrans, universas opes illas, quibus ge-  
nus humanum studiosum contendit impleri, possessionis suae  
mancipio vendicavit? Nunquid libidinum cupiditatibus  
gestiens pudicitiae repagula fregit, aut alienis furtim in-  
sidiatus est matrimoniis? Nunquid arrogantiae supercilio tu-  
midus injurias ac contumelias vobis irrogavit? Nihil horum  
patrasse hominem sanctum scio! Et vos tamen Judaei convelle-  
re, dilacerare, si possitis, vultis Jesum, imo, si liceat, belluarum  
agrestium ritu cruetis oribus maderere, comminutis eum ossibus  
devo-

devorare. Non satis erant immitia & qualia nulla re-  
tro secula viderunt flagra, nisi & spurcum blasphemiae  
spiritum sacrilego ore evomeretis, caputq; spinis redi-  
mitum odio persequeremini extremo, Cujus capiti de-  
bebat aurea magni ponderis corona, admirabili opere  
perfecta, multis ingentis pretij gemmis unionibusq; col-  
lucens imponi, ille spinis devenustatur & vulneratur.  
Cui sertum aureum, laureum, nobilissimumq; debebat  
dari, ei in contemptum multitudo spinarum infigitur,  
Sed ille patiens omnia sustinet: nec sui immemor est,  
cum omnium furor adeo exarsit, ut eum post tot verbe-  
ra, vexationes, ludibria calumniis convitiisq; lacerarent,  
mendaciq; atq; venenata lingua falsisq; accusationibus  
innocentem, fortunis omnibus exutum, opprobriis affice-  
rent. Veste enim joocularia amictus & coronam redimitus  
ludicram, vario scommatum genere illuditur, & vepres pro  
coronam, pro sceptro regali arundo ei donatur, perq; lu-  
dibrium tanquam regi genua flectunt, eum salutant, atq;  
fucata adoratione colunt, verbera verberibus cumulant,  
sputa in oculos jaciunt, calumniisq; dominum lancinant.  
Hæc scilicet est gratia, quam Domino & Magistro suo in-  
grati rependunt Iudæi. Hos ille sapientiam variis con-  
cionibus docuerat: Cæcis eorum visum, surdis aurium  
usum, mutis loquelam, mortuis vitam restituerat. Sed  
sceleratissimi homines benefactoris sui vitæ ac saluti in-  
vident. Mihi equidem hæc tanta maleficia displicent,  
& nescio quo stimulatus genio huc processit, ut quam non  
probem sodalium meorum in Iesu exagitando, flagel-  
lando, vulnerando improbitatem, procul ab ipsis remo-  
tus testarar. Parum abest, quin me afflictissimi Ie-  
su confitear discipulum. Sed comprimenda lingua est.  
Præses exit, cui ipsi admodum importunitas Iudæorum  
displicuit.

IOHAN.



## JOHANNES.

**V**Ah, quàm impie, quàm scelerate, quàm flagitiose Magister ac Doctor noster ab impijs Judæis est ad mortem damnatus, ad supplicij locum eductus, in crucem actus! Quamprimum enim ingentem in urbe tumultum excitari cognovi, præsenſi, quid futurum eſſet. Et ex latibulo prodiēs, Dominum meum, Magiſtrum meum, Mundi Servatorem, Meſſiam populi, video nodosis vinculis conſtrictum, & crucem, ad quam condemnatus fuit, lignum ſane grande & plus quam decumanum, humeris undiq; laceratis portantem. Quanquam autem ſtatim animus præ ingente dolore me deſtituit, collegi me tamen, ultimò ſpectaturus Dominum: qui nullum jam ulterius præ ſe ferens dolorem, alios ſolabatur, ſeſe ſequētes, & ad conſtantiam hortabatur. Ventum eſt ad Golgatha: Ibi ſcleratiſſimi latrones ſanctiſſimum Domini corpus humi proſtratum extendebant: claviſq; trabalibus manus pedesq; transfixos ad ſtipitem affigebant: inter medios latrones, homines ſcleratiſſimos erectum Chriſtum ſtatuebant. Ille non ſui, ſed aliorum memor, pro illis iſſis, à quibus crucifigebatur, preces ad patrem cœleſtem fudit: Et Pater, ait, Remitte illis: Quid enim faciant, & quantum ſcelus committant, iſſi ignorant. Deinde cum ab altero latrone ludibrio haberetur, ab altero, ut ſe æterni regni heredem faceret, rogaretur (inter duos enim ad ſuppliciū damnatos medius cruce affixus pendeſcit) juratus affirmavit, fore, ut ſecum in Paradifo hoc ipſo die deliciaretur. Et mox converſus ad matrem virginem Mariam, mihi eam tanquā ultima voluntatis diſpoſitione commendavit: Ego verò, dolorem, quem hinc concepi, ulterius non ſuſtinens, hūc me contuli, ut triſtiſſimo ſpectaculo oculos ulterius & ani-

M

mum ne

mum ne laderem: præsertim, cum se scire diceret, nec ta-  
men nisi fel & acetum ex inclementi Judæorum & Judai-  
corum militum manu acciperet.

### LAMENTATIO IN CRUCE.

Eli, Eli, Lama Sabachthani.

### IOHANNES.

**E**T audi ingentem Magistri clamorem. Conqueritur,  
quod desertus sit à Deo. Et si filius desertus est, quid  
mihi, quid reliquis expectem? Apage te hinc, Johannes,  
Terra contremiscit: coelum nigro velamine præ luctu regi-  
tur: Sol radios ulterius impio mundo negat. Vale munde  
immunde, Ego quò abeam, nescio, & tamen abeo.

### PETRUS.

**S**I quis eminentiorem locum conscendit & indè cla-  
mat & loquitur, signum est, quod singulare quiddam  
prolaturus est, ut à prætereuntibus vel adstantibus au-  
diatur. Sic etiam Dominus noster, cum locum quoq;  
ascendisset sublimem, & elevatus esset in cruce, quæ facta  
est docentis cathedra, ea elocutus est verba, quæ cum ex al-  
to prolata sint, multa continent singularia, & attentione o-  
mnium dignissima. Consummata autem jam sunt omnia;  
Et hoc ore divino, eum jam jam animam suam Deo patri  
commendaturus esset, protulit. Imò consummata sunt o-  
mnia. Consummata est hostilis tyrannis. Judæi enim ha-  
ctenus varijs in eum sæviesunt modis, vinculis eum astrin-  
xerunt, flagellarunt, spinâ coronârunt, crucifixerunt, divi-  
ferunt vestes, evomuerunt multa convicia, & tandem, ne  
quid deesset, aceto etiam potârunt: Consummata sunt omnia  
vaticinia Prophetarum & Patriarcharum. Jam caput, serpētis  
cōtritum est à semine mulieris. Jam Siloh ipse lavit in vino  
stolam suam, & in sanguine uvæ pallium suum. Jam yieit leo  
de tri-  
de tri-

de tribu Juda. Consummati sunt omnes veteres typi. Uti enim quondam serpens æneus exaltatus est in deserto, ut eius intuitu à morfu & veneno ignitorum serpentum sanarentur Judæi : Sic jam exaltatus est Filius hominis, ut omnis, qui credit in eum, non pereat, sed habeat vitam æternam. Consummata est ipsius passio acerba. Consummatum est eius ministerium & vita in his terris peragenda. Consummata est nostra redemptio. Consummatum est tandem divinum decretum. Tibi itaque, Domine, sit gratia, quod consummaveris hostilem sævitiam, prædictiones, typos, passionem, ministerium, nostram deniq; salutem. Adjuva nos, ut & nos rectè consummemus nostrum curriculum, & tandem perducamur ad consummatum in coelo gaudium, propter consummatum & sanctissimum tuum meritum.

### MARIA.

**S**I jam lacrymarum tepidi imbres ora genasq; uberri-  
mè & indefesso lapsu rigent, si desistant nunquam,  
nec defatigentur in dirumpendis objectis molibus,  
non tamen satis animi mei dolorem, cui jam indul-  
gendum est, contestari valent. Anxietas enim magna pe-  
ctus hoc concurbar, & animus hic meus undique agitatur  
tristitia. O me miseram! ô me infelicem! ô me penitus per-  
ditam, afflictam, atq; infortunatam! Nunc nunc animam  
meam gladius ille penetravit, de quo jam antea Simeon  
mihi vaticinatus est, Domini enim ac unici, sanctissimiq;  
& innocentissimi filii mei abominabile & horredum sup-  
plicium his oculis meis ipsa vidi. Nec ego solum, sed & uni-  
versus populus à longis seculis promissum Messiam amisi-  
mus. Et de quo torrentæq; promissiones factæ sunt, hic jam



occubuit, & a Judæis est crucifixus. Dolor sanè, quò affecta-  
sum, est incredibilis & inexplicabilis. Vulnus animo meo  
infectum nullo unquam medicamine est cōsolidandum.  
Fella hæc sunt & colocynthide amariora. Vah quid cogi-  
tatis stolidi, impii, mentisq; inopes Judæi? Quo quæso jure  
hunc meum Dominum nullius criminis reum Pilato tra-  
didistis interficiendū? quænam causa nos impulit? quid age-  
meruit unquam? Nihil sanè. O impietatem maximam! Mi-  
hi sanè hæc perponderanti meritò defluunt lacrymæ. Nec  
quamvis vellem, sedare fluctus lacrymarum valeo. Hic e-  
nim Dominus meus, verus veri Dei filius, verus ille Messias  
Judæorum, damnatur blasphemiar, judicatur reus mortis;  
percutitur & illuditur, ut nebulo longè omnium scelera-  
tissimus. Vaticinare, inquebant, nobis Christe, quis est qui  
te percussit? Gloriaris te scire futura: jactas te cognoscere  
occulta: quis igitur est qui te percussit? Ecce verò obedi-  
entiam Christi in ferendo tanto dolore! Nam cū tam con-  
tumeliosè irrideretur, & palmis percuteretur, non solum  
non injuriā ultus est, sed ne verbis, imo nec cogitatione  
quidem restitit sese percutientibus. Ite ergo meæ lacrymæ,  
& audaci saltu transilite, & disrumpite objectas moles! Per-  
gite ô lacrymæ, genas torrentibus sulcare, calore purpura-  
re! Secate glaciales oculorum nubes! fluite oculorum meo-  
rum ubera mœstissimo hoc rore distenta! Fundite lacry-  
mas oculi mei, & quas fuderunt, oculi mei, bibant ora la-  
crymas. Magni patris magna proles, sanctissime Jesu, dul-  
cissime fili: Supplicium non tibi, sed sceleratissimis debitū  
passus es. Non exhorrescitis Cœlum, Terra, Maria? & tu tel-  
lus quousq; non subduxisti te? Vidiisti hæc Sol, nec erube-  
scentes retraxisti radios, pudore suffusos? Ludibrio hic ha-  
betur, qui te creavit Deus. Sed quid queror de his? O do-  
lor, quo me rapis? quod statuis mihi rerum enarrandarum  
princi-

principium? quo tendis? O quanta fuit patientia tua, cum  
columnis alligatus flagris turpiter es concisus! Rem incre-  
dibilem! Haftenus flumina, nunc etiam lacrymarum &  
sanguinum deprecor maria, ut tota jam ego fiam lacry-  
ma una, ipsaque adeo hæc mea tristis anima solvatur in la-  
crymas. Parum est aqueas in hoc scelere dare; nisi pro la-  
crymis sanguinem fundant oculi; & si singulæ venæ tan-  
quam singuli oculi in sanguineos profiliant fontes, parum  
dedero. Fundite meæ venæ, factæ jam mihi oculi, quicquid  
abditum later fibris, quicquid reconditum extima tegit  
cutis! & quis nisi amens contineat lacrymas? quis non li-  
quesceret in illas; tanquam nix Sole medio, tanquam cera  
fornacibus, ignibus glaciēs? Et in dira domini mei laceratione  
non flere barbarum est, beluinum est, humanum nō  
est: inq; tanta tamq; ingenti ac contumeliosa flagellorum  
atrocitate ac devisceratione lacrymas sistere, a rupibus, nō  
ab homine sperari potest. Nam quod gravius supplicium  
etiam in ultima barbarie excogitari potest, quam quo in  
Dominum meum sævitum est? Beluæ quidem mansuetu-  
dinis eruditione sapius præventæ obliviscuntur non raro  
feritatis suæ; ita mansuescit sapius Leo, aliàs animal fero-  
cissimum: ita mores bestiam relinquunt. Judæos autem  
nulla prævia Christi mei benignitas, non beneficia collata,  
coeci reluminati, leprosi purgati, mortui vitæ redditi, mul-  
taque alia miracula divina mitigant, non olim profcissum  
mare, siccoq; itinere transmissum, non Ægyptius exercitus  
undarum concordi regressu oppressus, non tot Prophetarum  
oracula, non iter Magorum, non miracula nativitatē,  
non annuntiatio Angelorum, non munera reliqua, effe-  
ram, crudelem, ac immanem Barbariem & Tyrannidem  
frangere potuerunt, quo minus omni verberum feritate  
sævirent in innocentem carnem. Ad quæ non impellis

mortales odium, ut humana mente deposita, ferinam induant beluitatem? Pergite o lacrymæ; quæ mora vos tenet? disrumpite vincula: rigate ora vultumq; madidum. Sed quid profunt hæ lacrymæ? Possuntne molem immensam dolorum levare? Vis cerebri omnis in lacrymas liquet, & udo lumine prægnantes ejaculatur aquas. Nee tamen lacrymarum satis est, licet heres centeni luminis esse velim; nec spiritus Austri pulmones animi flentis animare potest, ut illi sint satis ad gemitus. O scelus nefarium! Si innocens tam sæva plagarum feritate dilaniatur, quid exspectare aut timere debet reus, & sceleribus, variisq; peccatis tanquam montibus rupibusq; oppressus, criminibusq; tanquam Oceano immerfus, & libidinibus tanquam Ætneis montibus inæstuans? Sævitur tam horribiliter in viridi ligno: quid fiet in arido, in arente, in exsuccido? Ite ergo meæ lacrymæ: scelus hoc Judæorum immane omnibus adhibitis nervis deplorate: Nec enim satis fuit blasphemis, verberibus, flagris: in innocentem sævire: sed præterea de spinis coronam plexam imponunt capiti filii mei, Regemq; propudiosis gestibus salutant. Quæ hæc fuit corona, dilecte Jesu? Regiumne Diadema? & tamen Rex es tu. Sed quis Theatri huius vastissimi populus Regem unquam suum coronavit spina? auro & gemmis pretiosis, purpuraq; & sindone Reges cingi solent, non carduis, non diris spinarum spiculis, ut passim sanguinis purpurei rivi in genas, in pectus, in tergum copiosissimo fluxu præcipitentur. Lacrymæ ubi estis? Videtis hæc oculi, & statis? Salite fontes oculorum, prorumpite vos rivi lacrymarum; Alta fundite flumina, repagulis omnibus ingenti tristitiæ meæ magnitudine tanquam ariete revulsis. Sed quid queror de his? majora sustinuit. Crucifixus enim est, & morti traditus. Vidi enim ipsa oculis meis hoc abominabile supplicium, & jam non opto mihi lon-



hi longiorem vitam. Moriar! nam quis prudens sine animo.  
vitam optet? Mortua hic vita mea est. Fundite divite qua  
qua fluxu lacrymas; o nubes densissimæ! Ubi quæram sa  
larem animæ meæ? Ubi desiderium meum inveniam? Dic  
mihi alme pater! Spes enim mea, Fidia mea, gaudium &  
corona gloriæ meæ, amor meus ubi mansit? Deliciæ meæ  
ubi sunt? Auxilium meum tibi est? Pendet in cruce. O me  
infelicem! Perii, Ubi sum? & tu ubi es, spes mea? Languedo:  
ubi est languoris unica medela mei? Quo mihi reseratio  
fasciæ pectoralis, nisi tu amor meus in voles in hoc pectus?  
Languedo, Quid arteriam tentas aut observas animam leni  
to suspirio gravem? tuo solius felici pulsus, animatione tua,  
redit hæc anima. Languedo: & jam frigus obsedit artus.  
Quid admoves ignem? Nullus ignis frigus hoc pellet, nisi  
ignis tuus, quo incalesco solo. Languedo: ubi es, qui solus  
levare languorem potes? Inimica languenti mora, Moriar,  
ut tu, & ultimam emittam animam: sed quis recipiet hanc  
meam animam, cum tu, propter quem emissæ est, haud  
ades. Languedo: & jam jam ultimum spiritum traho: & tu  
abes? Ubi sunt miserationes tuæ? O veni! non enim es mor  
tuus, sed vivis, ut Deus. Veni igitur spes mea perennis: nam  
si morior te absente, quid inscribam monumento? Hoc u  
num, Sine vulnere jaceo, languor condidit, dolor peremit.  
Durum mortis genus! O si generosius, nec tam ingloria  
occumberem morte! Nunc languedo, & sine vulnere mor  
rior: Ignavum mortis genus. Verum ubres, ut vel perimas  
vel reficias? o si veneris! Ego te dimittam, aut elabi patiar?  
ante moriar. Nec te mihi elabi patiar, nec te dimittam. Sed  
si abis, ego te sequar. Duc me tecum: comitabor, quocunq;  
terrarum per dura & mollia, per aspera & lenia, per prærup  
ta & plana. Veni! Propera! Dilecte Jesu. Languedo valde  
ubi es, amor meus? Ubique enim es, meus es: te enim ge  
nui:

nui: quo fugis? Quousq; tandem? permitte te capi: aut tu  
cape me. Beata, si te cœpero! Heu quò raperis mea vita? ô  
mea salus, cur deseris me? Vis me vivere sine te? Morior:  
nam tu, mea vita. Vis lassam trahere animam sine anima?  
tu mea vita, anima tu mea es. Aliam nec volo nec novi.  
Quare si tu mea vita moreris, morior & ego: vivo si vivis,  
Et tamen tu moreris, ut ego vivam. Tollitur nimirum vita  
mea, anima mea, ut ego vivam. Verum quæ mortis tuæ  
causa? Ego illa & reliqui homines. Homines non semel  
mortis rei: & tu moreris. Perpetratores scelerum illi: & tu  
luis, Et tamen nisi tu moreris, moriuntur illi; vivunt, si mo-  
reris. Nobilissime Phoenix, è cujus cinere vita nascitur no-  
bis: qui temetipsum funeras, renovas nos natali sine de-  
cedens atq; succedens iterum Phoenix. Immensus hic amor  
est, nullis circumcinctus terminis, à fine ad finem proten-  
sus, qui animæ suæ umbram, spiritus sui auram, oris sui o-  
peram noluit æterna sepeliri morte. Noluit manuum sua-  
rum operam, ingenii sui curam, afflatus sui animam, libe-  
ralitatis suæ heredem in æternum destituere interitum.  
Voluit proinde mori, ut morte sua nobis immortalitatem,  
qua carebamus, restitueret. Jacebamus in inertī somno,  
donec morte sua nos à somno excitaret. O amor! ô car-  
mors tua! Non viveret homo quispiam, nisi tu ante gustas-  
ses mortem! Sed quis hominum agnoscit? Nemo sanè: &  
hic tamen propter peccata totius mundi flagellatus, cruci-  
fixus, ac mortuus est, ut à morte, diabolo ac inferno redi-  
meret ac liberaret. Vos impii, qui Regem vestrum non a-  
gnovistis, quid fiet de vobis in ignibus æternis? in irrespira-  
bili, inextricabili, inenatabili profundo? Ubi corpora urun-  
tur & durant, erogantur & reparantur. Ubi erit ploratus in  
ævum, ubi erit fletus sempiternus. Heu quam opacus vobis  
& irremeabilis campus! Tortura perpetui doloris ubi est;  
Vermis

Vermis ubi scelerū semper vestra præcordia rodet. Hunc locū omnes jure possidebitis, nec liberatio erit unquam vobis; Balneū ibi vestrum erit in sulfureæ paludis stagno. Mihi autem & omnibus credentibus Crux, Sudor, Lacrymæ, Sanguis, Vincula, Catenæ perdilecti mei in æternum proderunt. Spero enim me levandam onere, amissumq; reparaturam. O pascar & in æternum fruar his deliciis! æternum habitem in sinu tuo, tuq; in meo, jungarq; tibi non dissociando æternum nexu? Tibi confido, tibi vivo, moriorq; tibi, cum ultimū mors vitæ meæ claudit diem.

### CENTURIO.

**V**Ah quam miserabilem tragædiam jam effrenes peregerunt ludæi! O spectaculum miserum atq; acerbum! O magnū atq; intolerandum dolorem!

Quis non exhorresceret, ejularet, atq; clamaret, quod, qui peccatum non novit, inter peccatores medius pendeat? Hujus quis cladem noctis, quis funera fando

*Explicit, aut possit lachrymis æquare dolorem?*

*O miseras hominum mentes, O pectora caca!*

Quis enim non indoleat, si cogitet justum ab injustis, innocentem à nocentibus, sanctum à sceleratissimis, non nisi invidia stimulis, furiis agitatis, odio excæcatis, captum, damnatum, ignominiosa fædæ crucis morte affectum esse? Quis inquam non ex animo contristetur, qui ad mortem sancti hujus viri, quem, uti testatus est, oportet esse verum DEI filium, omnes creaturas contremiscere, confundi, perturbari, nec loco suo consistere videt? Nunc, nunc res ipsa docet, & certa rerum testis experientia ostendit, nos nequaquam à JESU NAZARENO aut deceptos fuisse aut seductos, sed ipsum esse verissimè promissum Messiam, ac filium Dei viventis. Cæcis visum restituere, surdis auditum, mutis linguæ usum, mortuis vi-



tam, quæ demum est, & cuius æge potestas? Id verò non semel fecisse hunc vidimus virum, qui jã mortuus è cruce pendet. Qua de causa pēdere illinc voluerit, equidē ignoro; se verò facilē manibus furioforū subducere potuisse, omninò credo, ut qui omnes, qui gladiis, hastis, fustibus armati à Sacerdotibus, Phariseis, Scribis, & Senioribus missi erant, ad ipsum comprehendendum, ligandum, & è medio tollendum, uno verbo prostraverit, quiq; ut audio, palam, dum comprehendebatur, confessus est, se patrem suum rogare posse, ut vel duodecim angelorum legiones cælitus in subsidium mitteret; Sed nolle se hoc fieri; mori velle; & patris cælestis voluntatē exequi. Et à morte quidē absorptus est, mortuusq; est, si faciē eius aspexeris, tanquā homo ab omnibus spretus, abjectus, damnatus, miserisq; modis laceratus. Si verò, quid ille ipse, qui mortuus est, præstiterit, accuratius perponderabis, non poteris non facere, quin mecum exclames: Verè hic est filius Dei, ad cuius aspectū jam terra & cælum contremiscunt; cuius vicem omnes creaturæ dolent; cuius virtute cœli cōmoventur; Sol in ipso plenilunio deficit. Næ dirum spectaculum! Tellus contremiscit; disrumpuntur petrae; Saxeta ingentia divulsa abyssum ostēdunt; Sepulcra defunctorum adaperiuntur; mortui resurgunt. Ah miser ego, ubinam gentium sum? Si filius Dei patitur, & moritur, quid ego, qui vitam variis sceleribus & iniquitatibus coinquinavi? Miles enim sum, & inter milites Centurio. Memorq; Ovidiani dicti:

*Nulla fides, pietasq; viris, qui castra sequuntur,*  
nihil hactenus me egisse fateor, nisi quod cædibus, rapinis, incendiis, scortationibus actū est. O me miserum! Cui qui exitus manebit, si sanctissimus ita affligitur? Jam scelera mea ob oculos hosce posita me angūt & torquent: tum conscientia mea peccatorū stimulis laesa, inquietissi-

ma est; Sarcina peccatorū & iniquitatū mearū intolerabilis, humeris meis impar, me onerat. O fraus! O facinus! O scelus! turpiter aberravi à via salutis. Et nondum finis: nam ille, qui totū mundū seduxit diabolus, ut Judæi nostri loquuntur, & hic ipse Jesus sapius docuit, ille, qui omnes à Deo creatos in perniciē præcipites egit & deturbavit Satanas, qui scelerū omnium fraudūq; magister & autor est; serpens ille antiquus in me jacula & tela ignita, stygioq; veneno illita conijcit, peccata mea in catalogum redacta mihi ob oculos proponit, & regno Dei me exclusū asserit. Quis me eripiet ex isto mortis periculo? Jam ipsa salus, si vellet, succurrere nō posset. Sed quid dico? Ipsa salus jam extensis brachiis è cruce me prospicit: Et HUC, inquit, RESPICE. Venite omnes, qui laboratis & onerati estis: Ego reficiam vos. Pro nobis enim, ut sapius loquentē audiui, (sed ut tum negligere, quæ audiebā.) Pro nobis enim hæc vulnera, hæc flagra, hanc mortē sustinet. Unde ergo & apud quem quæram remedium, nisi apud te **JESU CRUCIFIXE, SALVATOR MUNDI**, tam gratiosè & me, & omnes, qui pœnitentia ducuntur, aspicientem? Quanta & qualis, ò mundi Salvator, est tua misericordia & clemētia! Tuo aspectu & nutu, tua gratia & merito iterum refocillor, & cor anxium, ne deficiat, confirmatur. Tu me erigis, & signa tuæ misericordiæ & clemētiæ mihi exhibes præsentissima. Considera, ò anima mea, oculos ipsius auro candidiores, qui cor meū silice rigidius & durius emolliunt & sibi adherere faciunt. Intuere vulnera, quibus ego dignus essem, sed quæ sibi propter me infligi passus est. Ecce mortuū Deum pro mortali homine! Ecce, ut reconciliemur patri per filium, qui à patre defeceramus per peccatū, justum pro injustis cruci affixū, & è latere hastæ impiæ confosso aquam & sanguinē, nescio cujus mysterij indicia, emittentē! Omnes semper peccatores

ad se recepit, nec me reiſciat. Mariā Magdalenā, Zachari-  
um Publicanū, alios, non fastidiit. Nec me ſcio contem-  
net. Propenſus eiꝯ erga homines animus ſatis patet, &  
ut magis pateret, cor ſibi aperiri paſſus eſt. Qui ergo me  
deſtitueret ſolum, qui me à ſe repudiaret, quem peccato-  
rum omniū pānitet, & qui ad Deū ſincero pectore con-  
fugio? Tu, ò Deus meus, uti condoluisti doloribus Ma-  
riæ Magdalenæ ante pedes tuos lachrymarū flumina pro-  
fundentis, ita quoq; miſerere mei. Adjumentum mihi in  
hoc malo ſubmiſtra, & peccatorū meorū ne memineris.  
Abſconde illa in ſanctis tuis vulneribus: ſanctiſſimāq; il-  
la ſanguinis unda, quæ è pectore tuo profluxit, culpas me-  
as elue. A te omnia bona permanant: tu es veritas, via &  
vita: extra te nulla eſt ſalus. O JESU fons benignitatis,  
ſola ſpes æternitatis; non vis mortē morientum; vitā cu-  
pis pœnitentum. Tu peccatoribus reſiſcentibus gratiā  
& miſericordiā, delictorumq; remiſſionem jurejurando  
gratis promiſiſti: Siſ igitur & mihi propitiꝯ, & me, qui in-  
ter peccatores primum locum obtrineo, primum recipe.  
Ne memineris Domine peccatorum juventutis meæ, pe-  
tulanti tranſactæ malitiæ. Ne in judicium ſervum tuum  
abripias, corā quo neq; ullus viventium conſiſtit, neq; ipſi  
cæli puri ſunt. Quod ſi tibi allubeſcet peccatis noſtris di-  
gnam inſligere pœnā, quis ſuſtinebit? Renova in me ò  
Deus meus gratiā tuā, ut ab ea producar in omnem veri-  
tatem. Fac me verè pœnitentem & peccatis morientem:  
ſic ego, quantum in me erit, in poſterum ad vitā ſanctam  
agendā, melioremq; militiā militandā omnes nervos in-  
tendam; & ſeculo huic, omniq; vanitati nova pierate re-  
nunciabo. Sic parvi faciam Pontium Pilatum, Herodem,  
Caiphā, liſtores & milites Iudæorum. Exaudi Deus pre-  
ces meas, & converte me ò Deus, ut ad te convertar; ob-  
liga animā meā vulnera, ut ſaner; doce me, ut erudiar. Eꝯ  
quem



quem tu filium propter hominum peccata morti tradi-  
disti; eundem propter nostrā justitiam eā vi, quā omnia  
tibi subiecisti, exuscita.

## EPILOGUS.

**Q**uam detestandum quamq; horrendum sit vitium ingra-  
titudinis, Illustris ac Generose Domine, Viri admodum Re-  
verendi, Excellentissimi, Clarissimi & Amplissimi, nō mo-  
dō veterum Historiarum series, sed etiam prater quoti-  
dianam experientiam, sapientissimus ille Salomon testatur, cum  
maius de domo ingrati non recessurum ait: Quō ipsō satis mani-  
feste ostendit, Deum ipsum ingratis gravissimè esse insensum, cum-  
que, qui cuiuspiam beneficiis affectus, ea statim immemori obliterat  
animo, sese omnibus posthac beneficiis indignum reddere. Ne igi-  
tur & nos, si acerbissima passionis & mortis tormentis nostri memo-  
riam sicco, quod ajunt, pede praterivemus, notam ingratitudinis  
incurramus, Clarissimus Dominus Rector, Praceptor noster plus  
quam filiali amore prosequendus, nos jussit, ut de exantlatis Christi  
in passione doloribus, pro ingeniolorum nostrorum tenuitate, in hac  
praecllentissimorum virorum coronā, publicè verba faceremus, il-  
losq; gratā mente recoleremus. Cui cum refragari fas non sit, lu-  
benter declamandi exercitium in nos suscepimus, praesertim cum id  
a nobis & dignitas & utilitas hujus historiae Evangelicae requirat.  
Haecenus enim, Auditores, percepistis, quod non purus putus homo  
passus sit, quod saepe in sacrarum literarū pendeētis factum legimus,  
ex quibus certum est, quod non rarò vel sanctissimi viri gravissimas  
calamitates, miserias, persecutiones & exilia experti fuerint. Pro-  
deat enim Vir ille secundū cor Dei & voluntatē, Rex & Propheta  
David; Nonnè cum gemitu ita dicentem audiemus? In flagella  
paratus sum. Prodeat patientissimus ille lobus Nonnè cum  
dolore exclamantem illum hac audiemus verba? Calamitas mea  
gravior apparet, quā arena maris. Quid de Protomartyre Stepha-  
no commemorem? Qui tamen lato animo ad supplicium ibat, & ut  
cum Poëta venuste ac eleganter canente loquar, ibat

Ibat ovans animis & spe sua damna levabat.

Non, inquam, hominis vulnera, passionem, mortem descripsimus, sed ejus, qui est verus Dei Filius, qui est Rex ac Dominus noster, Pontifex maximus, noster Mediator, Salvator, Diaboli Destructor, vitæ Instaurator, humani generis Autor, nostræ diliciæ atq; Salutis. O admirandum misericordiæ divinæ mysterium! Rex Regum & Dominus Dominantium pro servis; Creator pro Creaturis; vita deniq; ipsa pro nobis miseris hominibus & aternâ morte dignis ignominiosissimam mortem in cruce exantlavit. Si pastor, ut oves suas ex lupi faucibus redimat, seipsum illis obijciat, fidelis est estimandus, quemadmodum David seipsum pro ovibus redimendis ragenti Leoni & ursæ prostituit, illosq; occidit; Si Dux patriæ pro militibus suis caput suum certissima morti devoveat, ut de Rege Codro memoriæ proditum est, quod pro exercitu suo mortem subire acerbissimam non recusaverit, heroicam hanc fortitudinem, pietatem, caritatē jure meritoq; ad cælum evehes; Si Sponsus pro Sponsa gravissimum vitæ discrimen non detrectet, quemadmodum Rex Tygranes, cū hostis illi & amata Nympha necem mixeretur, memorabile hoc dedit responsum, se pro Sponsa mori malle, quam superesse solum, cum stupore eam fidelitatem & amorem admiramur: Quanto magis Rex noster Cælestis fidelis est estimandus, quanto majore ejus amor & Φιλανθρωπία admiratione digna censenda, si seipsum pro nobis, tanquam pro ovibus suis, tradidit, non nudus Homo, ut David, Codrus & Tygranes, sed homo & Deus in una personâ, omnium rerum Conditor, humani generis à peccato & morte reparator. Non adeò mirum est, si homo pro homine, mortalis pro mortali pericula subit: Verum hoc magis admirandum, quod verus DEI Filius pro nobis miseris hominibus rigidissimos mortis cruciatus sustinuit. Ingens profecto beneficium hoc est, quod Christus nostri loco, omniumq; hominum causâ morti se tradidit; sed longè ponderosius passionis & mortis Christi opus apparebit, si paulo accuratius, Auditores optimi, ipsa παθήματα Christi perpenderit. Ille enim per totum totius vitæ curriculum, & in cor-

pore

pore & in anima permulta imo innumerapassus est. Considerate  
quæso ejus vitam, meram invenietis Paupertatem, Persecutionem,  
Exilium, Famem, Laborem, Tentationem diabolicam, amicorum  
Perfidiam, inimicorum fraudes & dolos, imprimis vero in passio-  
ne Calumniam, Sitim, Contemptum, Vulnera, Verbera, Irisionem,  
Vincula, Mortem deniq; ipsam: Caput ejus baculis contusum, Spina-  
rum perfodiebatur aculeis; Faciei ejus Sancta colaphi impinge-  
bantur, imò totum corpus vulneribus sauciabatur. Quæ omnia  
quamquam magna sunt, attamen multo majores & intensiores cra-  
ciatus anima ejus experta est. Ab una parte gravissima nostrorum  
peccatorum moles, maledictis legis, & vis infensissimi humani ge-  
neris hostis Diaboli; Ab alterâ parte ardens Patris ira ipsum pres-  
sit. Unde non tantum sudor sanguineus ex sanctissimo ejus corpore  
defluxit, sed & copiosissima unda sanguinis largiter ex capite cora-  
nâ spineâ compuncto, & ex vulneribus toti corpori inflatis emana-  
vit: Sicut enim uva in torcular coniecta onere superimposito frangi-  
tur, & undiq; liquorem effundit; Ita corpus Christi pondere ira dia-  
bolicâ & gravitate peccatorum nostrorum pressum, liquorem sangui-  
nis undiquaq; effudit, adeò sanè, ut gemitivus hac lamentabili  
voce exclamaret: Tristis est anima mea usq; ad mortem. Hac, Au-  
ditores, quantacunq; sunt, quæ certè maxima sunt, non pro angelis,  
qui ista passione non indigent, sed pro nobis, & universo genere hu-  
mano patienter sustinuit: Paupertatem passus est, ut nos ditaret;  
Persecutionem sustinuit, ut nobis securitatem donaret; In ignomi-  
niosissimum damnatorum locum ejectus est, ut nobis gloriosum con-  
ciliaret domicilium; Ille famem est expertus, ut nos æternum epu-  
laremur; Ille labores pertulit, ut nos perenni quiete potiremur; Il-  
le tentationem diabolicam fortiter sustinuit, ne nos suis tentationib; illaquearet Diabolus; Ille vulneribus est percussus, ut nos sanare-  
mur; Ille catenistigatus, ut nos liberaremur; Ille luctari voluit  
cum morte, ne in agone mortis nos deficeremus; anxietatem ille gra-  
visissimam & tristitiam usq; ad mortem sustinere voluit, ut æterna la-  
titie in cælis participes nos redderemur; à populo Iudaico captivus  
duci




*duci voluit. ut nos peccati vinculis captos & in aeternā damnationē  
 precipitandos liberaret: Imò mortem ipsam sustinuit, ut nos vitā  
 haberemus. Merito igitur tibi Christe, cœlestis Patris imago, grati-  
 as, quas mente concipere possumus, maximas, agimus. quod nos mi-  
 seros peccatores, & dānatos homines citra nostra opera, merita &  
 dignitates passione tua redemisti: O aeternæ Rex! magna est passio  
 tua, cruciatus tui graves sunt, mors tua amara & ignominiosa est,  
 caritas ineffabilis, quā nos calamitosos homines Patri tuo dilecto  
 reconciliasti. Tu pro nobis in monte Olivarū præ magno mortis ter-  
 rore, sudorē, quasi sanguinis grumos, in terrā decedentes, sudasti.  
 Tu pro nobis ab omnibus discipulis tuis relictus in manus Iudeorū  
 temet ipsū ultro tradidisti, quite captum ab uno iudice ad alium sine  
 commiseratione deduxerunt. Tu pro nobis falso accusatus; damnatus;  
 ignominiose consputus; turpiter derisus; & contumeliose pugnis  
 in faciem percussus es. Pro hīs & aliis tormentis ac cruciatibus tuis  
 laudes & gratias tibi agimus sempiternas; atq; oramus te, ne passio  
 tua sancta nobis irrita & inanis fiat, sed ut ex ipsa consolationes dul-  
 ciſſimas hauriamus, & memores illius perpetuò de ea gloriemur, ac  
 tandem vitam aeternam per eam consequamur. Deniq; & vobis, Illu-  
 stris ac Generose Domine, viri admodū Reverēdi, Clarissimi, Excel-  
 lentissimi, Amplissimi, & Consultissimi, gratias ex intimis nostri  
 cordis visceribus agimus, quod nostrum declamandi exercitium sin-  
 gulari vestrà præſentiā condecorare, magnoq; silentio attentas au-  
 res præbere volueritis. Quod si quid minus subtiliter, minusq; or-  
 natè dictum actum vè vobis visum fueris, id ingeniorum nostrorū  
 tenuitati, & in hīs artib; parū versata exercitationi adscribatū,  
 atq; studia nostra austeritate, consilio & auxilio vestro promoveatū,  
 summo perè rogamus: Nos vicissim pro exhibito isto favore quo-  
 vis tempore nostram observantiā, cultum & officia,  
 qualiacunq; illa etiam sint, offerimus.*

*DIXI.*

---

STETINI,  
 Typis DAVIDIS RHETII.

tionē  
viiā  
rati-  
s mi-  
a &  
passio  
est,  
lecto  
ter-  
lasti.  
eorū  
sine  
atq;  
gnis  
tuis  
passio  
dul-  
r, ac  
llu-  
ccel-  
ostri  
sin-  
au-  
or-  
eorū  
atū,  
stū,  
uo-





Biblioteka Jagiellońska



stdr0025083



29.